

LES  
QUATRE PRE-  
MIERS LIVRES DE  
LA FRANCIADE.

AV ROY  
TRES-CHRESTIEN, CHARLES  
NEVFIEME DE CENOM.  
PAR PIERRE DE RONSARD  
GENTIL-HOMME VANDOMOIS.

TOME III.




A PARIS,  
Chez la veufue Gabriel Buon , au cloz  
Bruneau à l'enseigne S. Claude.

---

1597.  
AVEC PRIVILEGE DV ROY.



*Tel fut Ronsard autheur de cest ouvrage,  
Tel fut son œil, sa bouche & son visage,  
Portrait au vis de deux crayons diuers:  
Icy le corps, & l'esprit en ses vers.*



IN PETRI RONSARDI

FRANCIADA IO. AVRA-  
tus Poëta Regius.



*I*uppiter è Phrygia seruauit turre cadentē  
Fictō dissimulans Astyanaëta dolo:  
Scilicet vt Francos mutato nomine Reges  
Conderet, unde suos Fræcia sacrat aues,

*A* Iou seruata perisset tempore rursus

*A*styanaëtae gloria tota domus,

*N*i Iouis exemplum tu nunc, Ronsarde, secutus

*F*ictis seruasses Astyanaëta modis.

IN P. RONSARDI

FRANCIADA.



*A*emula Smyrneo cõtendens Mantua cinis

*L*iquerat incertis nutatia premia Musis:

*A*t nunc, Virgilius magno ne pugnet

*H*omero,

*S*ustulit ambiguae tandem certamina palme

*F*rancias, Et vterem litem interiecta dirimit.

*S*ic medius, Ronsarde, sedes tanta arbiter artis,

*V*t neuter primus, sed sit tibi uterque secundus.

I. PASSERATIVS.

*A* ¶

## SONNET.



*Vi m'ozera nier la vieille opi-  
 nion  
 De naistre en nouveaux corps,  
 si docte il considere  
 Reniure en cest autheur Virgile  
 avecq Homere,  
 Qui semblables ne font qu'une entiere vniõ.  
 Trois vnitez en tout sont la perfection:  
 Et pour la Poësie en ces trois vn, parfaire,  
 Il falloit ce troisieme au nôbre satisfaire,  
 Egal à la Romaine & Grecque nation.  
 Celuy qui veut peindre au vis toutes les  
 Muses,  
 Et les saintes fureurs par Apollon infuses,  
 Et luy-mesme Apollon qui les Poëtes fait:  
 Bref qui veut en tableau monstrier la Poësie,  
 Dont vne gentille ame est brusquement  
 saisie,  
 Qu'il tire de Ronsard seulemēt le portrait.*

A. I A M I N.





PREFACE SUR LA FRAN-  
ciade, touchant le Poëme Her-oïque.  
Au lecteur apprentif.

*Carmen reprehendite quod non  
Multa dies & multa litura cœcruit, atque  
Præsectum decies non castigavit ad unguem.*

**L** ne faut t'esmeruëiller, Le-  
cteur, de quoy ie n'ay compo-  
sé ma Franciade en vers Ale-  
xandrins, qu'autrefois en ma  
ieunesse, par ignorance, ie pen-  
sois tenu en nostre langue le  
rang des Carmes heroïques, encores qu'ils  
respondent plus aux senaires des Tragiques  
qu'aux magnanimes vers d'Homere & de Vir  
gile, les estimant pour lors plus conuenables  
aux magnifiques argumens & aux plus excel-  
lentes conceptions de l'esprit, que les autres  
vers communs. Depuis i'ay veu, cogneu, &  
pratiqué par longue experience, que ie m'e-  
stois abusé: car ils sentent trop la prose tref-  
facile, & sôt trop eneruez & flagues, si ce n'est  
pour les traductiōs, ausquelles à cause de leur  
longueur ils seruent de beaucoup pour inter-  
preter le sens de l'Aucteur qu'on entreprend  
de traduire. Au reste, ils ont trop de caquet,

verras vn *fœmina*, vn *litus arandum*, Et nunc ille  
*Paris cum femiuirio comitatu*, & cette lamétation  
 misérable de la pauvre vieille, mere d'Euriale,  
 voyât la teste de s<sup>on</sup> fils fichée sur le haut d'une  
 lance, il n'y a cœur si dur qui se peult cōtenir de  
 pleurer. Et cette braue vanterie de Numanus  
 beaufrere de Turne, qui se cōmence, *Is primam*  
*ante aciem*. iusques à ce vers, *Talia iactantē dictis*.  
 & la colere d'Hercule tuât Cac<sup>us</sup>: & ceste lamé-  
 table plainte de Mezance sur le corps mort de  
 son fils Lauzus, & mille autres telles ecstati-  
 ques descriptiōs, que tu liras en vn si diuin au-  
 teur, lesquelles te feront Poëte, encores que  
 tu fusses vn rocher, t'imprimerōt des verues,  
 & t'irriteront les naifues & naturelles scintil-  
 les de l'ame que dès la naissance tu as receues.  
 t'inclinans plus tost à ce mestier qu'à cestuy-  
 la: car tout homme dès le naistre reçoit en l'a-  
 me ie ne sçay quelles fatales impressions, qui  
 le cōtraignent suiure plustost son Destin que  
 sa volonté.

Les excellens Poëtes nomment peu souuent  
 les choses par leur nom propre. Virgile vou-  
 lant descrire le iour ou la nuit, ne dit point  
 simplement & en paroles nues, Il estoit iour,  
 il estoit nuit: mais par belles circonlocutiōs,  
*Postera Phœbea lustrabat lampade terras*  
*Humētēsque Aurora polo dimouerat umbras:*

*Nox erat & placidum carpebant fessa soporem*  
*Corpora per terras, Syluæque & saua quierant*

*Aequora, cū medio Voluuntur sidera lapsu,  
Quum ta. et omnis ager, pecudes, piētaque Vo-  
lucres. & mille autres.*

Ceste Virgiliane descriptiō de la nuit est prise presque de mot à mot d'Apolloine Rhodiē. Voy comme il décrit le printemps.

*Vere nouo gelidus canis cū montibus humor  
Liquitur, & Zephyro patris se gleba resoluit.*

Labourer, vertere terrā. Filer, tolerare vitā colo, tenuique Minerva. Le pain, Dona laboratē Cerevis. Le Vin, Pocula Bacchi. Telles semblables choses sont plus belles par circōlocutiōs, que par leurs propres noms: mais il en faut sagement vser: car autrement tu rendrois ton ouvrage plus enflé & bouffi que plein de maiesté. Tu n'oubliras les descriptiōs du leuer & coucher du Soleil, les Signes qui se leuent & couchent avec luy, ni les serenitez, orages & tempestes.

*ipse pater media nimborum in nocte corusca  
Fulmina molitur dextra.* Puis,

--ille flagranti

*Aut Athō aut Rhodopē aut alta Ceraunia telo  
Deiicit, ingemināt Austri & desisimus imber.*

Tu enrichiras ton Poëme par varietez prises de la Nature, sans extrauaguer comme vn frenetiq; Car pour vouloir trop euter, & du tout te bānir du parler vulgaire, si tu veux voler sans consideration par le trauers des nues, & faire des grotesques, Chimères & mōstres,

& non vne naïfue & naturelle poëſie, tu ſeras imitateur d'Ixion, qui engendra des Phantomes au lieu de legitimes & naturels enfans. Tu dois d'auantage, Lecteur, illuſtrer ton œuvre de paroles recherchees & choiſies, & d'argumēt rēforcez, tātōſt par fables, tātōſt par quelque<sup>s</sup> vieilles hiſtoires, pourueu qu'elles ſoiēt brief<sup>s</sup> uement eſcrites & de peu de diſcours, l'enrichiſſant d'Epithetes ſignificatifs & non oisifs, c'eſt à dire qui ſeruent à la ſubſtance des vers & par excellentes, & touteſois rares ſentences: Car ſi les ſentences ſont trop frequētes en ton œuvre Heroique, tu le rēdras mōſtrueux, comme ſi tout tō corps n'eſtoit compoſé que d'y eux & non d'autres membres, qui ſeruent beaucoup au cōmerce de noſtre vie: ſi ce n'eſtoit en la Tragedie & Comedie, leſquelles ſont du tout didaſcaliques & enſeignantes, & qu'il faut qu'en peu de paroles elles enſeignēt beaucoup, cōme mirouers de la vie humaine: d'autant qu'elles ſont bornees & limitées de peu d'eſpace, c'eſt à dire d'un iour entier.

Les plus excellens maîtres de ce meſtier les commencent d'une minuet à l'autre, & non du poinct du iour au Soleil couchant, pour auoir plus d'eſtendue & de longueur de temps.

Le Poëme Heroique, qui eſt tout guerrier, comprend ſeulement les actions d'une annēe entiere: & ſemble que Virgile y ait failli, ſelon que luy meſme l'eſcrit.

*Annus exactis completur menſibus orbis,*

*Ex quo relliquias diuiniq<sup>3</sup> ossa parentis  
Condidimus terra.*

Il y auoit desia vn an passé quand il feit les ieux funebres de son pere en Sicile, & toutefois il n'aborda de long temps apres en Italie.

Tous ceux qui escriuēt en Carmes, tant doctes puissent ils estre, ne sont pas Poëtes. Il y a autant de difference entre vn Poëte & vn versificateur, qu'entre vn bidet & vn genereux coursier de Naples, & pour mieux les accompagner, entre vn venerable Prophete & vn Charlatan vendeur de triacles. Il me semble quand ie les voy armez de mesmes bastons que les bōs maistres, c'est à dire des mesmes vers, des mesmes couleurs, des mesmes nōbres & pieds dont se seruent les bons auteurs, qu'ils ressemblent à ces Hercules desguisez es Tragedies, lesquels acheptent la peau d'vn Lion chez vn peletier, vne grosse massue chez vn charpentier, & vne faulse perruque chez vn attiffeur: mais quād ce vient à combattre quelque Monstre, la massue leur tōbe de la main, & s'enfuiēt du combat comme couards & poltrons. Ces versificateurs se cōtētēt de faire des vers sans ornemēt, sans grace & sans art, & leur semble auoir beaucoup fait pour la Republique, quād ils ont composé de la prose rimee. Au contraire, le Poëte heroiique inuente & forge argumens tous nouueaux, faict entreparler les Dieux aux hommes & les hōmes aux Dieux, faict harāguer les Capitaines comme il fault,

descriit les batailles & assauls, factions & entreprises de guerre: se mesle de coniecturer les augures, & interpreter les songes, n'oublie les expiations & les sacrifices que l'on doit à la diuinité: tantost il est Philosophe, tantost Medecin, Arboriste, Anatomiste, & Iuriconsulte, se seruant de l'opinion de toutes sectes, selon que son argument le demande. Bref, c'est vn homme, lequel cōme vne mousche à miel delibe & succe toutes fleurs, puis en fait du miel & son profit selō qu'il viēt à propos. Il a pour maxime tresnecessaire en son art, de ne suiure iamais pas à pās la verité, mais la vray-semblance, & le possible: Et sur le possible & sur ce qui se paut faire, il bastit son ouurage, laissant la veritable narration aux Historiographes, qui poursuiuēt de fil en esguille, comme on dit en proverbe, leur subiect entrepris du premier commencement iusques à la fin. Au contraire, le Poëte bien aduisé plein de laborieuse industrie, commence son œuvre par le milieu de l'argumēt, & quelquefois par la fin: puis il deduit, & poursuit si bien son argument par le particulier accident & euenement de la matiere qu'il s'est proposé d'escrire, tantost par personnages parlans les vns aux autres, tātost par songes, propheties & peintures interees contre le dos d'vne muraille & des harnois, & principalement des boucliers, ou par les dernieres paroles des hōmes qui meurent, ou par augures & vol d'oiseaux & phantastiques visions de Dieux & de demons, ou

monstrueux langages des cheuaux naurez à mort : tellement que le dernier acte de l'ouvrage se cole, se lie & s'enchaîne si bien & si à propos l'un de dans l'autre, que la fin se rapporte dextrement & artificiellement au premier poinct de l'argument. Telles façons d'escrire, & tel art plus diuin que humain est particulier aux Poëtes, lequel de prime face est caché au Lecteur, s'il n'a l'esprit bien rusé pour comprendre vn tel artifice. Plusieurs croyent que le Poëte & l'Historien soient d'un mesme mestier : mais ils se trompent beaucoup : car ce sont diuers artisans, qui n'ont rien de commun l'un avecques l'autre, si non les descriptions, des choses, comme batailles, assauts, de montaignes, forests & riuieres, villes, affictes de camp, stratagemes, nombre des morts, conseils & pratiques de guerre : en cela il ne faut point que le Poëte faille non plus que l'Historien. Au reste, ils n'ont rien de commun (comme i'ay dict) sinon que l'un ne l'autre ne doit iamais mentir contre la verité de la chose, comme a failli Virgile au temps, c'est à dire en la Chronique, lequel a faict Didon fille de Belus estre du temps d'Aenee, encore qu'elle fut cent ans deuant pour le moins : mais il inuenta telle ruse pour gratifier Auguste & le peuple Romain vainqueur de Carthage, donnant par les imprecations de Didon commencement de haine & de discorde mortelle entre ces deux florissantes nations. La plus grande partie de ceux qui escriuent de nostre temps,

se trainent enervées à fleur de terre, comme foibles chenilles, qui n'ont encor la force de grimper aux festes des arbres, lesquelles se contentent seulement de paistre la basse humeur de la terre, sans affecter la nourriture des hautes cimes, auxquelles elles ne peuvent atteindre à cause de leur imbecillité. Les autres sont trop ampoulez, & presque creux d'enfleures cōme hydropiques, lesquels pensent n'avoir rien fait d'excellent, s'il n'est extravagant, creux & bouffy, plein de songes monstrueux & paroles piafées, qui ressemblent plustost à vn jargon de Gueux ou de Boëmiens, qu'aux paroles d'un Citoyen honneste & bien appris. Si tu veux demembrer leurs carmes, tu n'en feras sortir que du vent, non plus que d'une vessie de pourceau pleine de pois, que les petits enfans creuent pour leur servir de ioüet.

Les autres plus rusez tiennent le milieu des deux, ny rampans trop bas, ny s'eslevans trop haut au traucers des nues, mais qui d'artifice & d'un esprit naturel élaboré par longues estudes, & principalement par la lecture des bons vieux Poëtes Grecs & Latins, descriuent leurs conceptions d'un style nombreux, plein d'une venerable Majesté, comme a fait Virgile en sa divine Aeneide. Et n'en cherche plus d'autres, Lecteur, en la langue Romaine, si ce n'estoit de fortune Lucrece: mais parce qu'il a escrit ses frenesies, lesquelles il pensoit estre vrayes selon sa secte, & qu'il n'a pas basti son



œuvre sur la vray-semblance & sur le possible, ie luy oste du tout le nom de Poëte, encore que quelques vers soient non seulement excellens mais diuins. Au reste, les autres Poëtes Latins ne sont que naquets de ce braue Virgile, premier Capitaine des Muses, non pas Horace mesmes, si ce n'est en quelques-vnes de ses Odes, ny Catulle, Tibulle, & Propertius, encore qu'ils soient tres-excellens en leur mestier: si ce n'est Catulle en son Athis, & aux Noces de Peleus: le reste ne vaut la chadelle. Stace a suivi la vray-semblance en sa Thebaide. De nostre temps Fracastor s'est monstré tres-excellent en sa Syphillis, bien que ses vers soient vn peu rudes. Les autres vieux Poëtes Romains: comme Lucain & Silius Italicus, ont couuert l'histoire du manteau de Poësie: ils eussent mieux fait à mon aduis, en quelques endroits, d'escrire en prose. Claudian est Poëte en quelques endroits, comme au Rauissement de Proserpine: le reste de ses œuvres ne sont que Histoires de son temps, lequel comme les autres s'est plus estudié à l'effure qu'à la gravité. Car voyans qu'ils ne pouuoient egaler la Majesté de Virgile, se sont tournez à l'effure, & à ie ne sçay quelle poincte, & argutie monstrueuse, estimants les vers estre les plus beaux, ceux qui auoient le visage plus fardé de telle curiosité. Il ne faut s'esmerveiller, si i'estime Virgile plus excellent & plus rond, plus serré, & plus parfait que tous les autres, soit que dès ma ieunesse mon Regēt me le lisoit à l'escole,

soit que depuis ie me sois fait vne Idée de ses conceptions en mon esprit (portant tousiours son liure en la main) ou soit que l'ayant appris par cœur dès mon enfance, ie ne le puisse oublier.

Au reste, Lecteur, ie te veux bien aduertir, que le bon Poëte iette tousiours le fondement de son ouurage sur quelques vieilles Annales du temps passé, ou renommée inueterée, laquelle a gagné credit au cerueau des hommes. Comme Virgile sur la commune renommée, qu'un certain Troyen nommé Aenée, chanté par Homere, est venu aux bors Lauiniens luy, ses nauires & son fils, où depuis Rome fut bastie, encores que ledict Aenée ne vint iamais en Italie: mais il n'estoit pas impossible qu'il n'y peust venir. Sur telle opinion desia receue du peuple il bastit son liure de l'Aeneide. Homere au parauant luy en auoit fait de mesme, lequel fondé sur quelque vieil conte de son temps de la belle Heleine & de l'armée des Grecs à Troye, comme nous faisons des contes de Lancelot, de Tristan, de Gauvain & d'Artus, fonda là dessus son Iliade. Car les propres noms des Capitaines & soldats Troyens qui parloient Phrygien, & non Grec, & auoient les noms de leur nation, montrent bien comme euidentmēt ce n'est qu'une fiction de toute l'Iliade, & non verité: comme de Hector, Priam, Polydamas, Anthenor, Deiphœbus, Cassandre, Helenus, & presque tous les autres forgez au plaisir d'Homere.

Oubliant ces deux lumieres de Poëte,  
 fuyant & repuyant sur nos vieilles Annales, i'ay  
 fait un Franciscain, sans me soucier si cela est  
 vray ou non, car si non il n'y a pas de Troyens ou  
 Germains, Scythes ou Arabes : si Francus est  
 vray ou non, car il n'y a pas de Francus qui  
 ne soit un poëte, & non de la verité. C'est  
 le fait d'un Historiographe d'écrire tout  
 ce qu'il veut, & non aux Poëtes qui  
 ne croient que le poëte puis d'une petite  
 famille sont nés un grand berger, & d'une  
 petite caline sont un magnifique Palais,  
 qui est orné de marbre, de porphyre & d'or,  
 de guillemets, de queues, de frontispices &  
 de chapiteaux, & par dessus de tableaux,  
 de tapisseries, de bosquets & d'argens, & le dedans des tableaux  
 de figures & de figures, de figures & difficile à tenir  
 ces figures, à cause de la rude engravure des  
 figures qui semblent vivre dedans. Après  
 les figures, vergers & jardins, comparti-  
 mens & larges allées, selon que les Poëtes ont  
 vu dans leurs livres & bien versé en toutes  
 figures & dignes de leur métier: car la plus  
 part de leur vie est à faire, semblables à ces  
 appreneurs qui ne font que broyer les cou-  
 leurs & non pas peindre. Souviens-toy Le-  
 ctur, de ne laisser passer sous silence l'histoire  
 & la fable appartenant à la matière, & la natu-  
 re, force, & propriétés des arbres, fleurs, plantes  
 & animaux, principalement si elles sont nobles.

de quelques vertus non vulgaires, & si elles  
seruent a la medecine, aux incâtatiōs & ma-  
gies, & en dire vn mot en passant par quelque  
demi vers, ou pour le moins par vn Epithete.  
Nicâdre autheur Grec r'en monstrera le che-  
min: & Columelle en son Iardin, ouurage au-  
tant excellent que tu le sçauois desirer. Tu  
n'oubliras aussi ny les montaignes, forests, ri-  
uieres, villes, republiques, hautes & ports,  
cauernes & rochers, tant pour embellir ton  
œuure par là, & le faire grossir en vn iuste vo-  
lume, que pour te donner reputation & seruir  
de marque à la posterité. Quant aux Capi-  
taines & conducteurs d'armées & soldats, tu  
en diras les peres & les meres, ayeux villes, &  
habillemens, & leurs naissances, & feras vne  
fable là dessus, s'il en est besoin, comme,

*Hic Ammonæ satvæ raptæ Garamantide  
Nympha.*

Puis en vn autre lieu parlant d'Hypolite.

*Insignem quem mater Arctia misit  
Eductum Egeria lucis Hyætia circum  
Littora.*

Puis autre part, parlant d'Helenor qui  
estoit tombé de la tour demy brulé:

*Quorum primævus Helenor  
Meonio regi, quem serua Licinia furtim  
Sustulerat, vetitisque ad Troia miserat armis.*

Quant aux habillemens, tu les vestiras tã-  
tost de la peau d'un Lion, tan tost d'un Ours,  
tantost

*Emissa ab laeva Pantheræ terga rectorquens.*

Tu n'oublieras à fortifier & asséurer ton esprit (s'il est en doute) ou par vn augure, ou par vn oracle, comme

*At rex sollicitus monstris oracula Fauni*

*Fatidici genitoris adit.* Puis,

*Aspice bis senos latantes agmine Cycnos.*

Et en vne autre part,

*Ecce leuis summo de Vertice visus Iulii*

*Fundere lumen apex.*

Il ne fault aussi oublier les admonestemens des Dieux transformez en vulgaires.

*Forma tum vertitur oris*

*Antiquum in Puten, hic Dardanio Anchisæ*

*Armiger antè fuit.*

Tu ne transposeras iamais les paroles ny de ta prose ny de tes vers: car nostre langue ne le peut porter, non plus que le Latin vn solecisme. Il faut dire, Le Roy alla coucher de Paris à Orleans, & non pas, A Orleans de Paris le Roy coucher alla.

I'ay esté d'opinion en ma ieunesse, que les vers qui enjambent l'un sur l'autre, n'estoient pas bons en nostre Poësie: toutefois i'ay cognu depuis le contraire par la lecture des bõs Auteurs Grecs & Romains, comme

*Lavinia venit*

*Littora.*

J'auois aussi pensé, que les mots finissans par

voyeles & diphthongues, & rencontrâs apres vn autre vocable commençant par vne voyele ou diphthongue, rendoit le vers rude: i'ay appris d'Homere & de Virgile, que cela n'estoit point mal-seât, comme, *sub Illo alto. Ionio in magna*. Homere en est tout plein. I'en assure que les enuieux caqueteront, de quoy i'allegue Virgile plus souvent qu'Homere qui estoit son maistre, & son patron: mais ie l'ay fait tout expres, sçachât bien que nos François ont plus de cognoissance de Virgile, que d'Homere & d'autres Autheurs Grecs. Ie suis d'adujs de permettre quelque licence à nos Poëtes François, pourueu qu'elle soit rarement prise. De là sont venues tant de belles figures que les Poëtes en leur fureur ont trouuees, franchissant la Loy de Grammaire, que depuis les Orateurs desens rassis ont illustrees, & leur ont quasi baillé cours & credit, faisans leur profit de la folie d'autrui.

Quant aux comparaisons dont i'ay parlé au commencement assez briefuement, tu les chercheras des artisans de fer & des veneurs, comme Homere, pescheurs, architectes, massons, & brief de tous mestiers dont la nature honore les hommes. Il fault les bien mettre & les bien arranger aux lieux propres de ta Poësie: car ce sont les nerfs & tendons des Muses, quand elles sont placees bien à propos, & seruantes à la matiere: sinon, elles sont du tout ridicules & dignes du fouët. Ne sois iamais long en tes discours, si ce n'est que tu vueilles.

faire vn liure tout entier de ce mesme subiet. Car la Poësie Heroique qui est dramatique, & qui ne consiste qu'en actiō, ne peut lōgue-ment traicter vn mesme subiet, mais passer de l'un à l'autre en cēt sortes de varietez. Il en faut oublier de faire à la mode des anciēs, des courtoisies aux estrangers; de magnifiques presens de Capitaine à Capitaine, de soldat à soldat, tant pour cōmencer amitié, que pour renouueller l'ancienne, & pour auoir de pere en fils lōgé les vns chez les autres. Tu embelliras de braues cirēonstances tes dons, & ne les presenteras tout nuds ny sans ornement, comme le present du Roy Latin à Aence.

*Stabant ter centum nitidi in præsepibus albis.*

*Omni bus ex templo Teucris iubet ordine duci*

*Instratos ostro alipedes, pictisque tapetis*

*Aurea pectoribus demissa monilia pendent,*

*Tecti auro suluum mandunt sub dentibus au-  
rum.*

*Absenti Aeneæ currum, geminósque iugales*

*Semine ab æthereo spirantes naribus ignem*

*Illorum de gente, patri quos Dædala Circe*

*Supposita de matre nothos furata creauit.*

Et au cinquième,

*Ipsis præcipuos ductoribus addit honores,*

*Victori chlamidem auratam.*

Vn mediocre Poëte se fust contenté de cela, & n'eust pas adiousté

*Purpura Meandro duplici Melibæa cucurrit.*

Encores moins,

*Intextusque puer frondosa regius Ida  
Veloces iaculo ceruos cursuque fatigat,  
Acer anhelanti similis.*

Encore iamaïs vn mauuais Poëte ne se fust souuenu de ce diuin hemistiche,

*-Sæuitque canum latratus in auras.*

Tu n'oublieras à faire armer les Capitaines cōme il faut, de toutes les pieces de leur har-nois, soit que tu les appelles par leur nom propre, ou par periphrases : car cela apporte grand ornement à la Poësie Heroique.

Tu n'oublieras aussi la piste & battement de pied des cheuaux, & représenter en tes vers la lueur & la splendeur des armes frappées de la clarté du Soleil, & à faire voler les tourbillons de poudre sous le pied des Soldats & des Cheuaux, courants à la guerre, le cry des Soldats, froissis de picques, brisement de lances, accrochement de haches, & le son diabolique des canons & harquebuses qui font trembler la terre, froisser l'air d'alentour. Si tu veux faire mourir sur le champ quelque Capitaine ou Soldat, il le faut natter au plus mortel lieu du corps, comme le cerueau, le cœur, la gorge, les aines, le diaphragme : & les autres que tu veux seulement blesser, es parties qui sont les moins mortelles : & en cela tu dois estre bon anatoniste.



Si quelque excellent homme meurt, tu n'oublieras son Epitaphe en vne demie ligne, ou vne au plus, engrauant dans tes vers les principaux oustils de son mestier, comme de Misené qui auoit esté trompette d'Hector, puis auoit tiré la rame de bonne volonté sous Acnée: car c'estoit anciennement l'exercice de grands Heroes & Capitaines, & mesme de ces quarante Cheualiers qui allerét avec Iason en Colchos. Tu seras industrieux à esmouuoir les passions & affectiōs de l'ame, car c'est la meilleure partie de tō mestier, par des carmes qui t'esmouueront le premier, soit à rire ou à pleurer, afin que les lecteurs en fassent autant apres toy.

Tu n'oublieras iamais de rendre le deuoir qu'on doit à la diuinité, oraisons, prieres, & sacrifices, commençant & finissant toutes tes actions par Dieu, auquel les hommes attribuent autant de noms qu'il a de puissances & de vertus, imitateur d'Homere & de Virgile qui n'y ont iamais failli.

Tu noteras encores, Lecteur, ce poinct qui te menera tout droict au vray chemin des Muses: c'est que le Poëte ne doit iamais prendre l'argument de son œuvre, que trois ou quatre cens ans ne soient passez pour le moins, afin que personne ne viuë plus de son temps, qui le puisse de ses fictions & vrayes semblances conuaincre, inuokant les Muses qui se souuiennent du passé, & prophetisent l'aduenir, pour l'inspirer & conduire

plus parfureur diuine que par inntention humaine. Tu imiteras leseffects de la nature en toutes tes descriptions, fuyuant Homere. Car s'il fait bouillir de l'eau en vn chaudron, tu le verras premier fendre son bois, puis l'allumer & le soufler, puis la flame enuironner lapanse du chaudron tout à l'entour, & l'escume de l'eau se blanchir & s'enfler à gros bouillons avec vn grand bruit, & ainsi de toutes les autres choses. Car en telle peinture, ou plüstoit imitation de la nature, cōsiste, toute l'ame de la Poësie Heroique, laquelle n'est qu'un enthousiasme & fureur d'un ieune cerueau. Celuy qui deuient vieil, matté d'un sang refroidy, peut bien dire a dieu aux Graces & aux Muses.

Dōc Lecteur, celuy qui pourra faire vn tel ouürage, & qui aura vne bouche sonnāt plus hautement que les autres, & toutesfois sans se perdre dans les nues, qui aura l'esprit plus plein de prudence & d'aduis, & les cōceptiōs plus diuines, & les paroles plus rehaussées & recherchées, bien assises en leur lieu par art & non à la volée, donne luy nom de Poëte, & nō au versificateur, cōposeur d'Epigrammes, Sonnets, Satyres, Elegies, & autres tels menus fatras, où l'artifice ne se peut estendre: la simple narration enrichie d'un beau langage, est la seule perfection de telles compositions.

Veux tu sçauoir, Lecteur, quand les vers sont bons & dignes de la reputation d'un excellent ouurier, fuy le conseil d'Horace: il

fault que tu les demêbres & desassembles de leur nombre, mesure & pieds, que tu les transportes, faisant les derniers mots les premiers, & ceux du milieu les derniers. Si tu trouues apres tel desassemblément de la ruine du bastiment, de belles & excellentes paroles, & phrases non vulgaires, qui te contraignent d'enleuer ton esprit oultre le parler commun: pense que tels vers sont bons & dignes d'un excellent Poëte. Exemple des mauuais vers.

*Madame en bonne foy se vous donne mon cœur,  
N'vsez point enuers moy s'il vous plait de rigueur.*

Efface *cœur*, & *rigueur*, tu n'y trouueras vn seul mot qui ne soit vulgaire ou triual: où si tu lis ceux cy,

*Son harnois il endosse, & furieux aux armes.*

*Profendit par le fer vn scadron de gensdarmes,*

tu trouueras au desmembrement & deliaison de ces deux carmes, qui te seruēt d'exemple pour les autres, toutes belles & magnifiques paroles, *Harnois, endosse, furieux, armes, profendit, fer, scadron, gensdarmes*. Cela se doit faire tant que l'humain artifice le pourra: car bien souuent la matiere ny le sens ne desirent pas telle hausseure de voix, & principalement les narratiōs & pourparlers des Capitaines, conseils & deliberations és grandes affaires, lesquelles ne demandent que parole nue & simple, & l'exposition du faict: car tantost il doit estre orné, & tātost non: car c'est vn extreme vice à vn Orféure de plomber de l'or. Il fault imiter les bons mesnagers, qui tapissent bien  
leurs

leurs sales, chambres & cabinets, & non les galetas, où couchent les valets. Tu auras les conceptions grandes & hautes, comme ie t'ay plusieurs fois aduertí, & non monstrueuses ny quintessencieuses cōme sont celles des Espagnols. Il faudroit vn Apollon pour les interpreter, encor il y seroit bien empesché avec tous ses oracles & Trepieds.

Tu n'oublieras les noms propres des outils de tous mestiers, & prendras plaisir à t'en enquerre le plus que tu pouüras, & principalement de la chasse. Homère a tiré toutes ses plus belles comparaisons de là. Ie veux bien t'aduertir, Lecteur, de prendre garde aux lettres, & feras iugement de celles qui ont plus de son & de celles qui en ont le moins. Car A, O, V, & les consones M, B, & les ff, ffrissant les mots, & sur toutes les rr, qui sont les vraies lettres Heroiques, font vne grande sonnerie & batterie aux vers. Suy Virgile qui est maistre passé en la composition & structure des carmes: regarde vn peu quel bruit font ces deux icy sur la fin du huietieme de l'Aeneide.

*Vnā omnes ruere ac totum spūmare, reductis  
Conuulsū remis rostris stridentibus aquor.*

Tu en pourras faire en ta langue autant que tu pourras. Tu n'oublieras aussi d'inserer en tes vers ces lumieres, ou plustost petites ames de la Poësie, comme,

*Italiam metire iacens.*

qui est proprement vn Sarcasme: c'est à dire,

tout parfait: la mediocrité est vn extrême vice en la Poësie, il vaudroit mieux ne s'en mesler iamais, & apprendre vn autre mestier.

D'auantage ie te veux bien encourager de prendre la sage hardiesse, & d'inuenter des vocables nouueaux, pourueu qu'ils soiēt moulez & façonnez sus vn patron desia receu du peuple. Il est fort difficile d'escrire bien en nostre langue, si elle n'est enrichie autrement qu'elle n'est pour le present de mots & de diuerses manieres de parler. Ceux qui escriuent iournellement en elle, sçauant bien à quoy leur en tenir: car c'est vne extreme geine de se seruir tousiours d'un mot. Oultre ie t'aduertis de ne faire conscience de remettre en vsage les antiques vocables, & principalement ceux du langage Vvallon & Picard, lequel nous reste par tant de siecles l'exemple naif de la lāgue Françoisse, i'entends de celle qui eut cours apres que la Latine n'eut plus d'vsage en nostre Gaule, & choisir les mots les plus pregnants & significatifs, non seulement dudit langage, mais de toutes les Prouinces de France, pour seruir à la Poësie lors que tu en auras besoin. Malheureux est le debteur, lequel n'a qu'une seule espece de monnoie pour payer son creancier. Oultre-plus si les vieux mots abolis par l'vsage ont laissé quelque reietton, comme les branches des arbres coupez se raieunissent de nouueaux drageons, tu le pourras prouigner, amēder & cultiuer, afin qu'il se repeuple de nouueau. Exemple de *Lobbe*, qui est vn vieil

mot François qui signifie mocquerie & raille-  
rie Tu pourras faire sur le nô le verbe *Lobber*,  
qui signifiera mocquer & gaudir, & mille au-  
tres de telle façon. Tu te donneras de garde,  
si ce n'est par grande contrainte, de te servir des  
mots terminez en ion, qui passēt pl<sup>9</sup> de trois  
ou quatre syllabes, comme abomination, te-  
stification : car tels mots sont languissants, &  
ont vne trainante voix, & qui pl<sup>9</sup> est, occupēt  
languidement la moitié d'un vers. C'est autre  
chose d'escrire en vne langue florissante qui  
est pour le present receüe du peuple, villes,  
bourgades & citez, comme viue & naturelle,  
approuuee des Rois, des Princes, des Se-  
nateurs, marchands & trafiqueurs, & de com-  
poser en vne langue morte, muette & enseue-  
lie sous le silence de tant d'espaces d'ans, la-  
quelle ne s'apprend plus qu'à l'escole par le  
foïet & par la lecture des liures, ausquel-  
les langues mortes il n'est licite de rien inno-  
uer, disgraciees du temps, sans appuy d'Em-  
pereurs, ny de Roys, de Magistrats ny de  
villes, comme chose morte laquelle s'est  
perdue par le fil des ans, ainsi que sont toutes  
choses humaines, qui perissent vieilles, pour fai-  
re place aux autres suiuanes & nouuelles: car  
ce n'est la raison que la nature soit tousiours  
si prodigue de ses biës à deux ou trois natiōs,  
qu'elle ne vucille conseruer ses richesses aus-  
si pour les derniers cōme les premiers. En tel-  
les langues passees & defunctes (cōme i'ay dit)  
il ne fault rien innouer, cōme enseuechies, ayant

reigné leur droict aux viuantes, qui florissent en Empereurs, Princes & Magistrats, qui parlent naturellement, sans maistre d'escole, l'usage le permettant ainsi: lequel usage le permet en la mesme façon que le commerce & trafic des monnoies pour quelque espace de temps: ledict usage les descrie quand il veult. Pource il ne se fault estonner d'ouyr vn mot nouveau, non plus que de veoir quelque nouvelle locondalle, nouveaux Tallars, Royales, Ducats de saint Estienne, & Pistolets. Telle monnoie, soit d'or ou d'argent, semble estrange au commencement: puis l'usage l'adoucit & domestique, la faisant recevoir, luy donnant autorité, cours, & credit, & deuiant aussi commune que nos Testons & nos Escus au Soleil.

Tu seras tres-aduisé en la composition des vocables, & ne les feras prodigieux, mais par bon iugement, lequel est la meilleure partie de l'homme, quand il est clair & net, & non embabouiné ny corrompu de monstrueuses imaginatiōs de ces Robins de Cour qui veulent tout corriger.

Je te conseille d'vser indifferemment de tous dialectes, comme i'ay desia dict: entre lesquels le Courtisan est tousiours le plus beau, à cause de la Majesté du Prince: mais il ne peut estre parfait sans l'aide des autres: car chacun iardin a sa particuliere fleur, & toutes nations ont affaire les vnes des autres: comme en nos hautes & ports, la marchandise bien loin cher-

chée en l'Amerique, se debite par tout. Toutes Prouinces, tant soient elles maigres, seruent aux plus fertiles de quelque chose, comme les plus foibles membres, & les plus petits de l'homme seruent aux plus nobles du corps. Je te conseille d'apprendre diligemment la langue Grecque & Latine, voire Italienne & Espagnole, puis quand tu les sçauras parfaitement, te retirer en ton enseigne comme vn bon Soldat, & composer en ta langue maternelle, cōme a faict Homere, Hesiodé, Platon, Aristote, & Theophraste, Virgile, Tite Liue, Saluste, Lucrece, & mille autres qui parloient mesme langage que les Laboureurs, valets & chambrieres. Car c'est vn crime de leze Maiesté d'abandonner le langage de son pays, viuant & florissant, pour vouloir deterrer ie ne sçay quelle cendre des anciens, & abbayer les verues des trespassez, & encore opiniaistrement se brâuer là dessus, & dire, l'atteste les Muses que ie ne suis point ignorant, & ne crie point en langage vulgaire comme ces nouueaux venus, qui veulent corriger le Magnificat: encorés que leurs escriits estrangers, tât soient-ils parfaits, ne sçauoiēt trouuer lieu aux boutiques des Apoticaïres pour faire des cornets.

Comment veux tu qu'on te lise, Latineur, quand à peine lit-on Stace, Lucain, Seneque, Silius & Claudian, qui ne seruent que d'obre muette en vne estude, ausquels on ne parle iamais que deux ou trois fois en la vie, encore



qu'ils fussent grâds maîtres en leur lāgue maternelle ? & tu veux qu'on te lise, qui as appris en l'escole à coups de verges le lāgage estrangger, que sans peine & naturellemēt ces grands personnāges parloient à leurs valets, nourrices & chābrières. O quātesfois ay-ie souhaité que les diuines, testes & sacrées aux Muses de Iosephe, Scaliger, Daurat, Pimpont, d'Emery, Florent Chrestien, Passerat, voulussent employer quelques heures à si honorable labour,

*Gallica se quantis attollet gloria verbis!*

Je supplie tres-humblement ceux, ausquels les Muses ont inspiré leur faueur, de n'estre plus Latineurs ny Grecaniseurs cōme ils sont, plus par ostentation que par deuoir : & prendre pitié, comme bons enfans, de leur pauvre mere naturelle : ils en rapporteront plus d'honneur & de reputation à l'aduenir, que s'ils auoient à l'imitation de Lōgueil, Sadolet, ou Bēbe, recousu, ou rabobiné ie ne sçay quelles vieilles rapetasseries de Virgile & de Ciceron, sans tant se tourmenter : car quelque chose qu'ils puissent escrire, tant soit elle excellente, ne semblera que le cry d'vne Oye, au prix du chant de ces vieils Cygnes, oiseaux dediez à Phebus Apollon. Apres la premiere lectute de leurs escrits ; on n'en tient non plus de compte que de sentir vn bouquet fani. Encore vaudroit il mieux, comme vn bon Bourgeois ou Citoyen, rechercher & faire vn Lexicon des vieils mots d'Artus, Lancelot, & Gauvain, ou commēter le Romant de la Rose,

que s'amuser à ie ne sçay quelle Grâmaire Latine qui a passé son temps. D'auantage qu'ils considèrent comme le Turc en gaignant la Grèce, en a perdu la lague du tout. Le mesme Seigneur occupant par armes la meilleure partie de l'Europe, où on souloit parler la langue Latine, l'a totalement abolie, reduisant la Chrestienté, de si vaste & grande qu'elle estoit, au petit pied, ne luy laissant presque que le nom, comme celle qui n'a plus que cinq ou six nations, où la langue Romaine se debite: & n'eust esté le chant de nos Eglises, & Psalmes, chantez au leuthrin, long temps y a que la langue Romaine se fust esuanouye, comme toutes choses humaines ont leur cours: & pour le iourd'huy vaut autant parler vn bon gros Latin, pourueu que l'on soit entendu, qu'vn affecté langage de Cicéron. Car on ne harangue plus deuant Empereurs, ne Senateurs Romains, & la lague Latine ne sert plus de rien que pour nous triuclhementer en Allemagne, Pologne, Anglèterre, & autres lieux de ces pays là. D'vne langue morte l'autre prend vie, ainsi qu'il plaist à l'arrest du Destin & à Dieu, qui commande, lequel ne veut souffrir que les choses mortelles soient eternelles come luy, lequel ie supplie tres-humblement, Lecteur, te vouloir donner sa grace, & le desir d'augmenter le langage de ta nation.

Quant à nostre escriture, elle est fort vicieuse & corrompue, & me semble qu'elle a grand besoin de reformation, & de remettre

en son premier honneur, le K, & le Z, & faire des caracteres nouveaux pour la double N, à la mode des Espagnols ñ, pour escrire Monseigneur, & vne L, double, pour escrire orgueilleux. Je t'en diray d'auantage, quand i'en auray le loisir. A Dieu candide Lecteur.

---

Descriptas seruare vices, operumque colores.  
Cur ego, si nequeo ignoroque, poeta salutor?  
Cur nescire pudens prauè quam discere malo?

Res gestæ regumq;, ducumq;, & tristia bella  
Quo possit scribi numero, mōstrauit Homer⁹.

Hor.

**H**Omere de science & de nom illustre,  
Et le Romain Virgile assez nous ont monstré  
Comment, & par quel art, & par quelle pratique  
Il falloit composer un ouvrage Heroïque,  
De quelle forte haleine, & de quel ton de vers.  
Varié d'argumens & d'accidens diuers.  
I'ay suyui leur patron: à genoux Franciade  
Adore l'Æneide, adore l'Iliade:  
Reuere les pourtraits, & les suy d'aussi loing  
Qu'ils m'ont passé d'esprit, d'artifice & de soing:  
Miracle non-estrange à celui qui contemple  
Ces deux grāds Demy-dieux dignes chacū d'un tēpla:  
L'un Romain, l'autre Grec, à qui les Cieux amis  
Et les Muses auoient tout dit & tout permis;  
Et non à moy François, dont la langue peu riche,  
Conuertie de halliers tous les iours se desfriche,  
Sans mots, sans ornemens, sans honneur & sans pris;

B. v.

Côme un champ qui fait peur aux plus gentils esprits  
 Des laboureurs, actifs à nourrir leurs mesnages,  
 Qui tournent les guerets pleins de ronces sauvages  
 Et d'herbes aux longs pieds, retardement des bœufs,  
 A faute d'artisans qui n'ont point d'avant eux  
 Desfriché ny viré la campagne fermée,  
 Qui maintenant reuesche arreste leur charnuë,  
 Luttant contre le soc d'herbes environné.  
 Mais quoy: prenons en gré ce qui nous est donné,  
 Acheuons nostre tasche, & croyons d'assurance  
 Que ces deux estrangers pourront loger en France,  
 Si la Parque me rit, reschaufant la froideur  
 Des hommes bien adroits à suzyre mon ardeur;  
 Sans craindre des causeurs les langues venimeuses,  
 Pournou que nous rendions nos provinces fameuses,  
 Non d'armes, mais d'escrits: car nous ne sommes pas  
 De nature inclinex à suzyre les combas,  
 Mais le bal des neuf Sœurs, dont la verue nous baille  
 Plus d'ardeur qu'aux soldars de vaincre à la bataille  
 Ils ne sant ulcerex sinon par le dehors,  
 Aux iambes & aux bras, & sur la peau du corps  
 Nous au fond de l'esprit & au profond de l'ame,  
 Tant l'esguillon d'honneur viement nous entâme.  
 La Muse en telle part de son traict va poignant:  
 Et encor que le coup n'apparoisse saignant,  
 Si est-ce qu'il nous blesse, & nous rend fantastiques,  
 Chagrins, capricieux, hagards, melancholiques,  
 Vaisseaux dont Dieu se sert, soit pour profetizer,  
 Ou soit pour enseigner, soit pour authentifier,  
 Vestus d'habits grossiers par paroles rurales,  
 Les arrests de Nature, & les choses fatales.  
 Tels du vieil Apollon les Ministres estoient.

Ou fust sur le trepied, ou fust lors qu'ils chantoient:  
 Et tels ceux d'aujourd'huy: car l'antique Cybelle  
 ( La Nature s'entens ) n'a tary sa mammelle  
 Pour maigre n'allaiter les siecles auenir,  
 Ny ne fera iamais: ce seroit deuenir  
 Vne mere brehaigne en lieu d'estre seconde:  
 Tout tel qu'au parauant sera tousiours le Monde.  
 Or comme il plaist à Dieu, les siecles & les ans  
 Apportent à nos vers richesses & presans,  
 Credit entre les Rois: où souuent par fortune  
 Vn prend le bien acquis à toute vne commune.  
 Cela s'est tousiours fait, Et tousiours se fera  
 Tant que le Monde entier en ses membres sera.  
 Maint court aux ieux d'Olympe, vn sen! le prix em-  
 porte:  
 La chance des mortels roule de telle sorte.



## ARGVMENT DV I. LIVRE

DE LA FRANCIADE: PAR

*Amadis lamin, Secretaire de*

*la Chambre du Roy.*

**E**N ce laborieux ouvrage de la  
 Franciade, l'Autheur s'est propo-  
 sé la façon d'escrire des Anciens,  
 & sur tous du diuin Homere: &  
 comb'ë qu'en ce premier liure il  
 ait comme pas à pas imité Homere & Virgile.

B. vj.

si est. ce que l'embarquement de Francus est à l'imitation d'Apolloine Rhodien. Il ressemble à l'abeille, laquelle tire son profit de toutes fleurs pour en faire son miel: aussi sans iurer en l'imitation d'un des Anciens plus que des autres, il considere ce qui est en eux de meilleur, dequoy il enrichit (comme tousiours il a esté heureux) nostre langue Françoisse. Or pour venir à ce premier liure, qui est comme le fondement & proiect du reste du bastimér, l'argument est tel. Apres que Francus fut retourné du long voyage, où son oncle Helenin l'auoit enuoyé en diuerses nations pour en apprendre les mœurs & façons, & par telle cognoissance se rendre sage, ruzé & pratiq. Capitaine, ce qu'Helenin auoit fait, ne voulât qu'il fust recognu pour enfant d'Hector entre les Grecs, lesquels pensoient pour certain que Pyrrhe fils d'Achille l'eust fait mourir, le precipitât du fesse d'une tour: Iupiter qui l'auoit sauué du sac de Troye, & en lieu du corps vray auoit baillé vne feinte de luy à ses ennemis, se resouuenant du Destin, pour lequel il l'auoit garenti de si cruelle mort, & se repentant de la destructiō de Troye, enuoyé Mercure messenger des Dieux vers Helenin, oncle paternel dudit Francus, à fin qu'il l'aduertisse quelles sont les destinées de Francion son neveu, lequel depuis vn an laissoit énéuer sa ieunesse d'oisiueté, sans souci de releuer sus l'honneur de ses ayeuls. Helenin apres auoit ouy le commandement de Iupiter (aussi que son esprit

prophetique auoit preuoyance des Destins, & presageoit la grandeur de son neveu fils de Hector) luy fit equipper quelque nombre de Nauires, dans lesquelles il s'embarqua, laissant aultre ville d'Epire, où il faisoit sa demeure avec son oncle & sa mere Andromache. Le Poëte luy donne compagnie d'hommes guerriers par vne belle & gracille inuention car le iour du mädement de Iupiter tous les Troyes bänis estoient assemblez par le congé des Princes de la Grece, desquels ils estoient esclaués pour chômer la feste de Cybele leur Déesse, tous equippez d'armes telles que souloient porter les Corybantes & Curetes, quand ils celebrent la feste de la Mere des Dieux. L'un se courrouce, voyant que la gloire des Phrygiens s'efforçoit par bonne & sature destines de renouueller Troye, & de la faire refleurir. Cybele & Mars fauorisoient Francion, & luy enflamment le cœur du desir de louange & de vertu. Helenia luy enseigne sommairement quel chemin il doit tenir sur la mer pour venir de Crete à l'emboucheure du Danube.

B vij





Tu n'as, Ronfard, composé cest ouvrage;  
 Il est forgé d'une Royale main:  
 CHARLES sçauant, victorieux & sage  
 En est l'Authheur, tiens es que l'escriuain.

A. IAMIN CHAMP.





LE PREMIER LIVRE DE  
LA FRANCIADE.

AV ROY TRES-CHRESTIEN  
Charles neuvième de ce nom.



USE, entens moy des sommets de  
Parnasse,  
Guide ma langue, & me chante la  
race  
Des ROIS FRANÇOIS Jussu  
de Francion

Enfant d'Hector Troyen de nation,  
Qu'on appelloit en sa jeunesse tendre  
Astyanax, & du nom de Scamandre.  
De ce Troyen conte moy les travaux,  
Guerres, conseils, & combien sur les eaux  
Il a de fois (en despit de Neptune  
Et de Iunon) surmonté la Fortune,  
Et sur la terre eschappé de peris  
Ains que bastir les grans murs de Paris.  
CHARLES mon Prince enfle-moy le courage,  
Pour ton honneur s'entreprendre cet ouvrage:  
Sers moy de phare, & garde d'abyssmer  
Ma nef qui flotte en si profonde mer.  
Desjà vingt ans auoient lassé derriero  
Le iour fatal que la Grece guerriere  
Auoit brulé le mur Neptunien.

Qui ne fut si en, brillant comme un esclat  
 Qui çà qui là s'esclatte de la nuë,  
 Chault de cholere ensanglantoit la rue  
 D'un peuple au lict surprins & deneſtu,  
 Du fer enſemble & du feu combatu.

Ainsi qu'on voit vne fiere Lionne,  
 Que la fureur & la ſaim espoinçonne,  
 Aſſaſſiner le debile troupeau:  
 Entre les dents ſanglante en eſt la peau,  
 Qui pend encore en ſa maſchoire teinte!  
 Le paſteur fuit qui ſe paſme de crainte!

Ainsi les Grecs detailloient & briſoient  
 Le peuple nu: Les feux qui reluiſoient  
 Sur les maiſons à flames enfumées,  
 Donnoient lumiere aux Princes des armées  
 Au meurtre, au ſang: un ſi cruel effort  
 Monſtroit par tout l'image de la mort.

Et toy Iunon deſſus la porte aſſiſe,  
 Haſtois les Grecs ardans à l'entreprife  
 Avec Pallas, qui ſur le haut ſommet  
 Du premier mur, horrible en ſon armet  
 Que la Gorgonne aſpriſt de mainte eſcaille,  
 A coup de pique eſbranloit la muraille  
 Bouffante d'ire, & d'une forte vois  
 Comme un tonnerre appelloit les Gregeois,  
 Les animant à la vengeance pronter:  
 Eſprits malins, qui n'avez point de honte  
 D'auoir deſtruit un royaume ſi beau,  
 Fait qu'Ilion n'eſt plus qu'un grand Tombeau,  
 Fait que\* Priam meurdry deſſus ſa race  
 De ſon ſang tiede ensanglanta ſa face,  
 \*Priam fut tué pres l'autel de Iupiter.

Bi'en qu'il chargeast nos autels par-sus tous  
De gros cuissots de taureaux & de boucs.

Ce Roy pleurant son estat miserable  
En cheueux gris en barbe venerable,  
Du cruel Pyrrhe au point de mort pressé,  
Tenoit des mains mon image embrassée:  
Quand il receut en sa gorge frappée  
De l'Achillin le tranchant de l'espée,  
Qui d'un grand coisp le chef luy decolla:  
Bien loin la teste en sautelant alla!  
Le corps sans nom, sans chaleur, Et sans face  
Comme un grand tronc broncha dessus la place.

Cet arrogant qui les Dieux despitait,  
Qui de fureur son pere surmontoit,  
Non seulement d'une rage maistresse  
Le fer au poing tuoit la tourbe espesse,  
Mais outrageoit le sexe feminin  
Qui de nature est courtois & benin.

Il poursuivoit au trauers de la flame,  
Du preux Hector Andromache la femme,  
Qui deplorant pour-neant son destin,  
Escheuelée, auoit à son tetin  
Pressé son fils, en qui le vray image  
Du pere sien estoit peint au visage.

\* D'entre ses bras ie desrobay le fils:  
Lors en sa place vne feinte ie fis  
\* L'ay esté contraint de représenter Iupiter à  
la mode des Poëtes tragiques, lesquels font  
parler vn Dieu, quād la chose est du tout des-  
esperée & hors de la cognoissance des hom-  
mes. Pource hōme viuant n'eust sceu sçauoir  
com mēt Francus auoit esté sauué, si Iupiter  
mesmes, qui l'auoit garanti, ne l'eust raconté.

Que ie formay poitrissant vne nue,  
 Qui fut des Grecs en son lieu recognuë  
 Du tout semblable à l'heritier d'Heëtor,  
 Mesmes cheueux crespeluz de fin or,  
 Les mesmes yeux, le front mesme, Et la taille:  
 Puis ceste feinte à la mere ie baille  
 Pour la donner à Pyrrhe: & tout soudain  
 Cachant l'enfant aux replis de mon\*sein,

\*C'est ce que disent les Latins *sinus*, c'estoit  
 vne piece de drap, ou d'autre semblable ma-  
 tiere large & longue, pliee, cousue, & entee à  
 la robbe, en la partie qui est deuant l'estomac,  
 qu'ils retroussioïent par dessus l'espaule dextre,  
 & du bout s'en couuroient la teste: car ils ne  
 portoiënt point de bōnet. l'ay veu des vieilles  
 me dailles de telle sorte.

Je le sauuy de l'espée homicide:

\*De vain sans plus fut proye d'Æacide!

\*Le vain. ) la chose vaine: Phrase Greque,  
 c'est à dire, l'image.

Je l'aduerti d'aller trouver apres  
 Son fils au temple, où deux Cheualiers Grecs  
 L'une sur l'autre amonceloient la proye,  
 Tout l'or captif de Priam Et de Troye,  
 Femmes, enfans, Et vieillars enchainez,  
 De leurs maisons par les cheueux trainez:  
 Et qu'il auoit pour marque manifeste  
 L'ardant esclair d'une flamme celeste  
 Au hant du chef, vray signe qu'il seroit  
 Pasteur, de peuple, & qu'un iour il seroit  
 Naistre des Rois, à qui la destinée  
 Auoit la terre en partage donnée.

Je n'auois dit, que tout soudain, voici  
 Pyrrhe venir, qui rait tout ainsi  
 L'image feint hors des bras de la mere,  
 Qu'un Loup le Fan d'une Biche legere.  
 Il le porta sur le haut d'une tour,  
 D'où le roüant & tournant de maint tour  
 En tourbillons, d'un bras armé le rue  
 Pied contre-mont sur le dur de la rue.

Ainsi tomba par pieces dec oupé  
 Le vain abus dont le Grec fut trompé:  
 Car Francus vit & maugré toute en vie  
 De ses poumons va respirant la vie  
 Dedans Buthrote, en ces champs où la voie  
 Vit prophetique és chesnes Dodonois,  
 Pres Helenus & sa mere Andromache  
 Qui sans honneur par les tourbes le cache.

Desia la fleur de son âge croissant  
 Va d'un poil d'or son menton ianissant,  
 Et tout son cœur bouillonne de ieunesse:  
 Je ne veux plus qu'il languisse en paresse  
 Comme incognu, sans Sceptre, & sans honneur,  
 Mais tout remplis de force & de bon-heur,  
 Je veux qu'il aille où son Destin l'appelle  
 Tige futur d'une race si belle:  
 Sans plus en vain consommer son loisir  
 Parte de là: tel est nostre plaisir.

Il dist ainsi: les Dieux qui s'cleuerent,  
 Tous d'un accord sa parole approuuerent  
 En murmurant comme flots de la mer  
 De qui le front commence à se calmer,  
 Quand Aquilon assoupit son orage,  
 Et l'onde bruit doucement au riuage.

Au departir Mercure il appella: \*Foudrier,  
 Pour obeïr Mercuré s'en alla, qui porte  
 Prompt messager à la plante legere, la foudre:  
 Deuant le thrône où l'appelloit son pere. comme  
 Vole, mon fils, où Francus est nourri, Harque-  
 Huche les vents: dy que ie suis marru busierqui  
 Contre sa mere & ceux qui sans louage porte la  
 Trompent son âge en vne terre estrange. harquebu  
 Je ne l'auois du massacre sauué se: Archer  
 Pour estre oisif, de paresse agrané, qui porte  
 Vn fay-neant en la fleur de son âge: l'arc. Sur  
 Mais i'espéroÿ que d'un masle courage tels mots  
 Iroit un iour des Gaules surmonter desia vfi-  
 Le peuple rude & fascheux à donter, tez & re-  
 Chaud à la guerre, & ardent à la proye, ceus i'ay  
 Pour y fonder vne nouvelle Troye. forgé, fou-  
 Pource desloge, & le fais en-aller: drier suy-  
 „ Le temps perdu ne se peut r'appeller. uant Ho-  
 A peine eut dit que Mercure s'appreste, race.  
 Sa capeline affubla sur sa teste, Licuit, sem-  
 De talonniers ses talons assortit, pérq; licebit  
 D'un mandillon son espaule vestit, Signatum  
 Prist sa housine à deux Serpens ailée: presentenō-  
 Puis à chefbas enfonçant sa volée taproducere  
 Ores à pointte, ores d'un grand contour nomen.  
 Hachoit menu tout le Ciel d'alentour: Cela est  
 Ainsi qu'on voit sur les bords de Meadrepemis  
 L'aigle†foudrier au haut de l'air se pēdre, aux lāga-  
 ges vifs, dōt les peuples vsent au iourd'huy, nō  
 aux lāgues mortes, cōme la Grecque & Ro-  
 maine, lesquelles ne peuuent plus rien inno-  
 uer: comme celles qui ont fait leur temps, en-  
 feuelies & du tout esteintes.

Puis aduisant sa proye entre les ioncs,  
Canars, Herons, & Cygnes aux cols longs,  
Raude à l'entour & tournoiant ombrage  
D'un corps plumeux tout le haut du riuage.

Après qu'il eut de ciel en ciel volé  
Viste courrier, de son talon ailé  
Se vint planter au pied d'une vallée,  
Où Andromache estoit ce iour allée  
Avec son fils pour repaistre ses yeux  
Des ieux sacrez à la mere des Dieux.

Ce iour estoit la feste solennelle  
Que tous les ans on chommoit à Cybelle  
Au mois d'Auril, saison où la rigueur  
De son Atys luy eschauffa le cuer,  
Que les Troyens auoient en reuerence,  
Lors qu'Ilion estoit leur demeurance.

O'r ces captifs par la Grece espandus,  
De tous costez aux ieux s'estoient rendus  
Par le congé des Princes de la Grece,  
Pour celebrer le iour de leur Deesse.  
Eux equippez de bouclairs & de dars  
Contre-imitoient ces antiques soudars  
Les Corybans qui d'une espesse bande  
Dansoient autour de Cybelle la grande.

Là les vieillars d'un baston secours,  
Là les garçons estoient tous accourus,  
Femmes, maris, leur souuenant encore  
D'Ide & de Troye, où la Mere on adore.

A l'impourueu Mercure est arriué,  
Qui loin du peuple Helenin a trouué  
Discourant seul: la Verue Prophetique  
Luy preparoit une humeur exastique,

Desia ravy de son entendement.  
 Ce Dieu luy dit : Oyle commandement  
 De Iupiter qui courroucé m'enuoye  
 Parler à toy par la celeste voye.

Va (m'a-t'il dit) où Francus est nourri:

\*Huche les vents: dy que ie suis marri

\*Huche, vieil mot François, qui signifie appeller. De là vient vn Huchet, c'est vn cornet, duquel on appelle les chiens & les laniers à la Contre sa mere, & ceux qui sans louange chassent. Cachent ce Prince en vne terre estrange.

Ie n'ay Francus du massacre sauvé

Pour estre ainsi de paresse agraué,

Vn fay-neant en la fleur de son âge:

Mais i'esperoy que d'un masle courage

Iroit vn iour des Gaulles surmonter

Le peuple rude & fascheux à donter,

Chaud à la guerre, & ardent à la proye,

Pour y fonder vne nouvelle Troye,

Dont la memoire en tous temps floriroit,

Et par le feu i'amaïs ne periroit.

Pource Helenin & toy mere Andromache,

N'amollissez en paresse si lâche

L'enfant d'Hector, à qui les cieux amis

Ont tant d'honneurs & de Sceptres promis:

Qui doit hausser la maison Priamide,

Domter la Grece, & la race Æacide,

Doit veindre tout, & qui doit vne fois

Estre l'estoc des Monarques François,

Et par sus tous d'un CHARLES, qui du Monde

Doit en la main porter la pomme ronde.

Fay-le equipper d'hommes & de vaisseaux,

Fay-le marcher sur l'eschine des eaux



Aux lieux promis, où soit Destin le meine.

» L'honneur s'achepte aux despens de la peine!

Il n'auoit dit, que plustost qu'un esclair,

Loin de leurs yeux s'esuanouist en l'air,

Enueloppé dans l'obscur d'une nuë,

Laisant la mere en esmoy detenuë,

Et son mary de frayeur tout transi,

De peur d'un Dieu qui les angoit ainsi.

En-ce- pendant la ieunesse Troyenne

Haut inuokant la Berecynthienne,

D'encens fumeux parfumoit son Autel,

Sacrant maints vœux à son nom immortel.

Les uns auoient les perruques conuertes

De nouveau pampre aux larges fueilles vertes,

Frappant le col de leurs cheueux soufflex:

Les uns battoient les tabourins en flex,

Les uns au son de la flute percée

Baloient armez vne danse insensée,

Et rechantant des Hynnes tour-à-tour

Faisoient sonner les riuës d'alentour.

Les bons vieillars à testes grisonnées,

Les iouuenceaux aux plaisantes années,

De pieds, de mains, & de voix respondoient,

Et leurs chansons aux flutes accordoient.

Le Prestre orne d'une Sotane blanche,

Ceint d'une boucle au dessus de la hanche,

Mitré de pin la troupe deuançoit

Et les honneurs de Cybelle dançoit.

Enten du Ciel tes loüanges Cybelle,

Mere des Dieux Berecynthe la belle,

Qui as le chef de citez attourné,

Qui as ton char en triomphe tourné

Par deux lions, quand toy Mere honorée  
Montes au Ciel à la voûte dorée,  
Pour aller voir tes fils & tes neveux,  
Et t'abreuver de Nectar avec eux.

Sois nous propice ô tres-grande Déesse,  
Romps de tes mains le lien qui nous presse,  
Et de captifs mets nous en liberté:  
Ia dés vingt ans ton peuple est arresté  
Sous les pieds de ceste Argine audace.  
Donne qu'un iour quelcun de nostre race  
Resonde Troye, Et restablis encor  
Un nouveau Sceptre aux reliques d'Heetor:  
Dône à ton peuple un Royaume, & r'assemble  
En un monceau tous les Troyens ensemble:  
A fin qu'aimex du Destin le plus fort  
Nous reuiuions heureux par nostre mort.

Ainsi priant fist redoubler la dance:  
Le peuple suit le Prestre à la cadance!  
Le temple en bruit! Cybelle qui ouist  
La voix Troyenne au Ciel s'en resiouist.

Comme ils prioient, la prompte Renommée  
Au front de vierge, à l'eschine emplumée,  
Le cor en bouche, auoit ia restandu  
Que Mercure est au haut Ciel descendu,  
Et qu'il auoit d'une voix courroucée  
Par Iupiter Andromache tancée,  
Et par sus tous Helenin qui scauoit  
L'arrest certain que le Destin auoit  
Escrit au Ciel pour celuy qu'on appelle  
Astyanax, qui sans honneur recelle  
Son âge en vain sur le bord estrangier.  
Sans du malheur les Troyens reuanger.

Ceste Déosse à bouche bien ouverte,  
 D'oreilles, d'yeux & de plumes couverte,  
 Semoit par tout qu'Astyanax estoit  
 Vray fils d'Hector, & qu'on luy apprestoit  
 Mainte navire au combat ordonnée,  
 Pour aller suivre ailleurs sa destinée,  
 Prince fatal, Et que sa main seroit  
 Que le Troyen du Grec triompheroit:  
 Et qu'il falloit que la ieunesse active,  
 Qui par la Grece est maintenant captive,  
 Suivst Francus futur pere des Rois,  
 Qui s'en alloit dedans le camp Gaulois  
 Replanter Troye & la race Hectorée,  
 Pour y regner d'eternelle durée.

Ainsi disoit la Nymfe: ce-pendant  
 Helenus fut songeant & regardant  
 Au mandement que Iupiter luy donne:  
 De cent discours en soy-mesme raisonne,  
 Or plein de ioye ores plein de douleur:  
 Mais ce conseil luy sembla le meilleur.  
 C'est d'obeïr au grand Pere celeste,  
 Donner Francus au Destin: & au reste  
 Faire apprester & navres & gens  
 Sur terre Et mer actifs & diligens,  
 Non engourdis de paresse ocieuse,  
 Ains qui poussiez d'une ame industrieuse,  
 Sçauront prudens les perils emter,  
 Et par travail louange meriter.

Comme il pensoit, ainsy d'aventure  
 En l'air seram le bon-heur d'un augure  
 S'offrant à luy pour signe tres-heureux,  
 Fut le combat d'un Faucon genereux,

Qu'un grand Vantour prouoquoit à la guerre  
 Plus fort de bec, d'estomac, Et de serre,  
 Et sans repos par le Ciel le battoit,  
 Tournoit, viroit, poursuyuoit, tourmentoit,  
 Ne luy donnant ny respit ny halcine  
 De s'eschapper par la celeste plaine.

Luy pour-neant au combat s'animoit,  
 Car le Vantour desia le déplumoit:  
 Quand Iupiter, miracle! le transforme  
 En la hagarde & chagrinieuse forme  
 D'un Aigle noir d'audace reuestu.  
 Comme un rasoir luy fit le bec pointu,  
 Aigu, courbé, & ses serres tortues  
 Plus que deuant fit dures Et pointues.

Lors ombrageant d'un grand ombre les champs,  
 Prist en ses pieds aiguisez Et trenchans  
 Le grand Vantour, qu'à coups de bec il tue,  
 Puis fait veinequer s'en-vola sus la nue.

Le bon augure auenn dextrement  
 Fut du Profete entendu promptement:  
 Lors tout ioyeux en son cœur delibere,  
 (Prenant l'aduis d'Andromache la mere,  
 Et des Denins, & des Peres grisons)  
 Luy apprester des ventueuses maisons  
 Pour nauiguer à rames mesurées  
 Dessus le dos des ondes azurées,  
 Et s'en aller au gré de Iupiter.

Contre le Ciel on ne peut resister!  
 Incontinent par toute Chaonie  
 Se resspandit une tourbe infinie  
 De bucherons pour renuerser à bas  
 Maint chesue vieil toffu de large bras.

Par les forests s'escarte ceste bande,  
Qui ore un pin ore un sapin demande,  
Guignant de l'œil les arbres les plus beaux;  
Et plus dufans à tourner en vaisseaux.  
Contre le tronc sonne mainte congnee  
D'un bras nerueux à l'œuvre embesongnee,  
Qui mainte playe & mainte redoublant  
Coup dessus coup contre l'arbre tremblant,  
A chef branlé d'une longue traaverse  
Le fait tomber tout plat à la renverse  
Avec grand bruit. Le bois estant bronché  
Fut par le fer artisan detranché,  
Fer bien denté, bien aigu, qui par force  
A grands esclats fist enlever l'escorce  
Du tronc du pin sur la terre estendu,  
En longs carreaux & en poutres fendu.

Pleine de bois la charrette attellée  
Va haut & bas par mont & par vallée,  
Qui gemissant enroüé sous l'effort  
Du pesant faux, le versoit sur le bord.

Le Manouvrier ayant matiere preste,  
Or son compas ore sa ligne appreste  
Sogneux de l'œuvre, & cōgnant à grāds coups  
Dedans les aîx une suite de clous,  
D'un art maïstrier les vieux sapins transforme,  
De large naufs leur fait prendre la forme  
Au ventre creux, & d'artifice prompt  
D'un bec de fer leur aguise le front.

L'un allongeant le charruie à toute force  
Pli dessus pli entorse sus entorse,  
Menant la main ores haut ores bas  
Fait le cordage, & l'autre pend au mas

A double ranc des voiles demy rondo  
 Boufes de vent pour voler sur les ondes,  
 Voiles qui sont les ailes d'un vaisseau  
 Qui court fortune Et vague dessus l'eau.

Incontinent qu'accompli fut l'ouvrage,  
 Deuant la prouë on beche le rinage  
 Comme vn fossé large Et creux pour passer  
 Les nefs qu'on veut dedans la mer pousser.  
 Là maints rouleaux à la course glissante  
 Pres l'un de l'autre au milieu de la sente  
 Sont estendus, afin qu'en se suivant  
 Les grands vaisseaux glissent en auant  
 Desur leur doz qui craquetant se vire  
 En rond chargé du faix de la navire.

Les matelots à la peine indontex,  
 Deçà delà rangez des deux costex  
 En trepignant du pied contre la place,  
 De mains, de bras, d'espaules, & de face  
 Poussioient les nefs pour les faire rouler.  
 Vne sueur ne cesse de couler  
 Du front moiteux: vne pantoise haleine  
 Bat leurs pommons, tant ils auoient de peine  
 A toute force en hurtant d'esbranler  
 Ces gros fardeaux paresseux à couler.  
 Mais à la fin les navires poissées  
 Droictes en l'eau tomberent eslancées:  
 La mer son sein en s'ouvrant leur presta,  
 Puis l'anchre crochie au bord les arresta.

Il estoit nuict, & le charme du somme  
 Silloit par tout les paupieres de l'homme,  
 Qui demy-mort par le sommeil lié  
 Auoit du iour le travail oublié.

Tous animaux ceux qui dans l'air se pendent,  
Ceux qui la mer à coups d'échine fendent,  
Ceux que les monts Et les bois enfermoient,  
Pris du repos à chef baissé dormoient.

Mais Helenin qui soucieux ne cesse  
De repenser en son nepueu, n'abaisse  
L'œil au dormur, ains veillant & resuant,  
Or se couchant, & ores se levant  
Mille discours discourt en sa pensée.  
Du Dieu courrier la parole annoncée  
Le presse tant, qu'à toute heure, en tous lieux,  
Il a Mercure au devant de ses yeux,  
Et en l'esprit la belle destinée,  
Qui pour Francus au Ciel est ordonnée,  
De qui le sang & Troyen & Germain  
Doit enserrer le Monde dans la main.

Incontinent que l'Aube aux doigts de roses  
Eut du grand Ciel les barrières déclofes  
Prompt hors du lit ce bon Prince sortit,  
Sa camisole, & son pourpoint vestit,  
Puis son sayon, puis sa cape tracée  
A fils d'argent sur l'espaule a troussée,  
Prist son espée au pommeau cizelé.  
Ainsi vestu dans la place est allé  
Le dard au poing, commandant qu'on assemble  
Grans & petits au conseil tous ensemble.

Lors les Heraux claire-voix ont sonné  
De toutes parts le conseil ordonné:  
Le peuple nay pour nouvelles apprendre  
Droit en la place à foule se vint rendre:  
Luy de son sceptre au milieu s'appuya,  
Puis de tels mots sa langue desploya.

Peuple Troyen, Dardanicne race,  
 Ce ieunesseau qui par la populace  
 Vit sans honneur Astyanax nommé,  
 Est fils d'Hector que tant aux aimé,  
 Qui magnanime en si longues batailles  
 Dix ans entiers a gardé vos mirailles,  
 Qui le rampart contre terre rui  
 Des Grecs tremblans, qui Patrocle tua,  
 Et retourna pompeux dedans la ville  
 Le dos vestu du corselet d'Achille.  
 Sans maïesté priuë ie l'ay tenu,  
 De peur qu'il fust des Gregeois reconnu.  
 Ie l'ay transmis par vne longue voye  
 Tantost vers Thebe, Et tantost deuers Troye,  
 Voir le Tombeau de son pere & aussi  
 Les noirs enfans de Memnon, qui d'ici  
 Sont eslongnez, noble race Hectorée,  
 Et de l'Aurore habitent la contrée.  
 En maint paisie l'ay fait voyager:  
 Il a cognu maint peuple Et maint danger,  
 Cognu les mœurs des hommes pour se faire  
 Guerrier pratique en toute grande affaire.

Depuis vn an ce Prince est de retour  
 Sans action mangeant en vain le iour,  
 Vn fait-neant dénoyé de la trace  
 De sa tres-noble & vertueuse race,  
 Bien qu'il soit braue & sous bon astre né,  
 Et pour hauts faits hautement destiné.

Tousiours pour luy ce grand Prince me tance,  
 Prince de l'air qui les foudres eslance,  
 Dequoy si tard ie le retiens ici  
 Sans de son bien auoir autre souci:



Encor hier (sa puissance s'atteste)

Que par le Ciel en clairté manifeste

Je vy Mercure arriuer deuers moy,

Qui me tança, de la part de son Roy.

Si tu n'es soyn, dit-il, de ta lignée,

Si la vertu de l'heur accompagnée

Ton cœur ne pousse à voyager plus loin,

As moins n'estouffe à son premier besoin

De ton neveu la bouillante ieu nesse:

Fay-le eschapper des liens de la Grece.

» Le ieune sang desirieux de hazard

» Trouue tousiours son mieux en quelque part.

Pource Troyens de race magnanime,

Si la vertu natale vous anime,

Suinez ce Prince & le vueillez choisir,

Tout vostre sang soit bouillant d'un desir

D'accompagner sa vaillante entreprise

Que le Destin dextrement fauorise.

C'est plus d'honneur en liberté mourir

Et par son sang la franch:se acquerir,

Que de languir en honte si vilaine.

» Un beau mourir orne la vie humaine.

Il dist ainsi puis se levant de là

Pressé du peuple en son Palais alla.

Mars qui aimoit Hector durant sa vie,

De s'courir Francion eut enuie:

En sa faueur fit son coche atteler,

Puis fouëtant ses cheuaux parmi l'air,

Qui à bouillons souffloient de leurs narines

Flames de feu ardantes & diuines,

Vint s'abaisser sous le pied d'un rocher

Pres du riuage, où faisant destacher

Ses beaux coursiers le long d'une verdure,  
 Trefle & sain-foin leur donna pour pasture.  
 Puis comme un trait roidement s'eslança,  
 Parmy la troupe où sa forme il laissa,  
 Et prist le corps l'alleure, & le visage  
 Du vieil Guisn qu'on estimoit tressage,  
 Lequel suivoit aux batailles Hector.  
 Celuy portoit la grande targe d'or  
 De cet Héros, quand pour garder sa terre  
 Sa main estoit plus crainte qu'un tonnerre.

Ce Capitaine auoit tousiours esté  
 Pour sa valeur en grande autorité.  
 En son semblant ce Dieu guerrier se change  
 Autour du front des cheueux blancs arrange,  
 Se laboura de rides tout le front,  
 Marche au baston comme les vieillards font,  
 Et d'une voix toute caduque & rance  
 Francus aborde, & en ce point le tance.

Vraye Troyenne & non Troyen, as-tu  
 Desia d'Hector oublié la vertu.

Qui t'engendra pour estre l'exemplaire  
 Comme il estoit du labeur militaire?

Futur honneur des peuples & des Rois?

As-tu, coüard oublié ton harnois

Pour (alleché d'ocienses plaisances)

Vser ta vie en fistins & en danses?

Faire l'amour, & tout le iour en vain

Pleines tourner les coupes en la main?

Honte & vergongne, où estes-vous allées,

Ne vois-tu pas que les ondes salées

Pour t'en-mener se couurent de vaisseaux?

Dresse l'oreille, en: en les loüvenceaux

*Qui bande à bande au riuage se rendent,  
Et tous armez Capitaine t'attendent.*

*Toy sang trop froid, pour un ieune guerrier,  
Tout engourdi demeure le dernier  
Serf de ta mere, Et te fraudes toy-mesmes  
Du haut espoir de tant de diademes.  
Tel n'estoit pas Hector le pere tien,  
Qui des Troyens fut iadis le soutien:  
Armes, chenux, & toute guerre active  
Furent ses jeux; & non la vie oisive,  
Qui te charmant d'un somme t'a lié,  
Ayant ta ville Et ton pere oublié,  
Que la vertu la vaillance Et la gloire  
Ont illustré d'eternelle memoire.*

*Disant ainsi ce grand Dieu belliqueur  
De Francion enflama tout le cueur,  
Luy arracha le bandeau d'ignorance,  
Et le remplit d'audace & d'assurance.  
Puis il luy soufffle un horreur sur le front,  
Plus que d'auant aux armes le fist pront,  
Et tellement sa ieunesse r'allume,  
Qu'il apparut plus grand que de costume:  
Si que marchant au milieu des plus forts,  
Haut relené de la teste Et du corps  
Les surpassoit, comme ce Dieu surpasse  
Sur le bord d'Hebre, ou sur les monts de Thrace  
Tous les soldats, quand d'ardeur animé  
Parmi la presse apparoist tout armé,  
Couuert de poudre, Et se plante à l'encontre  
D'un meschant Roy, que sa lance rencontre  
Pour le punir d'auoir contre equité  
Vendu les Loix & trahi sa Cité.*

Tel fut Francus : apres ce Dieu se mesle  
 Par les Troyens amassez pêle-mêle,  
 Et les tancant dans le cœur leur pouffoit  
 Vn aiguillon qui mordant les pressoit,  
 A la vertu reschaufant leur courage.

Quoy, voulez-vous en vergongneux seruage  
 Viure tousiours, & sans langue & sans cœurs  
 Tousiours souffrir l'orgueil de vos vainqueurs?  
 Rompez, froissez d'une allegresse preste  
 Le ioug cruel qui vous presse la teste,  
 Sans plus servir de passetemps ici  
 A ces Seigneurs qui vous brauent ainsi.  
 Encore Dieu qui regarde vos peines,  
 Dieu qui a soin des affaires humaines,  
 Comme les Grecs ne vous est outrageux:

La fortune aide aux hommes courageux?  
 Tel aiguillon leur versa dedans l'ame  
 Vne fureur, un bouillon, une flame  
 De liberté, de vaincre; Et des'armer,  
 Et d'emporter Ilion par la mer.

Tandis maint peuple en armes effroyables  
 (Aussi espais que neiges innombrables  
 Que l'air venteux par l'air fait cheminer,  
 Quand l'huyver vient nos champs enfariner)  
 Va fremissant au bord de la marine.  
 Dessous le pied du soldat qui chemine  
 Vole une poudre; & dessous lui qui fuit  
 Pour s'embarquer la terre fait un bruit,  
 Tant à grands pas les plaines ils arpentent:  
 Trop tard les Grecs du congé se repenent!

Ils s'assembloient d'un pied ferme rangés,

De dards, d'escus, & de piques chargez,  
 Faisant un cry sur les rives chenues,  
 Ainsi qu'on voit les bien-volantes Grues  
 Craquer aigu quand passer il leur faut :  
 La mer pour vivre en un pays plus chaud.

Autant qu'on voit d'oiseaux de tous plumages  
 Au mois d'Auril, hostes des marécages,  
 S'amorceler pour pondre & pour couver :  
 L'un tremoussant ses plumes vent laver,  
 L'autre sous l'eau tient ses ailes plongées,  
 L'autre l'auale à friandes gorgées,  
 Et l'autre tourne à l'entour de son ny,  
 Peuple qui vole en troupes infiny,  
 Et \* criaillant sur les rives cognües,  
 Se presse ensemble aussi espais que nûes :  
 \* Criailler, est vn verbe frequentatif de crier ;  
 c'est à dire, crier souuent. Mot fort vsité en  
 Vandomois, Anjou, & le Maine.

Autant venoient le corselet au corps  
 D'hommes à foule au premier front des bords.  
 La terre tremble, & les flancs qui emmurent  
 Les flots salex dessous le pied murmurent  
 De tant de gens au rinage arrestez  
 Tous herissiez de morions crestez.

Comme un Pasteur du bout de sa houlette,  
 Sous la clairté de Vesper la brunette  
 Au premier soir separe les chévreaux  
 Des boucs cornus, des beliers les aigneaux :  
 Ainsi Er-mus d'une prompte allegresse  
 Tiroit à part la gaillarde ieunesse  
 Au sang hardy, & laissoit d'autre part  
 Vieillet, vieillards Et enfans à l'escart,

Qui froids n'auoient ny teste ny poitrine  
 Pour supporter la guerre & la marine,  
 Peuple sans nerfs, & sans ardeur, que Mars  
 N'enrolle plus au rang de ses soldars.

Francus vestu d'armes toutes dorées  
 Des mains d'un maistre artizan labourées,  
 Comme le fcu d'un tonnerre luisoit,  
 Et si grand peuple en ordre conduisoit,  
 Monstrant guerrier sa taille bien formée,  
 Tel qu'on voit Mars au milieu d'une armée.

Les morrions, les piques des soldars,  
 Et les harnois fourbis de toutes pars,  
 Et l'emery des lames acérées  
 Frappez menu des flammes etherées,  
 Et du rebat du Soleil radieux,  
 Vne lumiere enuoyent dans les Cieux,  
 De qui l'esclair à flammeches menuës  
 En tremblotant s'esclattoit dans les nuës,  
 Ainsi que luit sous l'ardante clairté  
 Mainte bluette au plus clair de l'Esté.

Adonc Francus qui seul maistre commande  
 En se brauant au milieu de la bande,  
 Voulant sa main d'une lance charger,  
 D'Astyanax en Francus fit changer  
 Son premier nom en signe de vaillance,  
 Et des soldats fut nommé Porte-lance,  
 Pheré-enchos, nom des peuples uaincus  
 Mal prononcé & dit depuis Francus:  
 Lance qui fut à nos François commune  
 Depuis le temps que la bonne fortune  
 Fit aborder en Gaule ce Troyen  
 Pour y fonder le mur Parisien.

Comme il estoit sur le bord de la rive  
 Tout esclatant d'une lumiere vive,  
 Ainsi qu'un Astre au rayon esclairci,  
 Voici venir Andromache & aussi  
 L'oncle Helenin, qui Augure, & Profete  
 Estoit des Dieux veritable interprete.  
 Ceste Andromache à qui l'estomac send  
 D'aïse & de crainte, accolloit son enfant  
 A plus serrez comme fait le Lierre  
 Qui de ses mains les murailles enferme.

Mon fils, disoit, que tout seul i'ay conceu,  
 Autre que toy concevoir ie n'ay sceu.  
 Du grand Hector : Ilthye odieuse  
 De maint enfant m'a esté enuieuse.  
 Pource le soin que mere ie deuoïs  
 Mettre en plusieurs en toy seul ie l'auois,  
 Je te pendoy petit à ma mammelle,  
 Je t'ourdissoy quelque robe nouvelle,  
 Seul tu estois mon plaisir & ma peur,  
 Enfant, mary, seul mon frere, Et ma sœur,  
 Seul pere, & mere, & voyant la semence  
 De tous les miens germer en ton enfance,  
 Me consoloy de t'auoir enfanté  
 Me restant seul de toute parenté.  
 Du Grec veinqueur la furieuse armée  
 A par le fer ma race consummée.

Pour toy la vie & le iour me plaisoit  
 Si quelque ennuy lamenter me faisoit,  
 En te voyant i'allegeoy ma tristesse,  
 Comme soutien de ma foible vieillesse.  
 Las! ie pensoy qu'au iour de mon trespas,  
 Quand l'esprit vole, & le corps va là bas,

*Que tu ferois mes obseques funebres,  
Cloüant mes yeux enfermez de tenebres,  
Me lauerois le corps froid de tiede eau,  
Et de gazons me ferois vn Tombeau  
Pour m'enterrer au bord de ce riuage,  
(Car aux bannis il n'en faut d'auantage,)  
Serrant ensemble en vn mesme repos  
De mon mary les cendres & les os.*

*O Iupiter si la pitié demeure  
Là haut au Ciel, ne permets que ie meure,  
Ains qu'il se face en armes vn grand Roy,  
Et que le bruit en vole iusqu'à moy!*

*Donne grand Dieu, qu'au milieu de la guerre  
Puisse ruer ses ennemis par terre  
Mordants la poudre en leur sang renuerser  
D'une grand' playe en l'estomac perser:  
Que des citex la puissante muraille  
Trebuche à bas en quelque part qu'il aille,  
Soit à cheual soit à pied guerroyant,  
Et que quelqu'un s'escrie en le voyant  
(Favorisé de fortune prospere)  
Le fils vaut mieux aux armes que le pere.*

*Disant ainsin, vn habit luy donna  
Que sa main propre ouuriere façonna,  
Où fut portraite au vis la grande Troye  
En filets d'or ioints à filets de soye,  
Auec ses murs, ses rampars & ses Forts.  
Là Xanthe erroit passémentant les bords  
Des plis tortus de sa lente riuere.  
Là s'esleuoit la cyme forestiere  
D'Ide pineuse, où sourçant santeloit  
Maint vif ruisseau qui en la mer couloit.*



Au pied du mont fut en riche peinture  
Le beau Troyen qui chassoit d'auenture  
Vn cerf au bois, où Iupiter le vit,  
Qui par son Aigle en proye le ravit,  
Ce ieune enfant emporté par les nuës  
Tendoit en vain vers Troye les mains nuës:  
Ses chiens en l'air qui pendu le voyoient,  
L'ombre de l'Aigle Et les vents aboyoient.

Hector auoit ceste robe portée  
Le iour qu'Helene en triomphe abordée  
Entra dans Troye & depuis ne l'auoit  
Mise: sans plus de parade seruoit  
Au cabinet où les plus cheres choses  
De ce grand Prince estoient toutes encloses.  
La luy donnant, Prenex, dit-ell' mon fils,  
Ce beau present que de mes mains ie fis,  
Pour gage seur d'amitié maternelle,  
Ayant de moy souuenance eternelle.

Ainsi pleurant, Francus elle accollaz  
Le corps tout seul au logis s'en alla,  
L'ame demeure en son fils attachée:  
Puis sur vn liët ses seruans l'ont couchée  
Pour la donner au sommeil adoucy  
Qui des mortels enchante le soucy.

En-ce pendant Helenin prend la corne  
D'un grand Toreau au col pesant Et morne,  
Au large front, & sans aucun effort  
De son bon gré l'ameine sur le bört:  
Puis vn grand coup de maillet luy d'sserre  
Entre les yeux: le Toreau tombe à terre  
Sur les genoux sur le front estendu:  
Il l'esgorgea: le sang s'est respandu.

*A longs filets dans le creux d'une tasse:  
Parmy le sang que fumeux il amasse:  
Mesta du vin, par trois fois l'escola  
Dessus la Mer, puis Neptune appells.*

*Pere Neptun, Saturnien lignage,  
A qui par sort la Mer vint en partage,  
Que le Soleil n'a peu iamaïs tarir  
Pour te laisser toutes choses nourrir,  
Enten ma vox: donne que la Nature  
De ce Troyen sillonne ton empire  
Sous la faueur, & cesse le courroux  
Que dès long temps tu gardes contre nous.*

*Neptune ouyt la Troyenne priere  
Achefhausé sur l'onde mariniere,  
Et se plaignant encore d'Ilion,  
Vne partie ottroye, & l'autre non.  
Il ottroya que la flotte Troyenne  
Pourroit aller dessus l'onde Egéene:  
Mais ne voulut l'autre part ottroyer  
D'y sejourner long temps sans la noyer.  
Lors Helenin adresse sa parole  
A son neveu, & ainsi le console.*

*Courage Prince, il te faut endurer:  
Tu dois long temps maint sillon mesurer  
De la grand Mer, avant que tu arrives  
Fatalement aux Pannoniques riuës.  
Tous n'irex pas: c'est l'arrest du Destin.  
Mais pour cela ne fauls à ton chemin,  
Que ie te veux non tout du long apprendre,  
De peur qu'un Dieu ne m'en vienne reprendre.*

*Sortant du port gaigne la grande Mer,  
Fay ta Galere à tour de bras ramer.*

(Ta main ne soit du labeur affoiblie)  
Entre Coryce & l'isle Ægialie.  
Quand tu seras au flot La conien  
Pren à main dextre, & sage aïse bien  
De ne heurter au rocher de Malée,  
Où l'onde en l'onde à bouillons est meslée  
Là maint gosier des chiens marins gloutons  
Hument les Nefs, puis comme pelotons  
Rouëz en l'air par morceaux les vdmissent  
Dessus les bords: les rines qui fremissent  
D'aboïs rompus sous le pied des rochers,  
Glacent de peur tout le sang des Nochers.

Delà poussans tes Nauires armées  
Oltre la Mer des Cyclades semées,  
Renoirras Troye Et les funebres lieux  
Pleins des Tombeaux de tes nobles ayeux.  
De là singlant à rames vagabondes  
Par le destroit des hom-cides ondes,  
Voyras le Pas où se noya la Sœur  
Pendue aux crins de son belier mal-seur.  
Tu seras voile au Thracian Bosphore,  
Où l'Inachide estant vestue encore  
D'un poil de vache, à coups d'ongles passa  
En lieu de rame, & son nom luy laissa.  
Puis approchant du grand Danube large,  
Qui par sept huiX en la Mer se descharge,  
Viendras à l'Isle, à laquelle les Pins  
Donnent le nom: là sçauras tes Destins.  
L'un apres l'autre, hoste de la riuere  
De qui la corne est si brane & si fiere.

Ce fleuve ayant sur la teste un rōuzeau,  
Et sous l'aisselle un vase à source d'eau,

Et du menton versant vne fontaine,  
 Te dira teut d'une bouche certaine:  
 A tant se eunt: Innon qui descendit,  
 En le tancant la voix luy defendit.

Tandis la troupe au travail non oisive,  
 Le Toreau mort renuerse sur la rive:  
 Ils ont le cœur en tirant escorché,  
 Puis estripé, puis menu debaché  
 A morceaux crus: ils ont d'une partie  
 Sur les charbons fait de la chair rostie,  
 Embroché l'autre, & cuite peu à peu  
 De tous costez à la chaleur du feu,  
 L'ont débrochée, en des paniers l'ont mise,  
 L'ont decoupée, & sur la table assise,  
 Ont pris leur siege, ont détranché le pain,  
 Ont fait tourner le vin de main en main,  
 Boivant de rang à tasses couronnées  
 D'un cœur ioyeux l'un à l'autre données.

Après qu'ils ont du boire & du manger  
 Osté la faim, ils s'allèrent loger  
 Au premier front de la rive mouillée  
 Sur des lits faits d'herbes & de fveillée,  
 Où toute nuit iouyrent du repos  
 Ronflant le somme au murmure des flos.

Au découcher de l'Aurore nouvelle  
 Le vieil Vandois du sifflet les appelle  
 (Qui seul estoit le Pilote ordonné)  
 Voyant le vent en poupe bien tourné.  
 Un bruit se fait par les bancs du Nauires,  
 Puis à sa tasche un chacun se retire.

Soudain Francus le sifflet entendit:  
 Lors tout armé sa main dextre estendit

Dessus la terre, & ses yeux vers la nuë  
 Estant debout sus la rine chenuë  
 Prioit ainssi: O grand Patarean,  
 A l'arc d'argent, tire-loin, Tymbrean,  
 Garde Apollon, entiere ceste troupe,  
 Dieu d'embarquage, & permets que ie coupe  
 Sous heureux sort la† Commande qui tient  
 Ma nef au bord. A peine eut dit qu'il vient  
 †Commande, est la grosse corde qui tient  
 le bateau. Les Grecs l'appellent *αὐτομήτορ*,  
 les Latins, *rudens*.

Hors du fourreau tirer sa lar ge espée:  
 Du coup la corde en deux parts fut coupée,  
 Qui la Navire au riuage arrestoit  
 Ferme attachée à vn tronq qui estoit  
 D'un Chêne vieil foudroyé du tonnerre  
 De quatre pieds eslevé sur la terre:  
 Puis vers le vent adressa son parler.

Vent le balay des ondes & de l'air,  
 Qui de la nuë en cent sortes te ionës,  
 Qui ce grand Tout éuëntes & secouës,  
 Qui peux cent bras & cent bouches armer,  
 Vien-t'en poupier ton haleine enfermer  
 Dedans ma voile, afin que sous ta guide  
 Paille tenter ce grand Royaume humide.

Dieu qui le Ciel regis de ton sourcy,  
 Si des humains tu-as quelque soucy,  
 Euten ma voix: Donne pere celeste  
 En ma saueur vn signe manifeste:  
 Tu le peux faire: on dit que quelquefois  
 Tu fis voler deux Pigeons par ces bois:  
 L'un fut donné à Iason pour escorter

Donne moy l'autre, afin qu'heureux ie porte  
De mon salut le signe tref-certain,  
Estant conuert du secours de ta main.

Comme il prioit, des Dieux le pere & maistre  
Fit par trois fois tonner à main senestre:  
Et ce-pendant les rudes matelots,  
Peuple farouche ennemy du repos,  
D'un cry naval hors du riuage proche  
Démarent l'ancre à la machoire croche,  
Guindent le mast à cordes bien tendu.  
Chasque soldat en son banc s'est rendu  
Escheu par sort: de bras & de poitrine  
Ils s'efforçoient: la Nauire chemine!  
Les cris les pleurs dedans le Ciel voloient  
Dessous l'adieu de ceux qui s'en alloient!

A-tant Francis s'embarque en son Nauire,  
Les aurons à double ranc on tire:  
Le vent poupier qui droictement soufla  
Dedans la voile à plein ventre l'enfla,  
Fa sant sifler antennes & cordage:  
La nef bien loin s'escarte du riuage:  
L'eau sous la poupe aboyant fait un bruit,  
Qu'un train d'escume en tournoyant poursuit.

Qui vit jamais la brigade en la danse  
Frapper des pieds la terre à la cadance  
D'un ordre egal, d'un pas iuste & conté,  
Sans point faillir d'un ni d'autre costé,  
Quand la ieunesse aux danses bien apprise  
De quelque Dieu la feste solemnise:  
Il a peu voir les aurons egaux  
Frapper d'accord la campagne des eaux.  
Ceste Nauire également tirée

S'alloit trainant dessus l'onde azurée  
 A dos rompu, ainsi que par les bois  
 (Sur le printemps au retour des beaux mois)  
 Va la chenille errante à toute force  
 Avec cent pieds, sur les plis d'une escorce.

Ainsi qu'on voit la troupe des chéreaux  
 A petits bonds suyre les pastoureux  
 Devers le soir au son de la Musette:  
 Ainsi les Nefs d'une assez longue traite  
 Suivoient la nef de Francus, qui devant  
 Coupoit la Mer sous la faueur du vent  
 A large voile à rond cercle entonnée,  
 Ayant de fleurs la poupe couronnée.

L'eau se blanchist sous les coups d'auirons:  
 L'onde tortuë onduye aux onuiurons  
 De la carene, & autour de la prouë  
 Maint tourbillon en escumant se rouë:  
 La terre suit, seulement à leurs yeux  
 Paroist la Mer Et la voûte des Cieux.

Fin du premier liure.





ARGVMENT DV SE-  
COND LIVRE.

**N**Eptune gardant encor son cour-  
roux contre les Troyens, à raison  
du parjure Laomedon, employe  
(oultre ses forces) la puissance de  
Iunon, d'Iris, & d'Eole, pour se  
vanger sur Francus, voulant enseuelir luy &  
ses Destins sous la Mer. Francion tourmenté  
des tempestes, & ayant perdu tous ses vais-  
seaux, le sien excepté, fut poussé contre des  
rochers de l'isle de Crete, en laquelle vn Roy  
nommé Dicee, c'est à dire, Roy iuste & droi-  
cturier, le reçoit avec toute courtoise libera-  
lité. Ce Roy courant vn cerf, rencontre d'a-  
venture ces Troyens endormis sur le riuage,  
recreuz du travail & lassitude. Cybele auoit  
enuoyé à ce Roy le Dieu du Somme en son-  
ge, pour luy dōner enuie d'aller à la chasse ce  
mesme iour. Francion fait entendre à Dicée  
son nom, son pays & sa ville, & l'occasion de  
son nauigage, & son naufrage. Les fantaumes  
de ses compagnons que la tempeste auoit en-  
gloutis, se presentent à luy la nuict suivante:  
ausquels il dresse des Tombeaux vuides, ap-  
pellez *κεκοπία*, & leur fait des obseques.  
Après il supplie la Déesse Venus qu'elle le



vue lle garder & fauoriser. Venus enuoye son enfant Amour pour blesser & rendre amoureuses les deux filles du Roy Dicée, nommées l'une Clymene, & l'autre Hyante. Au mesme instant Francion & ses compagnons couuerts d'une nue arriuent au chasteau. Vn festin solennel se fait après souper, où Terphin châtre tres excellent dit vn excellent Hynne d'amour. Dicée triste conte à Francion la cause de sa tristesse, & comme son fils Orée est detenu prisonnier sous la tyrannie du Gean Phouète. Francion s'offre à le combattre: ce qu'il fait de si magnanime courage, & avec telle prouesse & dexterité, qu'il le tue, & retire Orée de sa captiuité. On ne scauroit lire vn si braue Duel en tous les Poëtes Grecs & Latins. Dicée bien ioyeux embrasse le victorieux, & chante son honneur, & solennize sa victoire.

## LE SECOND





## LE SECOND LIVRE DE LA FRANCIADE.



*E S*puissans Dieux la plus gaillarde  
troupe

*E*stoit assise au sommet de la crou-  
pe

*Du* mont Olympe , où Vulcan à  
l'escart

*Fit* de chacun le beau palais à part,  
*Qui* contemploient la Troyenne ieunesse  
*Fendre* la mer d'une prompte alegresse:  
*Flot* dessus flot la Nauiue voloit,  
*Vn* trac d'escume à bouillons se rouloit  
*Sous* l'auiro*n* qui les vagues entame:  
*L'eau* fait un bruit luitant contre la rame!

*Tout* le troupeau des Nymphes aux yeux pers  
*Menant* le bal dessus les sillons vers,  
*A* chef dressé regardoient estonnées  
*Les* pins sauter sur les vagues tournées:  
*Vn* seul Neptun' conuoit au fons du cueur  
*Contre* Ilion une vieille rancueur  
*Gros* de despit, du iour que mercenaire  
*(Dieu* fait maçon) demanda son salaire  
*A* Lomedon Prince de nulle foy.  
*Il* demandoit iustement à ce Roy  
*L'argent* promis d'auoir de sa truelle

Fait des Troyens la muraille nouvelle  
Quand se rouloient d'eux mesmes les cailloux  
Sous son marteau: le Roy plein de courroux  
Luy denia sa promesse, & parjure  
En le frappant le paya d'une iniure.  
Pource Neptune en rage se tournoit  
D'ire bouffi quand il s'en souuenoit:  
Or' voyant Troye en ces eaux eslançee  
Disoit tels mots furieux de pensée.

Hà pauvre Dieu vaincu par les mortels?  
Dequoy me sert la pompe des autels  
Frere à Iupin, race Saturnienne,  
Si malgré moy la cendre Phrygienne,  
Le demourant d'Achille est triomphant,  
Et qui plus est conduit par vn enfant  
Qui me défie Et/ sans craindre mon ire  
De ses bateaux sillonne mon empire?  
Dequoy me sert le Trident en la main,  
Avoir l'Egide, le rempart de mon sein,  
Tel qu'a mon frere, auoir pour heritage  
La grande mer, du Tout second partage,  
Si ie ne puis d'un mortel me venger?  
Il ne faut plus me laisser outrager  
Sans chast. er ceste race infidelle.

„ La vieille iniure appelle la nouuelle.

Disant ainsi fit son char atteler,  
Que deux Dauphins accouplez font couler  
Dessus le sein des plaines émaillées.  
Luy gouvernant leurs brides escaillées,  
Haut dessus l'onde en son siege porté,  
Comme vn grand Prince orné de maisté  
Tient son Trident: le char qui va sans peine

Fier de son Roy sur les vagues le meine:  
 Triton le suit, & l'amoureux troupeau  
 Des Nymphes sœurs qui dansent à fleur d'eau.  
 Lors du Troyen devantant la nauires,  
 Le vent appelle & ainsi luy va dire.

Vent, la terreur des cieux & de la mer,  
 Ce n'est pas moy qui vous fis enfermer  
 En vos rochers, où fremissant de crainte  
 Dessous un Roy languissiez par contrainte:  
 Un seul Iupin le fit contre mon sceu:  
 A son pouuoir resister ie n'ay peu,  
 Car c'est un Dieu de puissance invincible:  
 Ainsi que luy ie ne vous suis terrible,  
 Vous caressant & prestant ma maison,  
 Quand dechaisnez vous sortez de prison,  
 Non à vous seul mais à tous quatre ensemble,  
 La renuersant ainsi que bon vous semble.

Pource Aquilon ne souffre plus parmy  
 Nostre eau commune errer mon ennemy,  
 Mais d'un grand vol retourne vers Eole:  
 Dy luy qu'il tienne aujourdhuy sa parole,  
 Et le serment qu'en la dextre il me fit,  
 Quand par mon aide\* Hercule il desconfit.

\*Hercule, se prend icy pour le Soleil, que  
 les vents semblent desconfire, quand espessif-  
 sant l'air de nuées ils offusquent sa clarté. La  
 plus grande partie des nuées sort de la Mer.

Que de son Sceptre il face une ouuerture  
 Aux vents enclos en leur caverne obscure:  
 Qu'il les destache, & portez d'un grand bruit  
 Chargez d'esclairs, de tempeste & de nuit,  
 Par tourbillons enfle la Mer de rage,

Et ces Troyens accable d'un orage:

Dy luy qu'il rompe au trauers des rochers,  
Pour me venger Nauires & Nochers.

Ah, digne n'est telle gent pariurée

De voir long temps la lumiere etherée:

Assez Et trop malgré nous a vescu

Ce sang maudit par tant de fois veincu.

A peine eut dit qu'il vit la messagere

Iris voler d'une plume legere

Sortant de l'eau, laquelle reuenoit

De voir Thetys & au Ciel retournoit

Grosse d'humeurs. Ce Dieu s'approcha d'elle,

Luy tend la main, la caresse & l'appelle.

Honneur de l'air, va conter à l'unon

Que les Troyens ennemis de son nom

Frappent la mer à rames retournées,

Enforcelez de fausses destinées.

Si le courroux boult encor' en son cueur,

Si le despit d'une vieille rancueur

Son estomac' encores espoinçonne,

C'est maintenant que le Destin luy donne

De se venger le temps & le moyen,

Perdant Francus & tout le nom Troyen.

Dy que soudain mette la main à l'œuure,

Que sa puissance en l'air elle descœuure,

Brassant contre eux un amas pluuieux.

A tant se tint: Iris remonte aux Cieux

Tirant un arc dessus les ondes perſes

Tout bigarré de cent couleurs diuerses:

Puis ſous le troſne à l'unon ſe cacha,

Où de brais à ſes pieds ſe coucha

Comme un limier, qui craintif & fidelle

Oyant aux bois le veneur qui l'appelle,  
 (Cerfs & Sangliers Et/ buissons oubliés)  
 Vient à son maistre & se couche à ses piez.

Incontinent maintes troupes de nuës  
 Sont file-à-file à leur Roïne venues,  
 Comme troupeaux qui bêlent à l'entour  
 De leur pasteur, quand la pointe du iour  
 Et la rosée aux herbes les conuie.

Et lors Iunon d'un tel amas suiuite  
 Les presse ensemble, & en son giron prest  
 Leur forme, un corps tout ainsi qu'il luy plaist:  
 L'une elle enflloit de monstrueux images,  
 L'autre de pluye & de venteux orages:  
 L'autre en bruyant sur l'autre se rouloit,  
 L'autre blafarde Et/ noirastre couloit  
 Ayant d'azur la robe entre-semée,  
 Et l'autre estoit de feu toute allumée.

Tandis les vents auoient gaigné la mer,  
 Qu'à gros bouillons ils faisoient escumer,  
 La renuersant du fond iusqu'au feste:  
 Vne importune outrageuse tempeste  
 Sifflant, bruyant, grondant, & s'esleuant  
 A monts bossus sous le souffler du vent,  
 Branle sur branle & onde dessus onde,  
 Entre-ouuroit l'eau d'une abysme profonde:  
 Tantost enflée aux astres escumoit,  
 Tantost baissée aux enfers s'abysmoit,  
 Et forcenant d'une escumeuse rage  
 De flots voûtés couuroit tout le riuage.

Vn sifflement de cordes, & un bruit  
 D'hommes s'esleue: une effroyable nuit  
 Cachant la mer d'une poisseuse robe,

Et iour & mer aux matelots desrobe.

L'air se creua de foudres & d'esclairs  
A longue poincte estincelans Et clairs  
Drus & menns, & les pluyes tortues  
Par cent pertuis se creuerent des nuës.  
Maint gros tonnerre en souffré s'esclattoit,  
De tous costez la mort se presentoit  
A ces Troyens: lors d'une froide crainte  
En tel danger Francus eut l'ame atteinte:  
De larges pleurs arrosa ses beaux yeux,  
Puis genussant tendit les mains aux Cieux.

S'il te souuient de nos humains seruices;  
Grand Iupiter, n'oublie les sacrifices  
Du pere mien qui sus tous les mortels  
De boncs sanglants a chargé tes autels.  
Hâ tu deuois en la Troyenne guerre  
Faire couler mon cerueau contre terre,  
Sans me sauuer par vne feinte ainsi  
Pour me trahir à ce cruel souci!  
I'eusse en ma part aux Töbeaux de mes peres,  
Où ie n'atten que ces vagues ameres  
Pour mon sepulchre, abusé de l'espoir  
Que tes destins me firent concevoir.

Comme il disoit, le tonnerre, & la pluye,  
Et le vent plein d'une ardente furie  
Souffla et emporte à l'abandon de l'eau  
Six grands vaisseaux eslongnez du troupeau.  
Mais à la fin la bonasse fortune  
(Tousiours ne vit le courroux de Neptune)  
Loin les aborde au viuage incognu  
De la Prouence, où le Rhosne cornu  
Entre rochers roulant sa vifte charge

*Pres Aigue-morte en la mer se descharge.*

*Là ces Troyens sur le sable arrivez  
Furent long temps d'hostelage prinex  
Sans maçonner une muraille neuve:  
Touchez apres de la beauté du fleuve,  
Loin d'Ilion planterent à Tournon  
De leur patron les armes & le nom,  
Braue guerrier qui gros de renommée  
Ioignit depuis à Francus son armée.*

*Sept autres nefz contraintes par l'effort  
Des soufflemens impetueux du Nort,  
Pironnant dessus la vague perse  
Auecq' grand bruit sentent à la renuerse  
Tomber le mast: l'antenne qui le suit,  
Broncha dessus: les cordes font un bruit  
Comme un pin tombe auecques ses racines,  
Quand un torrent des montaignes voisines  
Le fait broncher, fracassant & courbant  
Tous les buissons qu'il rencontre en tombant.*

*Deux tourbillons en ont deux avalées  
A gorge ouuerte en leurs ondes saleés,  
Piteux regard! Pallas branlant és mains  
Ses feux, terrear des Dieux & des humains,  
Lance un esclair dedans l'autre nauire:  
Le feu mangeard qui se tourne & se vire  
En tourbillons courant de part en part,  
De banc en banc, de rempart en rempart,  
Prist le Pilot', le massacre & le tuë,  
Et my-brulé sur les vagues le ruë,  
Ayant encor' le timon dans le poing,  
Tant en mourant de son art il eut soing.*

*L'autre nauire opposant l'artifice,*



De la tempeste enitoit la malice,  
De toutes parts en doute resistant.  
Ainsi qu'on voit un hardi combatant  
Dessus le mur de la ville assiegée  
Se planter ferme en sa place rangée  
Pour l'ennemy du rampart décrocher,  
En fin luy-mesme est contraint de broncher,  
De ses genoux les forces luy defaillent:  
Car entre mille & mille qui l'assaillent,  
Un par sur tous le plus brusque & gaillard  
Tout armé saute au dessus du rampart  
L'enseigne au poing, & en donnant passage  
A ses soldats leur donne aussi courage.

Ainsi de mille & mille flots voûtez  
Qui r'assailloient la Nef de tous costez,  
Un le plus haut & le plus fort s'avance,  
Et d'un grand heurt sur le tillac s'eslance  
Victorieux, puis les autres espais  
Qui çà qui là l'entre-suisant de pres,  
Rompent les bords, les bancs, & la carene,  
Et la Navire enfondrent sous l'arcne.

L'un vers le Ciel pour secours de son mal  
Tendoit les mains, l'autre comme à cheual  
Pressoit le dos d'une antenne cassée.

Là des Troyens la richesse amassée  
Par tant de Rois sur les ondes roüoit,  
Servant aux vents & aux flots de iouët:  
Armes, bouclairs, robes de riche ourage  
Nageoient sur l'eau, la proye du naufrage.

Trois fois la Lune, & trois fois le Soleil  
S'estoient couchez, que l'huyér nompareil  
Armé d'esclairs & de vagues profondes

N'auoit cessé de tourmenter les ondes:  
 Sans plus la Nef de Francus resistoit  
 Haute sur l'eau, qui encores s'estoit  
 Seule sauuée & des eaux & des flammes,  
 Ayant perdu ses voiles & ses rames,  
 Quand vn fort vent ailé de tourbillons,  
 Voûtant la Mer bossuë de sillons,  
 En la singlant d'une bien longue traite  
 La chasse au bord du riuage de Crete.

Vn Banc estoit de sablon amassé  
 Voisin du bord où Francus fut chassé,  
 Haut de falaise & de bourbe attrainée:  
 Là pour mourir la siere destinée  
 L'auoit conduit: de tous costez le bort,  
 Le Banc, la Mer, luy presentent la mort.  
 Comme il pleuroit sur le haut de la poupe,  
 Il s'advisa d'eslire de sa troupe  
 Vingt Cheualiers qui depuis ont esté  
 (Ainsi estoit dans le Ciel arresté)  
 Tiges & chefs des familles de France:  
 Les choisissant tout le dernier s'eslance  
 Dedans l'esquif, aimant trop mieux perir  
 Au bord qu'en mer honteusement mourir.  
 Leurs pieds n'estoient à peine en la nacelle,  
 Que le courroux d'une vague cruelle  
 Les fit par force au riuage approcher  
 Et leur nacelle empreint contre vn rocher,  
 Rocher qui dur, espineux & sauvage  
 De son grand dos ramparoit le riuage,  
 Ayant du vent tousiours le chef battu,  
 Les pieds du flot aboyant & tortu.

Là le Demon qui preside à la vie,

D. 70

En tel danger leur fit naistre vne enuie  
 De s'attacher à ces rochers bossus,  
 Et s'efforcer à gagner le dessus.  
 Comme ils vouloient avecques la main croche  
 D'ongles aigus grimper contre la roche,  
 Le premier flot qui les feit approcher :  
 Contre le bord, repoussé du rocher  
 Les recula: la Mer qui se courrouce,  
 D'un second flot, encores les repousse  
 Aux bords pierreux, raboteux Et trenchans.

Là ces Troyens aux cailloux s'accrochans  
 De pieds, de mains s'aherrent Et se bandent,  
 Et en grim pant contre le Roc se pendent,  
 Se deschirans les longues peaux des dois:

L'un s'attachoit aux racines d'un bois,  
 L'autre essayoit d'empoigner vne branche,  
 Puis main sur main, Et hanche desur hanche,  
 Coude sur coude, en haletant d'effort  
 Par les cailloux monterent sur le bord.

L'eau de la mer des cheueux goute à goute.  
 Depuis le front iusqu'au pied leur degoute  
 Blanche d'escume, Et leurs membres souflex  
 De tant de vents se boufrent enflex:  
 Les flots salex de la gorge vomirent,  
 Esuanouis leurs esprits se perdirent  
 De tant de maux debiles Et laschex  
 Comme corps morts sur la rine conchex  
 Sans respirer, sans parler: mais à l'heure  
 Que le Tore au qui tout le iour labeure,  
 Franc du collier retourne à la maison,  
 Ces corps sortis de longue pasmaison  
 Baisent la terre Et la rine ventouse.

Quiconque sois, Terre, sois nous heureuse,  
 (Ce disoient-ils) & loin de tous dangers  
 Sauve en ton sein nous pauvres estrangers,  
 Qui ont souffert mainte dure fortune  
 Par le courroux des vents & de Neptune.

Comme ils prioient, le dormir ocieux  
 Chasse-soucy, leur vint siller les yeux,  
 Et l'une à l'autre attachant la paupiere  
 Leur desroba le soin & la lumiere.

Tandis Cybele en son courage ardoit  
 Dequoy Neptune son Francus retardoit:  
 Car elle aimoit (comme estant Phrygienne)  
 L'enfant d'Hector & la race Troyenne:  
 Pource soudain son char elle attela,  
 Bat ses lions & vers le Somne alla.

Le Dieu vieillard qui aux songes preside,  
 Morne habitoit en une Grotte humide:  
 Deuant son huis maint pauot fleurissoit,  
 Mainte herbe à lait que la Nuit choisissoit  
 Pour en verser le ius dessus la terre,  
 Quand de ses bras tout le Monde elle enserre.  
 Du haut d'un Roc un ruisseau s'esconloit  
 Remply d'oubly qui rompu se rouloit  
 Par les cailloux, dont le rauque murmure  
 D'un doux rempart les yeux de l'homme emmure. }

Somme, dit ell', le doux forcier des yeux,  
 Le chermignon des hommes & des Dieux,  
 Par qui le mal tant soit mordant s'oublie,  
 Par qui l'esprit loin du corps se deslie,  
 Va (ie le veux) en ceste Isle où souloient  
 Iadis sauter les hommes qui baloient  
 Au son du Cistre, & de cliquantes armes,

D vq

Sentre-choquant, auantureux gendarmes,  
 Et d'œil veillant, en l'Antre Diéléen  
 Gardoient le\* bers du grand Saturnien,  
 Terre fertile, anciennes retraites  
 Des Corybans, Dactyles & Curètes.

\* Bers,  
 Ber-  
 ceau,  
 mot  
 Védo-  
 mois.

Là de leur race est encor aujourd'huy  
 Vn Coryban le soutien & l'appuy  
 De tout honneur, de science semblable  
 Au vieil Chiron Centaure venerable.

Quand il auoit le sang plus genereux,  
 En sa ieunesse il deuint amoureux:  
 Si qu'en pressant à sa chere poitrine  
 Dedans un Antre vne Nymphé marine,  
 D'elle conceut deux filles & un fils.  
 Les filles sont ainsi que deux beaux Lis,  
 En la maison de leur pere croissantes,  
 En âge en grace en beauté florissantes.  
 Le fils captif languit depuis un an  
 En la prison d'un barbare Gean  
 Qui les mortels à son Dieu sacrifie,  
 Et d'un maillet leur desrobe la vie:  
 Puis sur sa porte où distile le sang  
 Du test des morts, les attache de rang.  
 Ce Roy remply d'honneur & de richesse  
 Tient sa maison ouuerte de largesse  
 Aux estrangers, tant il a grand desir  
 Entre un millier d'en pouuoir un choisir  
 Qui le reuanche, & son fils luy redonne  
 Seul heritier de sa noble Couronne.

Va-t'en vers luy, & en te transformant  
 Presente luy quand il sera dormant,  
 Autour du lit cent formes espanduës,

Piqueurs, veneurs, trompes au col pendues,  
Lesses & chiens, bocages, & forests,  
Larges espieux, cordages, & filets,  
Limiers ardans, cerfs suivis à la trace,  
Et tout le meuble ordonné pour la chasse:  
Presente luy des hommes incognus  
En longs habits à sa riue venus,  
Sous qui son fils les armes doit apprendre,  
Et par leurs mains sa liberté reprendre.

D'un mesme vol affublé de la nuit,  
Fantaume vain, porte toy sur le lit  
Où va dormant l'une Et l'autre pucelle:  
Fay leur sembler qu'une estoile nouvelle.  
Viue d'esclairs, d'un voyage lointain  
Passant la mer vient loger en leur sein,  
Et rayonnée en flammes bien esprises  
Baise leur chair sans ardre leurs chemises.  
Va-t'en apres au bord où les Troyens  
Dorment recreus des flots Neptuniens:  
Dessus leur teste arreste ta volée,  
Leur ame soit en songeant consolée  
Sans avoir peur des habitans du lieu:  
Car ia Mercure enuoyé du grand Dieu,  
Des citoyens a flechy le courage  
Pour en bon-heur conuertir leur dommage.

A-tant se teut, Et le Roy du sommeil  
Tout chassieux, ennemy du resueil  
D'un chef panché que lentement il cline,  
Et du menton refrappant sa poitrine,  
Se resecouë, & sorty de son lit.  
Le mandement de Cybele accomplit.

Incontinent que l'Aube aux doigts de Roses

D vj

Eut du grand Ciel les barrières décloſes,  
 Le Roy Dicé (de tel nom ſe nommoit  
 Ce Coryban qui la iuſtice aimoit)  
 Riche d'honneur, de terres, & de race,  
 Drefſe l'appreſt d'une aboyante chafſe:  
 Son palefroy à gros bouillons fumeux  
 Remaſchant l'or de ſon frein eſcumeux  
 Eſt à la porte, où à foule ſe rendent  
 Jeunes piqueurs qui deuiſant l'attendent:  
 Maint chien courant couple à couple les ſuit:  
 De tous coſtez la mente fait un bruit!

Par bois fuentils par monts & par valée,  
 Pleine de cris ceſte chafſe eſt allée.  
 Maint gros Sanglier de dents croches armé,  
 Maint Cerf craintif au large front ramé  
 Eſtoit ia mort, quand au gré de Cybelle  
 Un Cerf pouſſé par embuſche nouvelle  
 De la Déeſſe haletant & mourant  
 De ſoiſ pantoife, alla viſte courant  
 Vers le riuage: & le pere Dicée  
 Suiuant ſes pas par la poudre tracée,  
 Comme le Cerf à la riuë aborda,  
 Où ces grands corps incognus regarda.  
 Lors les Troyens en ſurſault s'eſmerueillerent,  
 Qui de le voir au cœur s'eſmerueillerent:  
 Luy plein d'eſfroy en paſſa: ſon deuint,  
 Et de ſon ſonge à l'heure luy ſouuint.

D'où eſtes-vous (dit-il) de quelle place;  
 Quels ſont vos noms, & quelle eſt voſtre race?  
 Quelle fortune, ou quelle Mer ſans foy  
 Vous a trahis? hoſtes reſpondez moy.  
 Car à vous voir (bien que pleins de miſere:)

N'estes meschans, ny fils de meschans peres.

Alors Francus baignant ses yeux de pleurs,  
Et soupirant aigrement ses douleurs  
Luy respondit: Si i'amaï les merueilles  
Des Phrygiens ont frappé tes oreilles,  
La longue guerre & les dix ans d'assaux,  
Le fier Achille auth'eur de tant de maux,  
Le sac, la prise & la flame funeste  
Du brazier Grec, nous en sommes le reste.

Là pour sauuer maisons, temples & Dieux;  
Femmes; enfans, moururent nos ayeux,  
L'un sur le mur, l'autre au milieu des armes,  
Hector l'honneur des valeureux gendarmes  
Qui m'engendra; ayant cent mille fois  
Trempé le sable au meurtre des Gregeois,  
Gardant son pere, & sa mere, & sa ville,  
Y fut tué par la traison d'Achille.  
Comme vn sapin par le fer abbatu,  
Son corps broncha de ses armes vestu,  
Faisant vn bruit sur la poudre Troyenne:  
Où du veinqueur la ronë Æmonienne  
(Acte vilain & plein d'impieté)  
Trois fois le traine autour de la cité.  
Je fus sauvé de la flame cruelle

(Miracle grand!) pendant à la mammelle:  
J'ay du veinqueur flechi dessous la Loy,  
Nourry sans nom, bien que germe de Roy.

Ceux que tu vois d'un visage si bleśme  
Couchex icy ont en fortune mesme,  
De mesme ville, issus de mesme part,  
Mes alliez de sang & de hazard.

Quand sans honneur, sans grandeur, sans enuie



D'estre connu i'allois trainant ma vie  
En Chaonie aux pieds de mes parens,  
Voicy d'enhaut des signes apparens:  
Voicy Mercure enuoyé du grand Pere  
Tancer mon oncle, & menacer ma mere,  
Dequoy forçant le Ciel & la saison  
Ils enfermoient ma gloire en la maison,  
Et que des Dieux les hautes destinées  
Auoient pour moy les Gaules ordonnées,  
La dans le Ciel pere des Roys receu:  
Mais le Destin & les Dieux m'ont deceu.

Croyant en vain leur promesse menteuse,  
Prompt ie me donne à la vague ventueuse,  
Armant en mer quatorze grands vaisseaux,  
De viures pleins, & de forts Ionnenceaux,  
Dont i'esperois d'une braue entreprise  
Donter sous moy cette Gaule promise.

„ Malheureux est qui desdaigne le sien  
„ Pour l'estranger : en lieu de tant de bien,

Couronne, Sceptre, & royal mariage,  
I'ay la mer seule & les vents en partage,

Qui d'esperance & de biens m'ont cassé,  
Et de quatorze vn vaisseau m'ont laissé.

Qui pres ce bord sans mast & sans antenne  
Demy-rompu s'embourbe sous l'arcne,

Où tout mon bien i'auois fait enfermer,  
„ Si c'est du bien ce qui flotte en la mer.

„ Du Hâure seur on doit veoir la marine:

„ Malheureux est qui sur elle chemine!

Après auoir trois iours entiers erré,  
D'astres certains & de voye esgaré,  
Tousiours pendu sur la vague meurtriere,

*Vn bon Demon esmeu de ma priere  
Me secourant de toutes choses nu,  
M'a fait grimper à ce bord incognu,  
Proye des loups & des bestes sauvages.  
Nous ignorons les meurs & les courages  
Des habitans, si après les dangers  
Ils ont le cœur piteux aux estrangers,  
S'ils craignent Dieu, s'ils aiment la Justice,  
Ou s'ils sont pleins de sang & de malice:  
Pource benin, aye pitié de nous.  
Sois homme ou Dieu, j'embrasse tes genoux:  
Si tu es Dieu, tu sçais bien nostre peine:  
Si tu es homme, une douceur humaine  
Doit esmouuoir ton cœur à passion,  
Ayant horreur de nostre affliction.*

*Il dit ainsi : le vertueux Dicée  
Contre-respond: Ceste terre embrassée  
Des flots marins comme tu vois icy,  
Porte vn bon peuple Et vn mauvais aussi:  
Mais à ce coup ta fortune meilleure  
T'a faict surgir où la bonté demeure:  
Pource tu sois, hôte, le bien-venu.  
Qui est celuy qui par bruit n'a cognu  
Troye & Priam, & pour garder sa terre  
Le nom d'Hector vn foudre del a guerre?  
Il me souvient qu'un iour Idomené  
Me discouroit de nouveau retourné,  
(Il retournoit tout freschement de Troye  
Chargé d'honneur, de renom, & de proye)  
Qu'après qu'Hector les Grecques nautz brusla,  
Que vers Priam ambassadeur alla  
Traiter la paix, mais il ne la peut faire,*

*Ayant Paris capital aduersaire.*

*Par courtoisie il logea chez Hector,  
Qui l'honora d'une grand' coupe d'or,  
Riche present, où vnoit entaillée  
Sous le burin la Baleine escaillée  
A gueule ouuerte, & maistresse des bors  
Faisoit semblant de deuorer le corps  
De la pucelle Hefione attachée  
Contre vn rocher: la mer estoit couchée  
Au pied du Roc, qui de flots repliez  
De la captive alloit baignant les piez.  
Persée estoit sur le haut de la roche,  
Ayant au poing sa Cimeterre croche,  
Pendue en l'air, qui l'Ourque menassoit,  
Et des liens l'Infante delassoit.*

*Idomené me donna ceste coupe,  
Que ie tien chere entre vne riche troupe  
D'autres vaisseaux, dont i'esgaye mes yeux,  
Quand ie banquette aux festes de nos Dieux.  
Il estimoit d'Hector la courtoisie,  
Les vaillans faits, les vertus, & la vie,  
Et ennemy son honneur n'abaissoit,  
Ains insqu'au Ciel ses louanges poussoit.*

*Pource ie croy que vostre bien-venue  
Est par le vœu des bons Dieux auenue,  
Et que le Ciel qui de nous a soucy,  
Pour mon support le permettoit ainsi.  
Vous ne pressez vne terre estrangere:  
C'est ô Troyens, vostre ancienne mere  
Crète, dont Teucre autrefois est issu,  
De qui le nom pour tiltre auez receu:  
Vne autre Ida que la vostre Troyenne*

S'esleue icy, la demeure ancienne  
 De vos ayeux, Et pource ostez du cœur  
 Comme asseurez le soupçon, & la peur,  
 Et desormais r'appellez l'esperance  
 Surgis au lieu qui fut vostre naissance.

De peu de gens ce Prince environné  
 En son palais pensif est retourné:  
 D'où liberal il enuoye au riuage  
 Douze moutons, un bœuf de grand corsage  
 Gras, bien charnu, & six barraux de vin,  
 Coupes, habits, & chemises de lin,  
 Pour festoyer & courir ceste bande  
 A qui la faim outrageuse commande.  
 » Rien n'est meilleur pour l'homme soulager  
 » Apres le mal que le boire & manger!  
 Eux affamez ces viandes rauirent,  
 Qui d'une autre ame au besoin leur seruirent  
 Ranigorant la force de leurs corps.

» Car le manger rend les hommes plus forts!  
 Tandis la nuit à la voûte estoilée  
 Auoit la terre en toutes parts voilée  
 D'un manteau noir ombreux & paresseux,  
 Lors que voicy les fantômes de ceux  
 Dont la grand mer en vagues départie  
 Auoit les corps & la vie engloutie,  
 Enflex bouffis escumeux, & ondeux,  
 Aux nez manger aux visages hideux,  
 Qui pepiant d'une voix longue & lente  
 (Comme poulets cherchant leur mere absente)  
 De mains, de pieds, figurans leur mechef,  
 De Francion environnoient le chef.

Enfans d'Hector (disoient-ils) vous ne sommes

Plus ces corps vifs, mais feinte de ces hommes,  
Qui bien armez Et prompts à tous hazars  
En tes vaisseaux tu choisis pour soldars,  
Sur qui les vents au sort de la tempeste  
Ont renuersé cent gouffres sur la teste:  
Nos corps flotans appastent les poissons,  
Nos esprits (las!) en cent mille façons  
Déprisonnez de l'humaine closture,  
Dessus les flots errent à l'auanture.

Fay nous au moins sur le bord de ces eaux  
Le triste apprest de quelques vains Tombeaux,  
En attendant que les mers poissonneuses  
Reposseront aux riués sablonneuses  
De nos corps morts le vieil moule défait  
Pour leur bastir un sepulchre parfait.  
A tant s'ensuit la troupe naufragiere  
Ainsi qu'on voit une poudre legere  
S'esuanouir tournoyant & suinant  
Les tourbillons qui annoncent le vent.

Si tost que l'Aube à la face rosine  
Eut le Soleil tiré de l'eau marine,  
Francus s'esleue, & dressant maints gazons  
Fit des Tombeaux, funerales maisons:  
Puis resspandant une frole pleine  
De sang sacré en leur demeure vaine  
Haut appelloit les ames qui venoient,  
Et sur l'obsequé espaißes se tenoient  
Faisant tel bruit que font en leur nichée  
Les Arondeaux attendans la bechée,  
Gresles ainsi qu'on voit aux iours d'Esté  
Les Mouscherons voler sous la clairté.

Bien que vos corps (disoit Francus aux ames)

Ne soient enclos sous ces herbeuses lames,  
 En attendant un Tombeau plus certain,  
 Contentez-vous de cest office vain,  
 Et frequentez en longue patience  
 Ces logis pleins de nuit & de silence.

Esprits malins ne nous suivez jamais  
 Ou soit en guerre ou soit en temps de paix:  
 Ne nous troublez de peür ny de mensonges,  
 N'effroyez point de fantaumes nos songes,  
 Ne nous donnez ny terreur ny soucy,  
 Et sans nous suivre arrestez vous icy.

Disant ces mots, plein d'un soin qui le presse,  
 Seul sur la riuë eslongné de la presse,  
 Poussant de cœür un long soupir amer  
 Prioit ainsi la fille de la Mer.

Enten ma voix Paphienne Erycine,  
 Si tu nasquis de l'escume marine,  
 Ne souffre plus que tes flots maternels  
 Me soient autheurs de tourmens eternels.  
 Alme Venus mets en ta fantasie  
 Le souuenir de ceste courtoisie  
 Dont l'oncle mien te preferant usa  
 Lors que la pomme à Pallas refusa,  
 Et à lunon qui encores dolente  
 D'un tel refus en tous lieux me tourmente:  
 Et s'il est vray qu'autrefois as quitté  
 Le Ciel, palais des hauts Dieux habité,  
 Et les citæ sous ton pouuoir gardées  
 Pour venir voir les montaignes Idées,  
 Prise d'amour d'un pasteur Phrygien,  
 Aye pitié du mesme sang Troyen.

Tu gardas bien Et Iason Et Thesée, adieu

Cœurs desirieux d'affaire mal-aisée,  
 Et s'ils n'avoient (les sauuant de peris)  
 Tant fait pour toy que mon oncle Pâris:  
 Comme eux ie trace vne affaire bien haute,  
 Et si ie faux au Destin soit la faute,  
 Et non à moy de rien ambitieux,  
 Qui n'ay suivy que l'oracle des Dieux.

Priant ainsi, Venus la mariniere  
 D'oreille prompte entendit sa priere:  
 Elle vestit ses somptueux habits,  
 Orna son chef flamboyant de rubis,  
 Prist ses aneaux de subtile engraueure,  
 Haussa le front, composa son alleure,  
 Se parfuma, s'oignit, Et se lava:  
 Puis vers Amour son cher mignon s'en-va.

L'enfant Amour escarté de la presse  
 Des autres Dieux, sous vne treille espesse  
 Dans le iardin de Iupiter estoit  
 Où Ganymede aux eschets combattoit.  
 Venus de loin commence à luy sou-rire,  
 Flata sa ionë & ainsi luy va dire.

Mon fils, mon cœur, ma puissance, mon bien,  
 Tu es mon tout, sans toy ie ne puis rien:  
 Mais quand nos traits sont alliez ensemble,  
 Il n'y a Dieu si puissant qui ne tremble:  
 Laisse tout seul iouer ton compaignon,  
 Embrasse moy, baise moy mon mignon,  
 Pends à mon col: mon fils ie te pardonne  
 Tous les tourmens que ta fleche me donne,  
 Et de nouveau tous les maux infinis  
 Que i'ay receu pour l'amour d'Adonis.  
 Si de ton trait tu blesses la pensée

L'ame & le cœur des filles de Dicée  
 Pour Francion, Troyen digne d'avoir,  
 Tant il est beau faueur de ton pouuoir:  
 Je te don'ray pour te servir de page  
 Le leu mignard qui te ressemble d'âge,  
 Fin comme toy, de qui les petits dois  
 Tous enfantins porteront ton carquois,  
 Et ton bel arc qui le Monde conqueste:  
 Il sera tien si tu fais ma requeste.

Adonc Venu le mit en son giron,  
 Roses & Lis espanche à l'environ  
 De sa perruque, & l'endort en sa robe,  
 Puis finement de son fils se desrobe,  
 S'en-vole en Cypre, où d'encens Sabéens  
 Fument tousiours ses Autels† Paphéens.

† Pa-  
 pheés,  
 pour  
 Paphiēs  
 licence  
 poëti-  
 que.

A-tant Amour du sommeil se secouë,  
 Ses blonds cheueux arrangea sur sa iouë,  
 Vne double aile à son dos attacha,  
 Son beau carquois pendillant décrocha  
 Du prochain myrte, il empoigne en la dextre  
 L'arc & des Dieux & des hommes le maistre;  
 Puis s'eslançant hors la porte des Cieux,  
 Petites mains, petits pieds, petits yeux,  
 Se rue en l'air: le Ciel, l'onde, & la terre  
 Luy font honneur: Zephyre qui desserre  
 Sa douce haleine odorante à l'entour,  
 Tout amoureux va conuoiant Amour.

Or cet enfant qui trompe la ceruelle  
 Des plus rusez, prist semblance nouuelle,  
 Se herissant en la forme d'un Tan  
 (Fier animal) qui au tetour de l'an  
 Quand le Printemps ramène ses delices,



Parmi les prez fait moucher les genices:  
 Il se fit tel qu'on ne pouuoit le voir,  
 Corps inuisible, & puis alla s'assoïr  
 Au haut sommet de la porte où Dicée  
 Superbe auoit sa demeure dressée.

Tandis Francus secoüant en la main  
 Vn iauclet à la poincte d'airain,  
 Ayant au col sa targue à mainte houe,  
 Vers le Chasteau mena sa ieune troupe.  
 Venus la belle au departir des bords  
 Songneuse d'eux emmantela leurs corps  
 D'une nueuse & obscure couronne  
 Pour n'estre vus ny cogneus de personne.  
 Quand au Palais Francion arrina,  
 Loin de leurs corps l'air espais se creua,  
 Et leur figure est propre reuenue  
 Comme Astres clairs déuestus d'une nuë.

Ce iour Francus à merueille estoit beau,  
 Son ieune corps sembloit vn renouueau,  
 Lequel estend sa robe bien pourprée  
 Dessus les fleurs d'une gemmeuse prée:  
 La Grace estoit à l'entour de ses yeux,  
 De front, de taille, egal aux demy-dieux.

Deuant la porte estoit vn long espace  
 D'une quarrée & spacieuse place,  
 Où la ieunesse aux armes s'esbatoit,  
 Piquoit cheuaux, voltigeoit, & lutoit,  
 Sautoit, courroit, defendoit la barriere:  
 Haut dans le Ciel en voloït la poussiere!  
 Les prochains bords à leurs cris respondoient!

Sur le portail d'un long ordre pendoient  
 De ses ayeux les hardis tesmoignages:

Lances,

Lances, plastrons, morions & plumages,  
 Butins gaignez des ennemis vaincus,  
 Naufs, gallions, Et leurs espoirs becus,  
 Et des citez les portes arrachées  
 A grands crochets dans le mur attachés.

En ce-pendant que d'œil prompt Et ardent  
 Francus alloit le Palais regardant,  
 Frixes, festons, guilochis & ouales,  
 Dicée orné de dignitez royales  
 Accompaigné de deux cens Iouuenceaux  
 D'âge pareil, aux mentons damoiseaux,  
 Au doux accueil, d'une courtoise sorte  
 Vint caresser Francus outre la porte  
 Le bien-veignant, Et d'un visage humain  
 Le tient, l'embrasse, & luy serre la main.

Pres de ce Prince en robes solennelles  
 Estoit sa femme Et ses filles pucelles,  
 A qui suzeaux Et fil tout à la fois  
 Estoient de haste escoulez de leurs doigts,  
 Tant ell' auoient un chaud desir en l'ame  
 De voir Francus ; mainte amoureuse flamme,  
 Qui de leurs yeux à passades voloit,  
 Gaignant le cœur dans le sang d'eualoit.

Tandis le Dieu qui les cœurs nous desrobe,  
 Laisse la porte, & se mist sous la robe  
 De Francion : puis décochant deux traits,  
 L'un plein d'amours, de graces & d'attraits,  
 Qui doucement gaignent la fantaisie,  
 Et l'autre plein d'ardante jalousie,  
 Tirez des yeux du Troyen les poussa,  
 Et leur raison à-demy renuersa,  
 Les tourmentant de penfers Et d'augures

*Auant-coureur de leurs peines futures:*

*Puis en tirant Et sautelant, de là*

*Ce faux garçon dans le Ciel renola*

*Comme un larron, qui subtil en finesse*

*Son larcin faict s'escole de la presse,*

*Puis quand il est par la troupe eschappé,*

*Se rit ioyeux du sot qu'il a trompé,*

*Tout prest encor de faire autre entreprise*

*S'il trouue ailleurs une aussi belle prise.*

*A-tant Francus entra dans le chasteau,*

*Son jaelot posa contre un rateau*

*Où mainte pique en son long estendue*

*Contre le mur au croc estoit pendue.*

*En ce chasteau par bande fremissoient*

*Prompts seruiteurs, dont les uns tapissoient*

*De tapis d'or les superbes murailles,*

*Longs arguments d'anciennes batailles:*

*Autres de rang sur la place apportoiēt*

*Tapis ouurez, les autres apprestoient*

*Les lits enflex de couuertes velües,*

*Autres dresseoient les viandes esleües,*

*Autres chargeoient les hauts buffets dorez*

*De grans vaisseaux d'histoires decorez.*

*Sur une esguiere en rabotuse trace*

*Des Corybans estoit peinte la race:*

*Comme Bryare en amour furieux,*

*Desesperé de sa Nymphe aux beaux yeux,*

*Alloit tout seul par mont & par bocage*

*Iettant un cri comme un Lion sauvage,*

*Et fantastique errant par les buissons*

*Changeoit son corps en cent mille façons,*

*Tant en amour forcenoit sa folie.*

Pour mieux iouyr de sa Cynopolie:  
 Mais à la fin se changeant en Serpent,  
 A dos rompu sur le ventre rampant,  
 La tint serrée, & l'ayant embrassée,  
 D'elle conceut les ayeux de Dicée.

Sur un bassin Saturné estoit gravé,  
 En cheueux blancs de vieillesse agravé,  
 A la grand' faulx, qui auoit la machoire  
 Du sang des siens toute relente & noire:  
 Sa femme Rhée à l'autre bord estoit,  
 Qui pour son fils vn caillou presentoit  
 A ce vieillard, les appas de son ventre:  
 Dessous ses pieds se herissoit vn Antre,  
 Où Iupiter vnoit emmaillotté  
 Du lact divin de la chéure alaitté,  
 Craignant Saturne affamé de nature  
 Qui ses enfans deuore pour pasture.

Quand tout fut prest, ce Prince pour mieux voir  
 Son estranger, à table le fist seoir  
 Droit deuant luy, à costé de ses filles  
 Aux yeux armez d'amoureuses scintilles:  
 Puis selon l'ordre & l'âge & les honneurs,  
 Qui haut qui bas s'assirent les Seigneurs.  
 D'un cœur ioyeux ceste gaillarde bande  
 Mit promptement les mains à la viande,  
 Et festoyant le Troyen estranger,  
 Le conuoioient doucement à manger.

Incontinent que la soif fut esteinte,  
 Et de la faim\* l'auidité restreinte,  
 \*L'auidité) l'ardeur de manger. Je ne sachie  
 point de mot François plus propre, encores  
 qu'il soit mendié du Latin.

Ayant le Roy pour office divin  
 A Iupiter versé le dernier vin,  
 Dieu Xenien, qui, aux hostes preside,  
 La bande alors laissant la table vuide,  
 Se tint debout enuieuse d'aller  
 Apres souper d'ensuser & baller.  
 Vn bruit se fait : la gaillarde ieunesse  
 Prenant chacun la main de sa maistresse,  
 S'offre à danser : maint flambeau qui reluit  
 Du plancher d'or, veine l'ombre de la nuit !  
 Le vieil Terpin qui de fleur se couronne,  
 Son dos appuye au flanc d'une colonne  
 La Lyre au poing, Et joignant à la vois  
 Les nerfs fraptez par l'accord de ses doigts,  
 D'un plaisant son les invite à la danse :  
 Le pied certain trepigne à la cadance !

Dieu (disoit-il) qui tiens l'arc en la main,  
 Fils de Venus, hôte du sang humain,  
 Qui dans nos cœurs, tes royaumes, habites,  
 Qui çà qui là de tes ailes petites  
 Voles par tout iusqu'au fond de la mer,  
 Faisant d'amour les Dauphins allumer,  
 Dont l'aspre trait a feru la poitrine  
 Des Dieux là haut, là bas de Proserpine,  
 Pere germeux, genal, & qui fais  
 Comme il te plaist les guerres & la paix,  
 Démon Et Dieu nourricier de ce Monde,  
 Qui du Chaos la caverne profonde  
 Ouvris premier, & paroissant armé  
 De traits de feu, Planete fus nommé :  
 Double, jumeau, emplumé de vîstesse,  
 Porte-brandon, archer que la ieunesse

Au sang bouillant courtoise pour son Roy:  
 O grand Démon grand Prince, écoute moy,  
 Soit que tu sois au milieu de la bande  
 Des plus grans Dieux où ta fleche commande,  
 Soit qu'il te plaise habiter ton Paphos,  
 Soit que ton chef tu laues dans les flos  
 De la fontaine Erycine : ou que vuide  
 De tout souci, de tes vergiers de Gnide  
 Couuert de fleurs tu aymes la verdure,  
 Vien allumer nos cœurs de ton ardeur:  
 De ceste danse eschauffe le courage,  
 Brassant sous main quelque bon mariage.

Ainsi chantoit Terpin le bon vieillard:  
 Les balladins haussans le cri gaillard;  
 Les derniers vers du chantre recouperent,  
 Et de leurs voix les soliveaux frapperent:  
 Rien ne peut tant les soucis enchanter

Qu'un Menestrier appris à bien chanter!

De ces deux sœurs l'une auoit nom Hyante,  
 L'autre Clymene: Hyante estoit sçauante  
 En l'art Magiq<sup>ue</sup> mais Amour le plus fort,  
 Qui n'a soucy de charme ny de sort,  
 De toutes deux tenoit l'ame eschauffée,  
 Et de leurs cœurs auoit fait son trofée.

Tantost leur jouë en tremblant rougissoit,  
 Palle tantost, tantost se blanchissoit,  
 Et s'imprimant de meinte estrange tache,  
 Monstroit au front le mal que le cœur cache:  
 Iamais le front ne celle le souci

Du triste cœur que l'amour a transi.

Seul à l'escart appuyé contre un coin,  
 Venf de plaisir, plein d'angoisse, & de soin,

A sourci bas, à poitrine poussée  
 De longs sanglots, estoit le Roy Dicée:  
 Vn fleuve espais de ses yeux s'escoula:  
 François l'auiſe Et ainsi luy parla.

C'est à moy, Prince, à pleurer & à traire  
 Tant de sanglots à qui tout est contraire,  
 A qui la Mer, l'Air, la Terre, & les Cieux  
 Sont obstinez ennemis enuieux,  
 Qui m'ont trompé dessous belle apparence.

Il n'est rien pire aux mortels qu'esperance:  
 Mais toy Seigneur si sage & si prudent,  
 En biens, citez, Et peuples abundant,  
 Riche d'honneur, Et de terre fertile,  
 Riche de femme, Et de belle famille,  
 Ne deurois estre en ce point languoureux,  
 Ains les souſpirs laisser aux malheureux.

Dicé' respond, Las! si ie n'estois pere,  
 Hoste Troyen, ie serois sans misere:  
 Vn mien seul fils a causé mon tourment,  
 Et s'il te plaist ie te diray comment.

Dedans ceste Isle habite de fortune  
 Un fier Tyran, engeante de Neptune,  
 Horrible & grand, mais homme en cruauté  
 Tant soit cruel ne l'a point surmonté:  
 Il fait meurdrir tous ceux qu'il prend en guerre,  
 Ceux que la Mer iette contre sa terre,  
 Dessus l'autel de son pere, & de sang  
 Honnit le temple: il attache de rang  
 (Piteux regard!) pour parades aux festes  
 De ses portaux leurs miserables testés.

Le fer ne peut endommager sa peau:  
 Il rebondist comme fait un marteau

Dessus l'enclume : en vne seule place  
Pres le talon la Parque le menace.

Mille estoient morts par sa cruelle main,  
Quand moy touché d'un naturel humain  
Luy fis sçauoir que les bestes sauvages,  
Tigres Lions enuenez de rages,  
Qui sans raison viuent parmi les bois  
Gros animaux sans pitié ny sans lois  
S'entre-tuoient Et m'ageoient leur semblable:  
Mais l'homme né d'un esprit raisonnable,  
Enfant du Ciel ne doit faire mourir  
L'homme son frere, ainçois le secourir.

Ce grand Gean oyant ceste nouvelle,  
Enfla son fiel de colere cruelle,  
Et bouillonnant, escumant, & grondant,  
Sans m'ad'ertir de son courroux ardent,  
Vint de furie au pied de ma muraille  
Me desfier en plein camp de bataille.  
En telle peur soudain armer ie fis  
Mon ieune Orée (ainsi a nom mon fils)  
L'accompagnant de bien peu de gendarmes  
Mieux equippez de courage que d'armes.

Ce ieunecel à qui le blond coton  
Premiere fleur; sort encor du menton,  
Fort & hardi fit auancer sa trope,  
Et le premier assaillit le Cyclope.  
Le grand Phouère (helas! on nomme ainsi  
Ce fier Tyran aux playes endurci:)  
Mais pour-neant ce ieune enfant s'efforce:  
Car du Gean la monstrueuse force  
Le prist captif au beau milieu des siens,  
Puis attachant de vergongneux liens



Plus ces corps vifs, mais feinte de ces hommes,  
Qui bien armez Et prompts à tous hazards  
En tes vaisseaux tu choisis pour soldars,  
Sur qui les vents au sort de la tempeste  
Ont renuersé cent gouffres sur la teste:  
Nos corps flotans appastent les poissons,  
Nos esprits (las!) en cent mille façons  
Déprisonnez de l'humaine closture,  
Dessus les flots errent à l'auanture.

Fay nous au moins sur le bord de ces eaux  
Le triste apprest de quelques vains Tombeaux,  
En attendant que les mers poissonneuses  
Reposseront aux riuës sablonneuses  
De nos corps morts le vieil moule défait  
Pour leur bastir un sepulchre parfait.  
A tant s'enfuit la troupe naufragiere  
Ainsi qu'on voit une poudre legere  
S'esuanouir tournoyant & suinant  
Les tourbillons qui annoncent le vent.

Si tost que l'Aube à la face rosine  
Eut le Soleil tiré de l'eau marine,  
Francus s'esleue, & dressant maints gazons  
Fit des Tombeaux, funerales maisons:  
Puis respendant une fiole pleine  
De sang sacré en leur demeure vaine  
Haut appelloit les ames qui venoient,  
Et sur l'obsequë espaißes se tenoient  
Faisant tel bruit que font en leur nichée  
Les Arondeaux attendans la bechée,  
Gresles ainsi qu'on voit aux iours d'Esté  
Les Mouscherons voler sous la clairté.

Bien que vos corps (disoit Francus aux ames)

Ne soient enclos sous ces herbeuses lames,  
 En attendant un Tombeau plus certain,  
 Contentez-vous de cest office vain,  
 Et frequentez en longue patience  
 Ces logis pleins de nuit & de silence.

Esprits malins ne nous suivez jamais  
 Ou soit en guerre ou soit en temps de paix:  
 Ne nous troublez de peür ny de men songes,  
 N'effroyez point de fantaumes nos songes,  
 Ne nous donnez ny terreur ny soucy,  
 Et sans nous suivre arrestez vous icy.

Disant ces mots, plein d'un soin qui le presse,  
 Seul sur la riuë eslongné de la presse,  
 Poussant de cœür un long soupir amer  
 Prioit ainsi la fille de la Mer.

Enten ma voix Paphienne Erycine,  
 Si tu nasquis de l'escume marine,  
 Ne souffre plus que tes flots maternels  
 Me soient autheurs de tourmens eternels.  
 Alme Venus mets en ta fantasie  
 Le souuenir de ceste courtoisie  
 Dont l'oncle mien te preferant usa  
 Lors que la pomme à Pallas refusa,  
 Et à Iunon qui encores dolente  
 D'un tel refus en tous lieux me tourmente:  
 Et s'il est vray qu'autrefois as quitté  
 Le Ciel, palais des hauts Dieux habité,  
 Et les cités sous ton pouuoir gardées  
 Pour venir voir les montaignes Idées,  
 Prise d'amour d'un pasteur Phrygien,  
 Aye pitié du mesme sang Troyen.

Tu gardas bien Et Iason Et Theseë,

Cœurs desirieux d'affaire mal-aisée,  
Et s'ils n'auoient (les sauuant de peris)  
Tant fait pour toy que mon oncle Pâris:  
Comme eux se trace vne affaire bien haute,  
Et si se faux au Destin soit la faute,  
Et non à moy de rien ambitieux,  
Qui n'ay suuy que l'oracle des Dieux.

Priant ainsi, Venus la mariniere  
D'oreille prompte entendit sa priere:  
Elle vestit ses somptueux habits,  
Orna son chef flamboyant de rubis,  
Prist ses aneaux de subtile engraueure,  
Haussa le front, composa son alleure,  
Se parfuma, s'oignit, Et se laua:  
Puis vers Amour son cher mignon s'en-va.

L'enfant Amour escarté de la presse  
Des autres Dieux, sous vne treille espesse  
Dans le iardin de Iupiter estoit  
Où Ganymede aux eschets combattoit.  
Venus de loin commence à luy sou-rire,  
Flata sa iouë & ainsi luy va dire.

Mon fils, mon cœur, ma puissance, mon bien,  
Tu es mon tout, sans toy ie ne puis rien:  
Mais quand nos traits sont alliez ensemble,  
Il n'y a Dieu si puissant qui ne tremble:  
Laisse tout seul iouër ton compaignon,  
Embrasse moy, baise moy mon mignon,  
Pends à mon col: mon fils ie te pardonne  
Tous les tourmens que ta fleche me donne,  
Et de nouveau tous les maux infinis  
Que i'ay receu pour l'amour d'Adonis.  
Si de ton trait tu blesses la pensée

L'ame & le cœur des filles de Dicée  
 Pour Francion, Troyen digne d'avoir,  
 Tant il est beau faueur de ton pouuoir:  
 Je te don'ray pour te servir de page  
 Le leu mignard qui te ressemble d'âge,  
 Fin comme toy, de qui les petits dois  
 Tous enfantins porteront ton carquois,  
 Et ton bel arc qui le Monde conquëste:  
 Il sera tien si tu fais ma requeste.

Adonc Venus le mit en son giron,  
 Roses & Lis espanche à l'environ  
 De sa perruque, & l'endort en sa robe,  
 Puis finement de son fils se destrobe,  
 S'en-vole en Cypre, où d'encens Sabéens  
 Fument tousiours ses Autels † Paphéens.

† Pa-  
 pheés,  
 pour  
 Paphiées  
 licence  
 poëti-  
 que.

A-tant Amour du sommeil se secouë,  
 Ses blonds cheueux arrangea sur sa iouë,  
 Vne double aile à son dos attacha,  
 Son beau carquois pendillant décrocha  
 Du prochain myrte, il empoigne en la dextre  
 L'arc & des Dieux & des hommes le maistre;  
 Puis s'eslançant hors la porte des Cieux,  
 Petites mains, petits pieds, petits yeux,  
 Se rue en l'air: le Ciel, l'onde, & la terre  
 Luy font honneur: Zephyre qui desserre  
 Sa douce haleine odorante à l'entour,  
 Tout amoureux va conuoiant Amour.

Or cet enfant qui trompe la cervelle  
 Des plus rusés, prist semblance nouuelle,  
 Se herissant en la forme d'un Tan  
 (Fier animal) qui au tetour de l'an  
 Quand le Printemps rameine ses delices,

Parmi les prez fait moucher les genices:  
 Il se fit tel qu'on ne pouuoit le voir,  
 Corps inuisible, & puis alla s'assoir  
 Au haut sommet de la porte où Dicée  
 Superbe auoit sa demeure dressée.

Tandis Francus secoüant en la main  
 Vn ianelot à la pòincte d'airain,  
 Ayant au col sa targue à mainte houe,  
 Vers le Chasteau mena sa ieune troupe.  
 Venu la belle au departir des bords  
 Songneuse d'eux emmantela leurs corps  
 D'une nueuse & obscure couronne  
 Pour n'estre vus ny cogneus de personne.  
 Quand au Palais Francion arriva,  
 Loin de leurs corps l'air espais se creua,  
 Et leur figure est propre reuenue  
 Comme Astres clairs déuestus d'une nuë.

Ce iour Francus à merueille estoit beau,  
 Son ieune corps sembloit vn renouveau,  
 Lequel estend sa robe bien pourprée  
 Dessus les fleurs d'une gemmeuse préée:  
 La Grace estoit à l'entour de ses yeux,  
 De front, de taille, egal aux demy-dieux.

Deuant la porte estoit un long espace  
 D'une quarrée & spacieuse place,  
 Où la ieunesse aux armes s'esbatoit,  
 Piquoit cheuaux, voltigeoit, & lutoit,  
 Sautoit, couroit, defendoit la barriere:  
 Haut dans le Ciel en voloit la poussiere!  
 Les prochains bords à leurs cris respondoient!  
 Sur le portail d'un long ordre pendoient  
 De ses yeux les hardis tesmoignages:

Lances,

Lances, plastrons, morions & plumages,  
 Butins gaignez des ennemis vaincus,  
 Naufs, gallions, Et leurs espoirs becus,  
 Et des citez les portes arrachées

A grands crochets dans le mur attachées.

En ce-pendant que d'œil prompt Et ardent

Francus alloit le Palais regardant,

Frixes, festons, guilochis & ouales,

Dicée orné de dignitez royales

Accompagné de deux cens Iouuenceaux

D'âge pareil, aux montons damoiseaux,

Au doux accueil, d'une courtoise sorte

Vint caresser Francus outre la porte

Le bien-veignant, Et d'un visage humain

Le tient, l'embrasse, & luy serre la main.

Pres de ce Prince en robes solennelles

Estoit sa femme Et ses filles pucelles,

A qui suzeaux Et fil tout à la fois

Estoient de haste escoulez de leurs doigts,

Tant ell' auoient un chaud desir en l'ame

De voir Francus : mainte amoureuse flamme,

Qui de leurs yeux à passades voloit,

Gaignant le cœur dans le sang d'enaloit.

Tandis le Dieu qui les cœurs nous desrobe,

Laiissa la porte, & se mist sous la robe

De Francion : puis décochant deux traits,

L'un plein d'amours, de graces & d'attraits,

Qui doucement gaignent la fantasia,

Et l'autre plein d'ardante jalousie,

Tirez des yeux du Troyen les poussa,

Et leur raison à-demy renuersa,

Les tourmentant de penfers Et d'augures

*Auant-coueurs de leurs peines futures:*

*Puis en tirant Et sautelant, de là*

*Ce faux garçon dans le Ciel renola*

*Comme vn larron, qui subtil en finesse*

*Son larcin faict s'escole de la presse,*

*Puis quand il est par la troupe eschappé,*

*Se rit ioyeux du sot qu'il a trompé,*

*Tout prest encor de faire autre entreprise*

*S'il trouue ailleurs une aussi belle prise.*

*A-tant Francus entra dans le chasteau,*

*Son jaelot posa contre vn rateau*

*Où mainte pique en son long estendue*

*Contre le mur au croc estoit pendue.*

*En ce chasteau par bande frémissoi ent*

*Prompts seruiteurs dont les vns tapissoient*

*De tapis d'or les superbes murailles,*

*Longs arguments d'anciennes batailles:*

*Autres de rang sur la place apportoi ent*

*Tapis ouurez, les autres apprestoient*

*Les lits enflex de couuertes velües,*

*Autres dressoient les viandes esleües,*

*Autres chargeoi ent les hauts buffets dorez*

*De grans vaisseaux d'histoires decorez.*

*Sur vne esguiere en raboteuse trace*

*Des Corybans estoit peinte la race:*

*Comme Bryare en amour furieux,*

*Desesperé de sa Nymphe aux beaux yeux,*

*Alloit tout seul par mont & par bocage*

*Iettant vn cri comme vn Lion sauüage,*

*Et fantastique errant par les buissons*

*Changeoit son corps en cent mille facons,*

*Tant en amour forcenoit sa folie.*

Pour mieux iouyr de sa Cymopolie:  
 Mais à la fin se changeant en Serpent,  
 A dos rompu sur le ventre rampant,  
 La tinst serrée, & l'ayant embrassée,  
 D'elle conceut les ayeux de Dicée.  
 Sur un bassin Saturne estoit gravé,  
 En cheueux blancs de vieillesse agravé,  
 A la grand' faulx, qui auoit la machoire  
 Du sang des siens toute relente & noire:  
 Sa femme Rhée à l'autre bord estoit,  
 Qui pour son fils un caillou presentoit  
 A ce vieillard, les appas de son ventre:  
 Dessous ses pieds se herissoit un Autre,  
 Où Iupiter vintoit emmaillotté  
 Du laict divin de la chéure alaitté,  
 Craignant Saturne affamé de nature  
 Qui ses enfans deuore pour pasture.

Quand tout fut prest, ce Prince pour mieux voir  
 Son estranger, à table le fist seoir  
 Droit deuant luy, à costé de ses filles  
 Aux yeux armez d'amoureuses scintilles:  
 Puis selon l'ordre & l'âge & les honneurs,  
 Qui haut qui bas s'assirent les Scigneurs.  
 D'un cœur ioyeux ceste gaillarde bande  
 Mit promptement les mains à la viande,  
 Et festoyant le Troyen estranger,  
 Le conuoioient doucement à manger.

Incontinent que la soif fut esteinte,  
 Et de la faim\* l'avidité restreinte,  
 \*L'avidité) l'ardeur de manger. Je ne sache  
 point de mot François plus propre, encores  
 qu'il soit mendié du Latin.



Ayant le Roy pour office divin  
 A Iupiter versé le dernier vin,  
 Dieu Xenien, qui, aux hostes preside.  
 La bande alors laissant la table vuide,  
 Se tint debout ennuyeuse d'aller  
 Apres souper d'enser & baller.  
 Vn bruit se fait : la gaillarde ieunesse  
 Prenant chacun la main de sa maistresse,  
 S'offre à danser : maint flambeau qui reluit  
 Du plancher d'or, veinc l'ombre de la nuit !  
 Le vieil Terpin qui de fleur se couronne,  
 Son dos appuye au flanc d'une colonne  
 La Lyre au poing, & roignant à la vois  
 Les nerfs fraptez par l'accord de ses doigts,  
 D'un plaisant son les invite à la danse :  
 Le pied certain trepigne à la cadance !

Dieu (disoit-il) qui tiens l'arc en la main,  
 Fils de Venus, hôte du sang humain,  
 Qui dans nos cœurs, tes royaumes, habites,  
 Qui çà qui là de tes ailes petites  
 Voles par tout iusqu'au fond de la mer,  
 Faisant d'amour les Dauphins allumer,  
 Dont l'aspre trait a feru la poitrine  
 Des Dieux là haut, là bas de Proserpine,  
 Pere germeux, genial, & qui fas  
 Comme il te plaist les guerres & la paix,  
 Démon & Dieu nourricier de ce Monde,  
 Qui du Chaos la cauerne profonde  
 Ouvre premier, & paroissant armé  
 De traits de feu, Phariete sus nommé :  
 Double, juraqu, emplumé de vifesse,  
 Porte-brandon, archer que la ieunesse

Au sang bouillant courtoise pour son Roy:  
 O grand Démon, grand Prince, escoute moy,  
 Soit que tu sois au milieu de la bande  
 Des plus grans Dieux où ta fleche commande:  
 Soit qu'il te plaise habiter ton Paphos,  
 Soit que ton chef iu laues dans les flos  
 De la fontaine Erycine: ou que vuide  
 De tout souci, de tes vergiers de Gnide  
 Couuert de fleurs tu aymes la verdeur,  
 Vien allumer nos cœurs de ton ardeur:  
 De ceste danse esc hauffe le couraige,  
 Brassant sous main quelque bon mariage.

Ainsi chantoit Terpin le bon vieillard:  
 Les balladins haussans le cri gaillard,  
 Les derniers vers du chantre recouperent,  
 Et de leurs voix les soliveaux frapperent:  
 Rien ne peut tant les soucis enchanter  
 Qu'un Menestrier appris à bien chanter!

De ces deux sœurs l'une auoit nom Hyante,  
 L'autre Clymene: Hyante estoit sçauante  
 En l'art Magiq: mais Amour le plus fort,  
 Qui n'a souci de charme ny de sort,  
 De toutes deux tenoit l'ame eschauffée,  
 Et de leurs cœurs auoit fait son trofée.  
 Tantost leur jouë en tremblant rougissoit,  
 Palle tantost, tantost se blanchissoit,  
 Et s'imprimant de meinte estrange tache,  
 Monstroit au front le mal que le cœur cache.  
 Iamais le front ne celle le souci  
 Du triste cœur que l'amour a transi.

Seul à l'escart appuyé contre un coin,  
 Veuif de plaisir, plein d'angoisse, & de soim,

Dessus l'enclume : en vne seule place  
Pres le talon la Parque le menace.

Mille estoient morts par sa cruelle main,  
Quand moy touché d'un naturel humain  
Luy fis sçauoir que les bestes sauvages,  
Tigres Lions enuennimez de rages,  
Qui sans raison vivent parmi les bois  
Gros animaux sans pitié ny sans loix  
S'entre-tuoient Et m'ageoient leur semblable;  
Mais l'homme né d'un esprit raisonnable,  
Enfant du Ciel ne doit faire mourir  
L'homme son frere, ainçois le secourir.

Ce grand Gean oyant ceste nouvelle,  
Enfla son fiel de colere cruelle,  
Et bouillonnant, escumant, & grondant,  
Sans m'ad-ertir de son courroux ardent,  
Vint de furie au pied de ma muraille  
Me desfier en plein camp de bataille.  
En telle peur soudain armer ie fis  
Mon ieune Orée (ainsi a nom mon fils)  
L'accompagnant de bien peu de gendarmes  
Mieux equippez de courage que d'armes.

Ce iouuencel à qui le blond coton  
Premiere fleur; sort encor du menton,  
Fort & hardi fit auancer sa trope,  
Et le premier assaillit le Cyclope.  
Le grand Phouère (helas! on nomme ainsi  
Ce fier Tyran aux playes endurci.)  
Mais pour-neant ce ieune enfant s'efforce:  
Car du Gean la monstrueuse force  
Le prist captif au beau milieu des siens,  
Puis attachant de vergongneux liens

Sa troupe & luy de son baston les meine,  
Comme un pasteur ses moutons en la plaine.  
Depuis ce temps par un meurtre cruel  
De iour en iour a tué sur l'autel  
L'un des captifs pour offrande funeste:  
Ils sont tous morts : hâ, ie meurs! & ne reste  
Sinon mon fils qui sentira demain  
L'assassinat de sa brigande main.

Ainsi disoit versant sous sa paupiere  
De tiedes pleurs une large riuere,  
A gros sanglots entre-rompant sa voix:  
Lors que Francus le tige de nos Rois,  
Men de pitié le console & le flate,  
Et luy respond: l'aurois une ame ingrate,  
Fils d'un rocher, ou d'un tigre concen,  
Si mesurant le bien que i'ay receu  
De toy Seigneur à ma douleur extresme,  
Pour te sauuer ie ne t'offrois moy-mesme,  
Et ceste dextre, & ce glaine trenchant  
Asses poinct: pour punir un meschant.  
Fay moy, grand Prince, apprester sur la place  
Armes, cheuaux: ains que demain se passe  
Il cognoistra qu'un pere valeureux

A son malheur m'engendra vigoureux;  
Pour ne souffrir regner une malice.  
Sans que mon bras vangeur ne la punisse.

A-tant Francus à son parler mit fin,  
Puis l'eschançon ayant versé du vin  
A longs filets en l'honneur de Mercure,  
Estant la nuict & profonde & obscure,  
Ia les Trions commençans à pancher  
Chacun se leue & s'en-alla coucher.

Incontinent quel Aube iour-apporte  
 Du grand Olympe eut desbarré la porte,  
 Et le Solcil par les heures pressé  
 Eut son baudrier en biau retronssé  
 Traçant du Ciel la voye constumière,  
 Au chef coisé d'esclatante lumière,  
 Dacée enuoye au Gean un herault  
 Pour le sommer. La cholere en sursaule  
 Qui renflama sa rage naturelle,  
 N'eut pas loisir d'escouter la nouuelle:  
 Prompt de vistesse à la muraille alla,  
 Et sa partie au combat appella,  
 La lance au poing, le morrion en teste,  
 Qui bien cresté ressembloit la tempeste  
 Que Iupiter elance au mois d'Esté  
 Sur le sommet d'une iniuste cité.  
 Pour son destrier pressoit la forte échinee  
 D'une caualle: elle auoit la poitrine  
 Blanche & le front, le reste de la peau  
 Jusqu'à la queue estoit de poil moreau,  
 Qu'une Harpye en amour eschiansée  
 Conceut du vent dessus le mont Risée  
 Luy tout armé d'un sault brusque Et dispos  
 En le fluttant saulta dessus son dos:  
 Elle sentit la charge de son maistre.

\* Kisse ie croy que tu ne voudrois estre  
 Sous autre main, ny ne voudrois changer  
 Ton vray seigneur pour suivre un estranger.  
 \* Kisse ) Kisse estoit le nom de la caualle de  
 Phouere. Kisse en Grec signifie vne pie.

Long temps y a que ta race sans vice  
 Fait genereuse à la mienne sernice,

Mes bifaieux ont nourry tes ayeux.

Pour ce auioyrd'huy rends moy victorieux:

Va, vole, cours, la campagne pouldroye,

Que ce mignon deuienne nostre proye;

Pour attacher son morrion \* cloië,

Au haut du temple à mon pere voüë.

\* Cloië ) Les morrions des anciens auoient vn clou ou deux; ou trois d'or ou d'argent ou d'autre metal, sus le hault de la creste, lesquels estoient creux & cauez par dedans, où ils plâtoient leurs pânaches & panôceaux, faits le pl<sup>r</sup> souuët du poil de la queue d'un cheual, & quelquefois de la queue toute entiere. Tels pannaches ou plustost crinieres s'appelloient *ἰππερίδες*. tant pour l'ornement de l'armet, que pour donner fraieur aux ennemis. Le clou s'appelloit avec tout le hault du morrion *φάλος*. Le morrion qui en auoit trois, s'appelloit *τριφάλεα*.

Je doubleray, pour telle recompense.

En tes vieux ans ton soin & ta despense:

Seule au hault bout de te seray loger.

De mon estable, & par honneur manger,

Tousiours de fleurs la teste couronnée,

Si ton pied prompt, gaigne ceste iournée.

Parlant ainsi la caualle l'ouit:

Mais pour-neant son cœur s'en resioit:

Entrebatu du desir de la gloire

Et de l'espoir, d'emporter la victoire

Car Iupiter, de ses deux corps

En sa balance auoit poizé les Sors:

Cil de Francus s'estena d'une brassé,  
Et l'autre à bas pendit contre la place.

Son bon Daimon adonc l'abandonna,  
Et son mauvais en oyseau se tourna,  
En qui souuent se changent les Harpies,  
\* Chiens à Iuppin, sous son trosne accroupies,  
\* Chiens à Iuppin) Les Harpies & les Furies  
sont vne mesme chose, qu' Apollonius Rho-  
dien dict estre les mastins de Iupiter.  
Tousiours au guet pour punir les mortels  
Qui ont pollü son temple & ses autels.

Ce triste oyseau par un mauvais presage:  
Luy rebatoit des ailes le visage,  
Egraffignoit & picquottoit les mains.  
Orphne, les Dieux, & Orfraie, les humains  
Le vont nommant, qui d'une aile qui sonne  
De nuict en l'air les credules estonne.  
Tandis Phouère en fronçant le sourcil  
Moquoit Dicée & le brauoit ainsi.

Pour champion ta sottise m'appreste,  
Vieil radoté, la Phrygienne teste  
D'un louuenceau qui scauroit mieux ramer  
Comme un forçat qu'aux batailles s'armer.  
Pour le loyer d'une telle entreprise  
Tu-as ta fille à ce Troyen promise,  
A ce muguet qui fait chez toy du beau,  
Dont le doüaire est voisin du Tombeau.  
Encor dit-on que ce banni se vante  
Que le destin les Gaules luy presente,  
Voire & qu'il erre où le Ciel le conduit:  
Le pauvre fut des oracles seduit,

Qui ne sçait pas que sus les choses nées  
 Ne peuvent rien les vaines destinées!  
 Créte est sa Gaule, & mes braues fureurs  
 Seront le but de ses longues erreurs.

En moy ne soit la mort renouuellée  
 De mon ayeul le superbe\* Talée,

\*Ce conte est dedans le quatriesme liure  
 des Argonautes d'Apollonius Rhodius.

Qu'une Medée en sauuant des dangers  
 Je ne sçay quels pirates estrangers,  
 Enforcela d'un magique murmure.

Des vains Destins de Francus te n'ay cure:

Tels sots abus ne me viennent piper:

Le fer tranchant ne me scauroit couper,

Ny Iupiter tuer de son tonnerre:

S'il regne au Ciel ie regne en ceste terre.

De tels propos comme il s'alloit brauant,

A large pas Francus vint au deuant:

Ie suis celuy que ton orgueil messprise:

Ieune Troyen, aulseur de l'entreprise,

Qui te veux faire auant le soir sentir

A ton malheur que pent vn repentir.

Approcha donc, vien essayer la dextre

De ce Troyen destiné pour ton maistre:

Quoy que tu sois au combat dangereux,

Si seras-tu, Phouère, bien-heureux

D'aller victime à l'onde Acherontide

Tué des mains d'un si ieune Hectoride.

Il dist ainsi: Le \*Gean d'autre part

Le mesuroit d'un terrible regard

\*Gean) Il prend icy Gean pour vn homme  
 grand & d'ample corpulence.



Le desdaignant , comme fait en sa voye  
 Vn grand Lion vne petite proye,  
 Ne le voyant de corps massif ny fort,  
 Ny de visage ou d'effroyable port,  
 Ny d'un semblant qui braue se fait craindre,  
 Ains d'un poil blond qui cōmençoit à poudre,  
 De gresle taille, & d'œil serain & beau,  
 De main douillette & de mignonne peau,  
 Et d'un regard qui les Graces surmonte:  
 Il eut le front tout allumé de honte,  
 Retint la bride & le tançoit ainsi:

Jeune garçon, on ne combat ici  
 Pour remporter à sa mere la gloire  
 D'un verd laurier: le prix de la victoire  
 N'est ny Trepied, ny Chéual, ny Escu,  
 Mais bien la vie Et le sang du veincu,  
 Et la cernelle en la place espendue,  
 Les os semez & la teste pendue,  
 Pour estonner par si horrible effroy  
 Ceux qui voudroient combattre contre moy.  
 Puis qu'il te plaist d'une braue escriture  
 Et d'un beau tiltre orner ta sepulture,  
 Vien au combat, tu n'auras à desdain  
 Quand tu mourras d'une si forte main.

Tandis Francus qui le combat desire,  
 Songneux dés l'aube auoit de sa Nauire  
 Fait apporter le harnois que vestoit  
 Troïle à Troye alors qu'il combattoit  
 Contre Pelide, imitant la vaillance  
 Du bon Hector & non pas la puissance:  
 Que pour present Helénin luy donna  
 Le iour qu'an vent sa voile abandonna,

Et le pria pour eterne memoire  
De le garder bien cher en son armoire.

Quand le Troyen au combat animé.

De teste en pied fut seurement armé,

Le bon Diçée en secret le conseille,

Et loin à part luy s'acoute en l'oreille.

Si de fortune, hôte Troyen, les Cieux:

De ce meschant te font victorieux,

Et qu'à tes pieds tu l'abates à terre,

Tranche luy tost la veine qui luy serre.

Le mol talon: de telle veine sort.

Non d'autre lieu la cause de sa mort.

Tandis là haut Iupiter qui ordonne

Les faicts humains, la victoire te donne:

Bien que desia soit filé par Clothon

Qui de vous deux doit aller chez Pluton.

Ces Champions enflamez de colere

Ici Francus, de l'autre part Phouère,

Tous deux de garbe Et de courage grans,

Donnans l'esprit aux cheuaux par les flancs,

D'un masle cœur au combat s'eslancerent,

Et leurs harnois rudement enfoncerent:

Du coup donné le riuage trembla,

La mer fremit, l'arene se troubla.

Et par esclats les lances acérées

Furent toucher les voûtes etherées.

Tant fut leur bras vigoureux & nerueux,

Que sur la croupe en arriere tous deux

Comme arcs voûtez longuement se courberent,

Et leurs cheuaux sur les genoux tomberent

Comme Beliers qui vont s'entre-choquant:

Puis jusqu'au sang leurs destriers repiquant,

*Haussant la bride en fin les releuerent,  
 \* Et de la main leurs coutelas trouuerent  
 Bien aiguisez, qui de l'arçon pendoyent,  
 Et de leur trenche vn acier pourfendoient.*

*\* L'auteur arme ces deux Cheualiers à la  
 mode de nos gendarmes François, la lāce en la  
 main, la coutelace ou la mace à l'arçon, & l'es-  
 pée au costé.*

*Dessous le fer siflant comme tempeste  
 Ores leur ioüe, ores sonnoit leur teste,  
 Ores la temple: vn coup qui l'autre suit,  
 Gresle menu descendoit d'un grand bruit;  
 Comme les fleaux qui resonnent en l'aire,  
 Frappans les dons de nostre antique mere.*

*Du bon Troyen le cheual fut adroit,  
 Qui sans frayeur tournoit en tout endroit:  
 Et la cauale en crainte estoit frappée  
 Oyant l'effroy du siflant de l'espee.  
 L'un ressembloit à ce flot. \* dixenier;  
 Boufi de vents, horreur du marinier;*

*\* Dixenier. Les Latins l'appellent Vnda decu-  
 mana: c'est la dixiesme vague, la plus horrible:  
 & dangereuse de toutes.*

*Qui d'un grand branle en menaçant se vire:  
 Impetueux sur le bord du Naure:*

*L'autre sembloit au bon Pilote expert,  
 Qui plus d'esprit que de force se sert,*

*Ores la prouë ores la poupe il tourne,  
 Et vigilant en vn lieu ne sejourne,*

*Ains adionstant l'experience à l'ars  
 D'un œil prudent uite le hazard.*

*Ce fier Tyran enorgueilli d'audace,  
 Qui de Francus la ieunesse menace,*

Se roidissant sur les estriers frappa.  
Le fin armet du Troyen qu'il coupa.  
Deux doigts auant, & l'estonna de sorte  
Que le tomber d'une enclume bien forte  
Seroit leger, au prix de ce coup là  
Qui des arçons chancelant l'esbranla.  
Car il fut tel que la grand' contelace  
Bendant l'armet alla dessus la place  
En maint esclat de flammes allumé,  
Laisant le poing du Tyran desarmé:  
Qui maugreant, tournoit au ciel la veüe:  
De voir sa main au besoin despourueüe:  
Et toutesfois Francus il regardoit,  
Et sans bouger riant le brocardeoit.  
Lors la palleur qui s'enfante de crainte,  
Des regardans auoit la face peinte,  
Et le sang froid qui au cœur s'assembla,  
Fit que Dicée en soupirant trembla.  
Mais tout ainsi qu'on voit deux colombelles  
Ercmir de peur & trembloter des ailes  
Sous l'esperuier aux ongles bien trenchans,  
Qui loing du nid s'en-voloient par les champs,  
Trouuer de l'orge & des graines, pour paistres  
Leurs doux enfans qui ne font que de naistre:  
Ainsi trembloit en l'estomac le cœur  
Des ieunes sœurs tout effroyé de peur,  
Qu'amour bruloit d'une vique flameche,  
Et en leur sang tequoit teinte sa fleche.  
En ce-pendant Francus eut le loisir  
De se resoudre, & de sçauoir choisir  
L'endroit certain pour auoir sa reuanche.  
Ore il se hausse & ores il se panche

De toutes parts d'un œil prompt & ardent  
Le corps massif du Geau regardant  
Pour à son hôte en remporter la teste,  
Et se brauer d'une telle conquête.  
Pource au combat prontement retourna  
Et de la poincte en poussant luy donna  
Contre la gorge, où la boucle ferree  
Du gorgeron laschement fut serree,  
Et my-pasné sur l'arçon l'abbatit.  
Le sang caillé de sa gorge sortit  
Méslé d'escume & de bave gluante,  
Infectant l'air d'une haleine puante.

De mille corps martelez sur l'armet  
Le pommeau cheut, le coutelas se met  
En cent morceaux reluisans sur la place,  
Comme au Soleil les morceaux d'une glace.  
Lors de cheval s'empoignent corps à corps,  
Et s'embrassans à bras courbes & tors  
Se sont tirez d'une si forte serre,  
Que l'un sur l'autre à bas trebuché à terre  
Entre-accrochez une fureur les suit:  
Dessus le dos leurs harnois font un bruit.  
Aussi soudain que la terre presserent,  
Fiers au combat tous deux se redresserent  
Front contre front, si bien qu'à toutes mains,  
A vuides coups, à coups fermes & pleins,  
De poincte, taille, & de revers ruerent,  
Et en cent lieux leurs mailles déclouèrent.

Iamais Mauors dispenseur des Lauriers  
Ne vit le pair de si vaillans guerriers.  
En fin matter de sueur & de peine,  
En haletant vont ramassant l'haleine.

De l'estomac que les poulmons pouffoient,  
 Et toutesfois ils se remenassoient  
 Chants de cholere, & d'une ardeur ferine  
 Qui bouillonnoit au creux de leur poëtrine.  
 O gloire humaine, est-il rien qu'un bon cœur  
 N'endure, à fin de se faire vainqueur!

Lors desgainant leurs flambantes espées  
 Qui descendoient à ceintures houpées  
 Le long des flancs en des fourreaux brodez,  
 Se sont encore au combat hazardez,  
 Comme Toreaux (quand la saison nouvelle  
 Les appetits de Venus renouvelle)  
 Se vont tuant & naurant pour l'amour:  
 La ieune troupe est muette à l'entour  
 Qui les regarde, ignorant qui doit estre  
 D'un tel Duel le vainqueur & le maistre.

Francus voyant que le iour luy faillloit,  
 Et que sa main pour neant trauailloit:  
 Comme un Gersaut qui de roideur se laisse  
 Caler à bas ouurant la nuë espaisse  
 Dessus un Cygne amusé sur le bord:  
 Ainsi doublant effort dessus effort,  
 D'un corps ployé s'eslança de rudesse,  
 Adionstant l'art avecques la prouësse.

Sous luy se rue & de pres l'approcha:  
 Le gauche main à son col accrocha,  
 Et de la dextre en-contre bas le tire:  
 Il le soulene, il le tourne, il le vire,  
 Le chioque, heurte, & d'un bras estendu  
 Le tient en l'air longuement suspendu:  
 Puis du genou les iambes luy trauerse,  
 Et de biaux le vire à la renuerse.

Phouère imprime en tombant de son long  
Le mol sablon: comme bronche le tronc  
D'un Chesne oracle és forests de Dodonne,  
Quand un torrent, ou la gorge qui sonne  
Du vent l'abat de maint soufle bruant.  
Quittant leurs nids les oiseaux en criant  
Volent autour courrouceez qu'on leur oste  
Le verd logis de leur ancien hôte.

Ainsi tomba Phouère tout à plat,  
Faisant un bruit aussi haut que l'esclat  
Qui rompt la nuë, & du son des tempestes  
Fait peur aux cœurs des hommes & des bestes.

De bras nerveux, & d'ongles bien crochus  
Cent fois essaye à se remettre sus,  
Se debatant, mais en vain il s'efforce:  
Car du Troyen la vigoureuse force  
Tient le genou comme victorieux  
Sur l'estomac, le poignard sur les yeux.  
Trois quatre fois de toute sa puissance  
L'auoit frappé, quand il eut souuenance  
Que le trespas de ce cruel selon  
Estoit enclos aux veines du talon:  
Pource il se tourne, & promptement assene  
L'endroit certain où tressailloit la veine:  
Du fer poignant coup sur coup la chercha,  
Et veine & vis ensemble luy trancha.

Le sang qui sort d'une rouge secousse,  
Bien loin du corps rendit la terre rousse  
A longs filets: ainsi que d'un conduit  
S'eschappe l'eau qui iallissant se suit,  
Et d'une longue & filante rousée  
Baigne la terre à l'entour arrosée;

Ainsi le sang bouillonnant s'en-alla,  
 Et par le sang son ame s'esconla,  
 D'horreur, de rage, & de chagrin suivie,  
 De perdre ainsi la jeunesse Et la vie:

Ce corps tout froid & affreux se vordit:  
 Comme un glaçon l'estomac luy froidit,  
 Et de ses yeux l'une & l'autre prunelle  
 Ferma son iour d'une nuit éternelle,  
 N'estant plus rien de Phouère, sinon  
 Qu'un tronc bronché sans face ny sans nom.

A-tant Dice d'une face royense  
 Vint saluer la main victorieuse,  
 Baisa Francis, le couronna de fleurs:  
 Tu-as (disoit) effacé mes douleurs  
 Vray heritier de la gloire Hectorée,  
 Tuant Phouère, & sauvant mon Orée:  
 Le bon Démon qui de nous a souci,  
 Pour mon support t'avoit conduit ici,  
 Noble Troyen de proïesse l'exemple,  
 En corps mortel digne d'avoir un temple,  
 Et comme Hercule adoré des humains,  
 Tant a d'honneur la force de tes mains.

Comme il chantoit cet Hynne de victoire,  
 Voici la nuit à la courtine noire  
 Qui vint aux yeux le sommeil espancher:  
 Le bal fini chacun s'alla coucher.

Fin du second livre.





ARGVMENT DV TROI-  
SIESME LIVRE, PAR  
Amadis Iamin.

**C**E liure contient les amours  
d'Hyâte & de Clymene. ly-  
mene, au commencement par  
grand artifice, & par belles &  
comme iustes remonstrances  
s'efforce d'arracher l'affectiō  
amoureuse du cœur d'Hyante sa sœur, afin  
que toute seule elle puisse iouyr de l'ainour  
du Prince Troyen. Ces deux sœurs vont au  
Temple pour sacrifier aux Dieux, afin qu'ils  
destournent toute maligne affectiō de leurs  
esprits. Le fils d'Hector va sur le riuage de la  
Mer, où il adresse sa priere à Apollon Leu-  
cothoé fille de Protée luy prophetise ses for-  
tunes à venir, & Dicée offre au Seigneur  
Troyen sa fille Hyante en mariage, lequel le  
remercie, s'excusant sur le Destin. Orée fils du  
Roy immole vn hecatombe aux Dieux. Ter-  
pin chante vn Hymne à la Deesse Victoire.  
Venus changée en la vieille prestresse, la quel-  
le seruoit au Tēple de la Deesse Hecate, viēt  
sur le cheuet d'Hyante, & enuironne tout le  
liēt de sa ceinture pleine d'estrange vertu.  
Frācus celebre les funerailles d'vn Capitaine

son cher amy. Clymene furieuse, par le cōseil de sa nourrice, tasche de flechir Francion par vne lettre amoureuse. Cybele trāsformée en Turniē compaignō de Francus, l'admoneste de courtirer Hyante, pour apprendre & sçauoir d'elle les Roys, lesquels doiuent sortir de son sang. Tous les Roys de ce temps là, les Pontifes & Sacerdotes se mesloient d'expiations, purgations, & lustrations, & de la Magie, c'est à dire, de la science ignorée du vulgaire, qui gist en la cognoissance des astres, & des herbes, gommès, fleurs, racines & fruiçts, paroles, murmures & caracteres, que nous appellons incantations magiciēnes. La mesme Deesse s'en-vole apres en l'Antie de la Ialousie. La Ialousie infecte de son venin la poitrine de Clymene. En fin Clymene poursuivant son faux Demon transformé en la figure d'un sanglier, s'eslance dedans le goufre de la Mer. Les Dieux en font vne Deesse marine.





# LE TROISIÈME

## LIVRE DE LA

### Franciade.

**L'**Humide nuit qui de son voile en-  
ferme  
L'œil & le soing de l'homme qu'elle  
cherme  
Par les liens du sommeil oublieux,

Bouschoit par tout l'ouverture des yeux,  
Mais non des Sœurs toute nuit esueillées  
De trop d'amour en l'ame travaillées.

Adonc Hyante à sa sœur parle ainsi:

D'où vient ma sœur, que ie suis en souci,

Que ma raison a perdu inapissance,

Que mon penser d'un autre prend naissance,

Que ie m'oublie & qu'un nouvel esmoy

Me trouble toute & m'en-vole de moy?

Sans s'arrester mon esprit est volage:

De ce Troyen tousiours le beau visage

Raue en luy pensue me retient:

Tousiours au cœur me recourt & revient

De son combat la prouesse guerriere,

Qui l'accompagne en sa barbe première.

Pere des Dieux, quelle aimable vertu!

Quel port il a! comme il s'est combattu

Pour le secours de nostre frere unique!  
 Il est vrayment de la race Heroique!  
 Sa main, sa taille, & son cœur genereux  
 Monstrent assez qu'il est du sang des Preux.

Si j'estois mienne, Et si j'auoy fiance  
 Aux estrangers, ie ferois alliance  
 Par mariage à ce vaillant Troyen.

Plustost l'esclat du foudre l'ouien  
 Tombé menu la teste me foudroye,  
 Plustost la terre en se creuant m'enuoye  
 Sous les enfers ma demeure choisir,  
 Que mon honneur soit trompé d'un plaisir,  
 Que volontaire ainsi \* ie me marie  
 Sans le congé de ceux qui m'ont nourrie.

\* ainsi) c'est ce que les Grecs disent, & autres  
 les Latins, temere.

A-tant se tent: le cœur luy est failli,  
 Comme ruisseau les larmes ont failli  
 De ses beaux yeux presages de sa peine,  
 Quand d'autre part luy respondit Cymene,  
 Qui moins n'ardoit de secrette langueur  
 Pour le Troyen qui luy bruloit le cœur.  
 Mais plus que l'autre elle estoit auisée,  
 Qui ne vouloit vne amour diuisée,  
 Ains vouloit seule en propre affection  
 Dame iouyr du cœur de Francion:

Pource en mentant par un grand artifice  
 Luy conseilla que l'amour estoit vice:  
 Ainsi son mal par fraude elle cacha,  
 Et l'inconstance à sa sœur reprocha.

Où sont, ma sœur, ces responses hautaines  
 Que tu rendois à tant de Capitaines,

Que

Que Crete riche & pompeuse d'honneurs  
 Guerriere alaictte entre ses gouuerneurs,  
 Qui travaillex d'une amoureuse flamme  
 Tous à l'enmi te courtiſoient pour femme?  
 Quoy? brauement d'un courage endurci  
 Ne deſdaignois ces maris, mais auſſi  
 Tu meſpriſois les hommes dont l'audace  
 Eſt trop cruelle encontre noſtre race.  
 Quoy? diſois-tu : comme un ſuperbe Roy  
 L'homme contraint les femmes à ſa loy:  
 Non ſeulement les eſtime inutiles  
 A gouuerner les Sceptres & les villes:  
 Mais ſans nul tiltre & ſans point commander  
 Les fait filer, les laines eſcarder,  
 Ourdir, & condre, & de paroles braues  
 En ſon ſoyer les tance comme eſilanes.  
 Où ſont ces mots? où eſt ce cœur ſi hant?  
 A ton beſoin le courage te faut,  
 Qui maintenant à la premiere veuë  
 D'un eſtranger as l'ame toute eſineuë,  
 Et veux ton nom ſans raiſon diſſamer  
 Pour un pirate, un corſaire de mer,  
 Qui va cherchant par les ondes ſa proye  
 Sous faux-ſemblant de reſaire vne Troye:  
 Et par amour eſpianſ la ſaiſon  
 De desbaucher les filles de maiſon,  
 Au premier uent loin d'amis les emmene  
 Pour les laiſſer ſur quelque froide arene:  
 Car eſtant ſoul de ſon premier plaiſir,  
 Et ne voulant que changer & choiſir,  
 Les abandonne, & ſans tenir promeſſe  
 Marche fuitif où l'orage le preſſe.

Pour consulter à l'oracle des Dieux  
 Sur la santé de leur mal ennuyeux:  
 Ou s'ils vouloient d'une main favorable  
 Guérir leur playe aux hommes incurable,  
 Ou s'ils vouloient mespriser sans secours  
 Leurs passions diuerses en amours,  
 Et sans espoir entretenir leurs flammes.

De toutes parts une suite de Dames  
 Les entournoit: elles marchotent d'un train  
 Tel qu'Artemis Déesse au large sein,  
 A qui la trouffe & le bel arc ensemble  
 Chargent le dos lors que sa feste assemble  
 Un grand monceau de Nymphes en un rond,  
 Elle en dansant, d'espaules & de front  
 Paroist plus haute au milieu de sa troupe,  
 Menant le bal sur la pineuse croupe  
 Du mont Targete, ou sur l'esmail d'un pré  
 Du fleuve Eurote à son frere sacré.

Or ces deux sœurs malades & peu sages  
 Dedans le temple au deuant des images  
 Des puissans Dieux tristes se pourmenotent:  
 Orès les yeux ficez elles tenoient  
 Sur la victime, & courbes & béantes  
 Prenotent conseil des entrailles tremblantes,  
 Or les gesiers deconpez regardoient,  
 Et l'aduenir aux deuins demandoient.  
 Hâ pauvres sœurs pauvres sœurs insensées!  
 Ny pleurs, ny vœux, ny offrandes laissées,  
 Ny tournoyer des autels à l'entour  
 Ne guarit point le mal que fait Amour!

La belle Hyante auoit en sa main blanche  
 Un vase d'or plein de vin qu'elle espanche

Droict au milieu des cornes & du front  
 De la victime : & Clymene qui tond  
 Le poil sacré de la beste, le iette  
 Dedans le feu : Comme ce poil craquette,  
 Ce disoit-elle, Et brule tout en soy,  
 Ainsi Francus puisse bruler de moy.  
 Mais pour-neant ces deux sœurs amusées  
 Prioient au temple en leurs vœux abusées:  
 Les Dieux malins leurs sousspirs n'escoutoient,  
 Ains sans effect les vents les emportoient.

Adonc Francus que le souci resueille,  
 S'estoit leué deuant l'Aube vermeille:  
 Du cuir pelu d'un Lion se vestit:  
 Le dard au poing de la chambre sortit  
 A front baissé. Vandois, d'où vint la race  
 Des Vandomois, le suiuoit à la trace.  
 Lors se laissant en larmes consumer,  
 S'alla planter sur le bord de la Mer:  
 Et iettant l'œil sur les eaux Ægeennes,  
 Pront regardoit si les barques Troyennes  
 Venoient à bord : puis voyant le vaisseau  
 Qui le portoit \*échoüé dessus l'eau  
 Demi-couuert de fulaix & de bourbe,  
 Les yeux au Ciel sur le riuage courbe  
 Poussant du cœur maints sanglots en auant,  
 Parloit ainsi aux ondes & au vent.

\*Mot de  
 marinier.

Heureux trois fois les hommes que la terre  
 En son giron, mere commune, enferme  
 D'un eternel & paisible sommeil:  
 Si comme nous ils n'ont part au Soleil,  
 Ils n'ont aussi le soin qui nous martire,  
 Ny le desir de grandeur ny d'empire.

Ce piquant soin dont le desir me suit,  
 Me fait chercher la Gaule qui me fuit,  
 Terre estrangere, & qui ne veut m'attendre,  
 Que du seul nom i'ay prise sans la prendre.

Je suis (se croy) la maudission des Dieux,  
 Sans demeurance errant de lieux en lieux,  
 De flot en flot, de naufrage en naufrage,  
 Ayant le vent & la mer en partage,  
 Comme un plongeon qui en toute saison  
 A seulement les vagues pour maison,  
 Des flots salez il prend sa nourriture,  
 Puis vn sablon luy sert de sepulture.

Donne Apollon, maistresse Deité,  
 De ceux qui vont bastir vne Cité  
 Quelque bon signe, à fin que tu m'ottroyes  
 Des murs certains apres si longues voyes.  
 Si ie ne puis les Gaules conquerir,  
 Sans plus errer puissè ie ici mourir  
 Enueloppé d'une horrible tempeste:  
 Aux Dieux marins victime soit ma teste  
 Pour sacrifice agreable à la mort,  
 D'un peu de sable en-tombe sur ce bort.

Il dist ainfi, quand hors des flots humides  
 Sortit le Chœur des cinquante Phorcydes,  
 Et tout le sein de Glaucque & Melicert,  
 Et Palémon à l'habillement verd,  
 Le vieil Triton à la perruque bleüe,  
 Homme d'enhaut & poisson par la queüe,  
 Tenant és mains pour Sceptres leurs Tridens,  
 Poussent la nef de Francus au dedans  
 Du prochain port : la nauire poussée  
 Ayant la prouë & la poupe froissée



*Alloit \*mehaigne: ainsi que le Serpent  
 Qui sur le ventre à peine va rampant,  
 \*mehaigne ) mehaigne, perclus, ce que les  
 Grecs appellent *αμπος*. Nos critiques se mo-  
 queront de ce vieil mot François: mais il les  
 faut laisser caqueter. Au contraire, je suis d'o-  
 pinion que nous devons retenir les vieux vo-  
 cables significatifs, iusques à tant que l'vsa-  
 ge en aura forgé d'autres nouveaux en leur  
 place.*

*Quand un passant du coup d'une housfine  
 Luy entre-rompt les ressorts de l'eschine,  
 Plus dessus plus en cent ondes retors  
 Retraîne, tire, & retourne son corps:  
 Il sifle aigu, l'escume enfle sa ionë,  
 Et comme il pent, se reprend & renouë.  
 Mais pour-neant: car son dos est perclus.  
 Ainsi rampoit la barque de François.*

*Hors du troupeau bien loin s'est escartée  
 Lencothoë la fille de Protée,  
 A qui Phebus amoureux d'elle avoit  
 Donné l'esprit qui le futur sçavoit.  
 Ses longs cheveux erroient sur la marine:  
 Haute à fleur d'onde esleua sa poitrine:  
 Puis regardant le Troyen tout transi,  
 De luy s'approche, & le console ainsi.*

*Enfant royal, qui dois donner naissance  
 „ A tant de Rois, la seule patience  
 „ Rompt la fortune, & mal ne peut s'offrir  
 „ Qui ne soit doux quand on le veut souffrir.  
 „ Sois couragex: toute rude aventure  
 „ Par trait de temps est douce s'on l'endure:*

Pour endurer Hercule se fit Dieu.  
 Tu planteras ta muraille au milieu  
 Des bras de Seine, où la Gaule fertile  
 Te doit donner une isle pour ta ville,  
 Gaule abondante en peuples redoutez,  
 Peuples guerriers, aux armes indontez,  
 Que telle terre & plantureuse & belle  
 Riche nourrit d'une grasse mammelle.

Or puis qu'Amour te veut favoriser,  
 Son beau secours tu ne dois mépriser:  
 Va courtoiser la iouvenelle Hyante  
 Fille du roy, qu'Hecté la puissante  
 A fait prestresse en son temple sacré.  
 Amour qui fait toute chose à son gré,  
 La maistrisant a nauré son courage  
 D'un poignant trait tiré de ton visage.  
 Par sa magie elle peut attirer  
 La Lune en bas, le Ciel faire virer  
 A reculons, & des fleuves les courses  
 Encontrer, mont rebrousser à leurs sources:  
 Elle commande aux fantômes des morts,  
 Et aux esprits qui cherchent nouveaux corps.

Estant au cœur de ton amour gaignée,  
 Te fera voir ta future lignée,  
 Et quelques Rois qui sortiront de toy  
 Forts à la guerre & prudents à la loy,  
 Qui d'un long ordre en extreme puissance  
 Tiendront un iour le beau Sceptre de Francoi.

Mais ce-pendant que tu pleures en vain  
 Rongeant ton cœur d'un genereux desdain  
 Sur ceste rive escumeuse & deserte,  
 Ah malheureux ! tu as fait une perte.

D'un cher ami qui tousiours te suiuoit:  
 Dedans son cœur le tien mesme vinoit  
 Seur compagnon de ta fortune amere.  
 Las ! il n'est plus : Innon par sa colere  
 L'a fait mourir d'estrange mort, à fin  
 Qu'elle empeschast le cours de ton destin:  
 Mais elle en vain se roüille de rancune.

» La Destinée est plus que la Fortune!  
 Comme il vouloit vn Sanglier assaillir,  
 A veu sa main, & son espiou faillir:  
 Le fier Sanglier de sa desense en l'aine  
 L'a nauré mort estendu sur la pteine.

Va d'un pied viste & le fais enterrer:  
 Son libre esprit ne laisse plus errer.  
 Autour du corps sans auoir sepulture,  
 Qu'il ne te soit vn malheureux angurs.  
 Dessous ta main tout le Mende il eust mis,  
 Si la Déesse enuiense eust permis.  
 Qu'il eust en Gaule ordonné ton armée:

» L'homme n'est rien qu'une vaine fumée!  
 A-tant la Nymphe en parlant deuala  
 Son chef sous l'eau : l'onde qui çà qui là.  
 Flot dessus flot en se ridant gremelle,  
 D'un long tortis l'engloutit dessous elle.

Tandis Dicé que le soin ticnt rauï,  
 De Francion le pas auoit suïui:  
 Deux grans léuiers yssus de bonne race.  
 (Fidele guet) le suiuoient à la trace,  
 En l'abordant d'un visage adouci,  
 Luy prist la dextre & le salue ainsi.

Prince Troyen, dont la vertu premiere  
 De pere tien efface la lumiere,

Quand mon pais en deux ie partirois,  
 Et d'une part honoré ie t'aurois,  
 L'autre moitié se diroit redenable  
 A ta vertu qui n'a point de semblable.  
 Tu as sauue mon enfant du danger:  
 Seul tu as peu du Tyran me vanger,  
 Monstre cruel, engeance de malice,  
 Mocqueur des Dieux, mespriseur de iustice,  
 Qui m'ahontant de toute indignité,  
 De son harnois estonnoit ma cité.

Je t'offrirois en lieu de ta proïesse  
 Vn grand amas de pompeuse richesse,  
 Bagues, lingots, coupes d'or, & vaisseaux:  
 Mais tu ne veux, ô fleur des louuenceaux,  
 Ta vertu vendre à si presle despense:  
 Le seul honneur te plaist pour recompense.

Le seul honneur en l'antique saison:  
 Assist Thesée, Hercules & Iason  
 Dedans le Ciel, & ie t'ose promettre  
 Que ta proïesse encores te doit mettre  
 Nouvelle estoile aupres de tes yeux  
 Que la vertu enrolle entre les Dieux.

Pource estranger, la richesse mesprise,  
 Ne roüille point ton cœur de conuoitise,  
 Et comme Prince aux armes bien appris,  
 De tes labours loüange soit le prix.

Entre les biens que Fortune labile  
 M'a concedez, i'ay vne chere fille,  
 Qui de beauté ne fait place à Venus,  
 Dont ja les ans accomplis sont venus,  
 Qu'elle doit estre en fleur d'âge menée:  
 Dessous la loy du nopcier Hymenée.

*Si son printemps ne te vient à desdain,  
Ioins par serment ta main dedans sa main,  
Et de vous deux alliance se face.*

*De tel accord pourra naistre vne race  
Grande en honneurs, de ceste terre Rois,  
D'où tes ayeux sont issus autrefois:  
Car si on croit à nostre vieille annale,  
Crete de Tethre est la terre natale.*

*Ainsi Dicée en le tentant luy dit,  
Quand Francion luy contre-respondit.*

*Prince Cretois, qui à bon droit te vantes  
D'estre sorti de ces vieux Corybantes,  
Qui par la loy, ame de la cité,  
Gardoient leur Sceptre en tranquille unité:  
Puis qu'il t'a plu sagement me semondre,  
En peu de mots il me faut te respondre..*

*Un souvenir viura tousiours en moy  
Pour tant de biens que i'ay receus de toy,  
Qui pauvre & nud le iouët du naufrage,  
Ne m'as permis seulement ton riuage,  
Mais assurant ma fortune & mon cours,  
M'as présenté ta fille & ton secours.*

*Or si i'auois puissance sur ma vie,  
Si du Destin elle n'estoit rauie,  
Et si i'estois porté de mon plaisir,  
Je ne voudrois ton royaume choisir:  
Mais au contraire impatient de ioye  
I'irois chercher encor ma vieille Troye,  
Et me plairoit entre les vieux Tombeaux  
De mes ayeux bastir des murs nouveaux,  
Et r'habiter la cendre de mes peres:  
Mais les Destins auteurs de mes miseres*

Contre mon gré me trainent & me font  
 Enfoncer l'œil & abaisser le front,  
 Et sans gronder souffrir à bouche close  
 Tous les malheurs que le Ciel me propose;  
 Donne sans plus à ce Prince Troyen  
 Des charpentiers, du bois, & le moyen  
 De rebastir une Flotte nouvelle  
 Pour retenter la fortune cruelle,  
 Par qui ie suis maugré moy surmonté,  
 Manque de force & non de volonté.

Il dist ainsi: Dicée qui prend garde  
 A son maintien, tout estonné regarde  
 D'yeux & d'esprit ce Troyen qui parloit;  
 Et l'admirant pour gendre le vouloit.

Comme ils disoient, voici venir Orée,  
 Qui pour pomper la victoire honorée,  
 Et pour aux Dieux s'acquiter de ses vœux,  
 Dedans ses parcs auoit choisi cent bœufs  
 Au large front, agreables offrandes,  
 Entiers & sains, victimes les plus grandes:  
 Et pres la ville en un bocage saint  
 Manoir des Dieux religieux & craint,  
 Les amena (on dit qu'en ceste place  
 Minos parloit à l'upin face à face;  
 Quand il prenoit les loix de ce grand Dieu:))  
 Il mit de rang les cent bœufs au milieu  
 Du verd bocage, & de gaxons redresse  
 A la Victoire un autel d'allegresse.

Puis d'un pied libre errant en diuers lieux  
 A musoit son esprit & ses yeux  
 A regarder s'il verroit d'auanture  
 Quelque grand arbre esgayé de verdure.

Non gueres loin sur le tertre prochain  
 Vit à l'escart vn Chesne au large sein,  
 Aux larges bras, dont les branches jüeillues  
 D'un chef superbe alloient iusques aux nues.  
 De ses rameaux tout le Chesne esbrancha,  
 Et sur la cyme en trophée attacha  
 Du mort Gean les armes despoüllées,  
 Cuijsots brassars grëues de sang mouillées,  
 (Car le Tyran auoit accoustumé  
 Pour ornement d'aller tousiours armé  
 Non par besoin) puis l'effroyable creste  
 Du metrion gardien de la teste.

Deuant l'autel les bœufs il assomma:  
 Le sang qui sort à gros bouillons fuma.  
 Sous le couteau qui fendoit leur poitrine:  
 L'un la peau rude arrache de l'eschine,  
 L'un les estrippe, & l'autre peu à peu  
 D'une estincelle allumoit vn grand feu:  
 Dedans le Ciel en voloit la fumée!  
 Quand par le feu l'humeur fut consumée  
 De la chair crue, vn chacun s'approcha,  
 Et pour manger sur l'herbe se coucha:  
 Le vin se verse, & l'eschemuse coupe  
 De main en main tournoye par la troupe.  
 Que de bon cœur s'iuuant, receuoient,  
 Et la moustache en la tasse lauoient.

De la cité les Dames honorables  
 Sortans dehors en robes venerables,  
 Et serenant le Ciel de leurs regars,  
 Les mains ensemble à petits bonds gaillars.  
 Menoient le bal: Torsin qui les deuance,  
 Tout le premier mejsuroit la cadance,

Chantant cet Hymne, Et mariant sa voix  
Au Luth poussé du trembler de ses doits.

Fille du Ciel invincible Victoire,  
Dont les habits sont pourfilez de gloire,  
D'honneur, de pompe, & dont le front guerrier  
Est illustré de palme & de laurier:

Qui devant toy fais broncher les murailles,  
Qui pends douteuse au milieu des batailles,  
Qui tout le monde estonnes de ton bruit,  
Que la loy craint, que la justice suit,  
Quand le Renom aux ailes emplumées  
Seme par tout l'effroy de tes armées,  
Et quand chacun en tressaillant de peur  
Attend suspens qui sera le vainqueur.

Haine & Discord à la robe rompue,  
Et des soldars la reigle corrompue,  
Et le mespris des grands Dieux immortels.  
Suiuent ton Char: ce neantmoins tu es  
Mère des Rois, des Sceptres, & des villes:  
Tu fais germer les campagnes fertiles,  
Et foisonner les contaux de raisins,  
Rempart des tiens, crainte de tes voisins.

Deuant ton Char que la Crainte environne,  
Marche Mauors, marche sa sœur Bellonne,  
Et la lennesse au sang bouillant & chant,  
Et le Peril à qui le conseil faut.

Sans ton secours Mars ne sçauroit rien faire,  
Des fiers Tirans tu fus seule aduersaire,  
Lors que ta mère un harnois te donna:  
Pource l'upin d'honneur la couronna,  
Et ne voulut par promesse asscurée  
Que de formais son cas fust parjurée.



Escoute moy vieille race des Dieux,  
 Que Styx conceut à son bord odieux,  
 Horrible sœur des Fureurs immortelles:  
 En la faueur de Francus romps tes ailes,  
 Sois luy compagne, & loins de tout meschef  
 Pren-le en ta garde Et luy pends sur le chef.

Il dist ainsi: la ioyense assemblée  
 Ainsqu'au Ciel la chanson redoublée:  
 Puis reprenant la tasse tour à tour  
 Remplirent l'air d'allegresse & d'amour.

Finis les vœux qu'on rendoit à Victoire,  
 Voicy Venus à la paupiere noire,  
 Qui du haut Ciel precipitant la nuit,  
 Vint des deux sœurs enuironner le lit.  
 Elle se change en la vieille prestresse  
 Qui sous-ministre auoit de la Déesse  
 Autels & temple en venerable soin:  
 Tousiours au guet elle escoutoit de loins  
 L'abboy des chiens qui d'Hecate cornue  
 Aux carrefours annonçoient la venue,  
 Quand à trois fronts affreuse elle arriuoit:  
 Dedans son temple où l'horreur la suiuoit.

En se couchant sur le cheuet d'Hyante  
 Luy dist ainsi: D'un Chesne d'Erymante  
 Ou d'un rocher le rempart de la mer,  
 Daignes-tu bien ta poitrine enfermer?  
 As-tu succé des ourses la mammelle?  
 As-tu le cueur d'une louue cruelle,  
 Cueur sans amour, sans grace, ny mercy?  
 Qui du Troyen n'as pitié ny soucy,  
 Pauvre Troyen qui a laissé sa terre,  
 Non comme il dut pour les Gaules conquérir,

Mais tout rauy du bruit de ta beauté  
 A de la mer veincu la cruauté  
 Pour voir ta face; & s'il estoit possible;  
 Se iomdre à toy d'un lien inuincible:  
 Et tousiours fiere de son ennuy  
 Tu vois sa playe Et te moques de luy.

Disant ainsi, de sa belle ceinture  
 Du liêt d'Hyante encerna la closture.  
 Ceste ceinture estrangement pouuoit,  
 Que la Nature en se iouant auoit  
 De sa main propre à filets d'or tissue:  
 Et d'elle en don Venus l'auoit receue,  
 Quand le boiteux Lemnien tant osa  
 Quo pour sa femme au Ciel il l'espousa;  
 Dont est sorty tout l'estre de ce Monde:  
 Tout ce qui nouë au plus profond de l'onde,  
 Ceux qui d'un aile en l'air se font un train,  
 Tout ce qui paist la terre au large sein,  
 Tant animal cazanier & sauuage  
 Fut enfanté de ce grand mariage.

Quand la ceinture eut versé sa vertu  
 Dessus le lit, le feu qui n'auoit eu  
 Entier effect au cœur des Damoiselles,  
 Se r'enforça de larges estincelles,  
 Chaudes au cœur, où le sang bouillonnoit  
 Par le desir qui les aiguillonnoit.

Incontinent que la belle iournée  
 Chassant la nuit au Ciel fut retournée,  
 Le bon Troyen sousspirant sans confort  
 Feit apprester les obseques du mort.  
 Il se fraploit de regret la poitrine,  
 Se souuenant que la Nymphe marine

L'auoit enioint de soudain enterrer  
 Son cher amy, & ne laisser errer  
 Dessus le corps l'esprit à l'auanture,  
 Qu'il ne seruist de malheureux augure,  
 » L'esprit humain qui son hoste a laissé,  
 » N'est pas heureux si Styx il n'a passé:  
 » L'honneur du corps dont la vie est cassée,  
 » Est & l'obsequé, & la terre amassée  
 » Sur le Tombeau qui finit les douleurs,  
 » Et des amis les regrets & les pleurs.

Premierement on explane vne place  
 Large en quarre de cent aulnes d'espace,  
 Où au milieu on assemble vn bucher,  
 Puis sur la cyme vn lit pour le coucher.  
 Par les forests d'une pouble traite  
 Va haut & bas mainte large charrette,  
 Qui gemissant sous le faix, apportoit  
 Le bois coupé que le fer abatoit:  
 Avec les coins le Chesne bon à fendre  
 Trebuche icy: on laisse là descendre  
 Avec grand bruit de la cyme des monts:  
 Trambles Ormeaux, & Tils aux larges frôtes:  
 Le Sapin tombe, & le Pin plus utile  
 Pour veoir la mer: puis on dresse vne pile  
 Haute de bon nourrisson des forests.  
 Tous les costez sont parez de Cyprés,  
 Le bas de Tede, & d'Erable le festé:  
 Dedans le Ciel le bucher a la teste!

Sur ceste pile au plus hant du sommet  
 Plein de parfums en larmoyant on met:  
 Le corps du mort, office charitable!  
 Tout ce qu'il eut en sa vie agreable.

Y fut ietté sa rame & son escu,  
Outils de l'art dont il auoit vescu.

Francus qui tient vne torche fumeuse,  
Boute le feu : la flameche gommense  
D'un pied tortu rampant à petit saut  
En se suiuant s'en-vole iusqu'au haut :  
Le bois craquette, & la pile allumée  
Tomba sous elle en cendres consumée,  
Le vent soufflant du soir iusqu'au matin.

Incontinent le vieil prestre Mystin,  
Qui du corps mort soigneux auoit la garde,  
Laua la braise & la cendre boiuarde,  
Choisit les os, & les enferme au sein  
(Sacré repos) d'un vase fait d'airain :  
Puis arroussa par grand' ceremonie  
D'une sainte eau trois fois la compagnie :  
Les derniers mots de l'obsequ' acheua,  
A-tant se tint, & le peuple s'en-va.

Francus qui veut sous les ombres descendre,  
Tond ses cheueux, les iette sur la cendre  
Du trespassé cent fois la rebaisant :  
Cher compagnon, pren de moy ce present,  
Triste tesmoin de ma fatale perte.  
Puis à plein poing la cruche il a couverte  
De ses cheueux qu'il auoit autrefois  
Vouez au Dieu qui baigne les François,  
Au Dieu de Seine, & aux Nymphes compaignes  
Qui de Paris\* arrosent les campagnes.

\*Il est permis aux Dieux, aux morts, aux Pô-  
tifes, aux Deuins, & aux Poëtes en leur fu-  
reur, de préuoir l'aduenir, & les noms qui ne  
sont encores imposez aux choses. Voyez les.

Commentaires de Virgile, au sixiesme, sur ce  
passage, *Portusque require velinos.*

Tandis les sœurs d'un regard tout ravy  
Iettoient les yeux & le cœur à l'envy  
Sur ce Troyen, dont les larmes jetées  
Auoient beaucoup les graces augmentées.  
Bref le voyant si charitable & fort,  
Plus que deuant Amour gaigna le fort  
De leur raison par les Sens renuersée,  
D'un trait nouueau rebleffant leur pensée:  
Mais plus Clymene ardent il retouchoit,  
D'autant que plus sa flame elle touchoit.

De toute chose elle perd la memoire;  
Son esprit plein d'une tristesse noire,  
L'effaroucha d'imaginations,  
Troublant son sang d'estranges passions.  
D'un feu couuert elle esconle ses peines  
Aux nerfs aux os aux muscles, & aux veines,  
Et dans le foyé, où la playe se fait  
Grande en douleur, quand Amour de son trait  
Blesse un amant: si que depuis la plante  
Iusqu'à la nuque, un soucy la tourmente,  
Poinct, frappe, bat. Elle qui sent parmy  
Ses propres os loger son ennemy,  
Pense & repense Et discourt en sa teste:  
Son penser vole & iamais ne s'arreste,  
Deçà delà virant & tournoyant.

Comme l'esclair du Soleil flamboyant  
Qui rebat l'onde, à lumiere eslancée,  
Dans le giron d'une cuue, versée:  
Ce prompt esclair ore bas ores haut  
Par la maison santelle de maint saut,

Et bond sur bond aux folineaux ondoie  
Pirouëtant d'une incertaine voye,  
Ioyeux de voir ses longs rayons espars  
De place en place errer de toutes pars.  
Ainsi discourt sans arrest de pensée  
De trop d'amour la pucelle offensée:  
Sur maint penser maint autre redoubla,  
Mais cestuy-cy le meilleur luy sembla:  
Ce fut de prendre une chambre segrette,  
Et loin à part pleurer toute seulette.

Dessus un coffre à bouche se coucha:  
Puis quand Phebus en la mer se cacha,  
Se iette au lit: le sommeil qui la presse,  
Fit pour un temps à son mal prendre cesse,  
Mais pour-neant: car le songe trompeur  
Entre-meslant l'esperance en la peur  
Vint l'effroyer, comme il a de coustume  
D'effroyer ceux de qui la playe fume  
Dessous le cœur, quand le mal chaleureux  
Par le sang traine un ulcere amoureux.

Elle songeoit plaine d'amour extresme  
Entre-dormant, que Francus de soy-mesme  
Auoit pris bord en Crète pour oser  
Prier son pere afin de l'espouser,  
Et que la dextre en la dextre ayant mise  
De l'estrançer, la luy auoit promise:  
Que par courroux desdit il s'en estoit:  
Que le Troyen pour elle combattoit  
A toute force, & que tout bouillant d'ire  
La trainoit sècle en sa creuse Nauire  
Bien loin de Crète en la profonde mer,  
Et que son pere ardent faisoit armer.

Mille vaisseaux afin de la poursuiure,  
Et le larron ne laisser ainsi viure:  
Que le riuage estoit remply de feus,  
D'armes, de nauz, & de peuples esmeus,  
Faisant grand bruit, & ce bruit la resueille.

Or comme Amour traistrement la conseille,  
Deuant le iour hors du liēt se leua,  
Et par sa chambre à tastons elle va  
Touchant les murs d'une main incertaine,  
Et r'amassa son esprit à grand'peine,  
Que le sommeil du corps luy destacha:  
Puis de rechef au liēt se recoucha,  
D'amour, de peine, & de rage frappée,  
Où de rechef le songe l'a trompée.

Tousiours au cœur Francus luy reuenoit,  
Et le maintien qu'en parlant il tenoit,  
Quel geste il eut, quel port, & quelle face,  
Et quelle fut sa douceur & sa grace,  
Quelle sa robe, & quel fut son parler,  
Ses doux regards, sa taille, & son aller,  
Son menton crespé, & sa perruque blonde:  
Elle pensoit qu'il n'y eust Prince au Monde  
Pareil à luy: tousiours sa douce vois,  
Ses doux propos & ses deuis courtois,  
Comme pasmée & pleine de merueille,  
Coup dessus coup luy refrappoient l'oreille.

Aucunesfois elle songeoit errer  
Par les deserts, & seule s'esgarer  
Entre rochers, riuieres, & bocages  
Sans compagnie entre bestes sauuages,  
Et que Francus amoureux estrangier  
Le fer au poing la sauuoit du danger.

Sautant du liât elle s'est resueillée:  
 Nuds pieds, sans robe, affreuse, eschevelée,  
 Puis s'acondant à la reigle d'un banc,  
 Mille souspirs repoussa de son flanc.

Pauvrette moy ! comme toute esmayée  
 M'ont ceste nuit les songes effrayée !  
 L'ame m'en tremble, & le cœur m'en debat:  
 Crainte & amour me font un grand combat.  
 Certes ie suis toute autre devenue  
 Que ie n'estois : ie crain que la venue  
 De ce Troyen ne m'apporte malheur  
 Autant qu'il fait en songes de douleur !  
 T'ousiours i'y pense ! heureuse & plus qu'heureuse  
 Si forcenant ie n'estois amoureuse,  
 Et si i'amaïs pour euter la mort  
 Le fils d'Hector n'eust touché nostre bort.

Comme au Printemps on voit une genice  
 Qui n'a le col courbé sous le service,  
 Les crins espars courir parmy les champs,  
 A qui le Tan aux aiguillons tranchans  
 Pique la peau & la pousse en furie:  
 Ny les ruisseaux hostes de la prairie,  
 Forest, ny fleurs, bocage, ny rocher  
 Ne la scauroient engarder de moucher  
 De toutes parts vagabonde & courante:  
 Ainsi Clymene en son esprit errante  
 Court & recourt sans voir i'amaïs osté  
 L'importun trait qui naure son costé.

Que dois-ie faire ? où iray-ie ? dit elle.  
 Pour me guarir personne ne m'appelle !  
 Je meurs sans aide, Et si ie ne veux pas  
 Que sœur ny frere entende mon trespas.



Faut-il qu'en pleurs ie distille ma vie?  
Que de ma sœur ainsi ie me desfie  
Qui seule fut mon conseil autrefois,  
Qui m'aimoit seule, Et que seule i'aimois?  
Helas faut-il que mon mal ie luy conte!  
Et quoy Clymene auras-tu point de honte  
De confesser qu'Amour soit ton vainqueur,  
Que tu voulois luy arracher du cœur,  
Quand l'autre iour par vn fin artifice  
Tu luy prouuois que l'amour estoit vice?  
Il ne m'en chant, elle aura son retour,  
La parenté doit surmonter l'amour:  
Et si elle est de Francus amoureuse,  
Me fera lieu me voyant langoureuse.  
Pauvre abuzée! hé ne sçais-tu pas bien  
Que les parens desrobent nostre bien?  
Et que pour eux entier ils le desirent,  
Ioyeux au cœur quand les autres sousspirent?  
Ce n'est qu'un sang de ma sœur & de moy,  
Elle prendra pitié de mon esmoy!  
» Foy ny pitié ne regnent plus en terre,  
» Et le parent au parent fait la guerre!  
Las! que feray-ie? il vaut mieux la tenter:  
L'homme est guarry qui peut se lamenter.  
Il n'y a beste aux forests tant soit fiere,  
Qui ne soit douce aux pleurs d'une priere:  
Helas on dit en proverbe souuent,  
» Priere Et pleurs se perdent comme vent!  
Vray, si lon prie vne ame inexorable:  
Mais ma sœur est & douce Et pitoyable:  
Au pis aller ie ne sçauois sentir  
En l'essayant que honte Et repentir.

En la façon qu'elle estoit habillée  
 Nuds pieds, sans robe, affreuse, eschevelée,  
 Delibera contre le mal d'amours  
 De voir sa sœur & demander secours.  
 Elle courut comme son pied la porte,  
 Mais aussi tost qu'elle fut à la porte  
 Se recula : comme le pelerin  
 Qui de fortune a trouvé par chemin  
 Vn long Serpent dont la hideuse trace  
 Donne frayeur à nostre humaine race,  
 Et fait mourir les fleurs de son cracher:  
 Il se recule & n'ose en approcher.

Ainsi tourna la pucelle en arriere:  
 Dessus la langue elle avoit la priere,  
 La larme à l'œil, le soucy sur le front,  
 Dedans l'esprit vn pensément profond,  
 Et maint sanglot se crevoit en sa bouche,  
 Quand la fureur qui la touche & retouche,  
 Et qui ses pas alloit tousiours suivant,  
 Fit avancer ses iambes en avant,  
 Et derechef la honte les recule,  
 Honte la gele, & le desir la brule.  
 Trois fois Amour la voulut faire entrer,  
 Honte trois fois vint ses pieds rencontrer,  
 Trois fois reuint & trois fois s'en retourne:  
 Son pas douteux qui maintenant sejourne,  
 Maintenant va, comme Amour le séduit,  
 Porté d'ardeur derechef la conduit,  
 Et derechef la honte la repousse.

Ce Dieu qui bat d'une forte secousse  
 Son cœur douteux, si bien la fournoya,  
 Que dans la chambre en fin la conuoya

Pleurant en vain : comme vne fiancée  
 Qui dès long temps a donné sa pensée  
 A son amant, qui premier qu'appaiser  
 Sa flamme est mort avant quel'espouser,  
 Elle de dueil *Et* d'amour allumée  
 Lamente seule en sa chambre enfermée  
 D'un cry muet : à bouche close ainsi  
 Pleuroit Clymene, *Et* cachoit son souci.

Pour raconter sa douleur qui n'a trêve,  
 Ores au bout de sa langue s'esleue  
 La voix poussée, *Et* aux lèvres luy pend,  
 Ores tombée aux poumons redescend  
 Sans nul effect : car le son qui ne touche  
 Langue ny dent, ne desserroit sa bouche:  
 Ainsi qu'on voit les fantômes de nuit  
 † Béer en songe, *Et* ne faire aucun bruit.

† Béer ) ouvrir la bouche sans parler. *inceptus*  
*clamor frustratur hiantes.*

Or comme Amour en fureur l'importune,  
 Sans declarer à sa sœur sa fortune  
 Seule en sa chambre en haste s'en re-va,  
 Où de longs pleurs sa poitrine l'ava.  
 A ses souspirs la bride elle destache,  
 Rompt ses habits, ses cheveux elle arrache,  
 Esgratignée, *Et* d'un esprit transi  
 Penseoit douteuse *Et* repensoit ainsi.

Que dois-ie faire ? hélas en quelle peine  
 Me tient Amour ! hâ chetive Clymene  
 Tu vis sans vie, *Et* folle tu n'as soin  
 (Cruelle à toy) de toy-mesme au besoin !  
 Las ! puis qu'Amour ta part ne favorise,  
 Par la fureur conduy ton entreprise.

*Quand*

„ Quand la fortune en se iouant nous pert,  
„ Le desespoir en lieu de raison sert.  
Dois-ie prier vn homme qui peut estre  
Ne sçait mon mal ? si ie luy fay parestre,  
Il trahiroit mon amour sans guerdon.  
Il est yssu du Roy Laomedon  
Prince sans foy, & luy prendroit à gloire  
De me tromper, & en feroit victoire.  
Dois-ie me plaindre Et ma sœur retenter ?  
Cela feroit son ardeur augmenter.  
Car ie sçay bien (Amour m'a fait sçauante)  
Que Francion est amoureux d'Hyante,  
Et que ma sœur ce Troyen aime mieux  
Que son cœur propre & le iour de ses yeux:  
Ie n'en sçay rien, seulement ie m'en doute:  
„ L'amant douteux toute parole esoute.  
Dois-ie par dol me vengeant controuuer  
Qu'en le couurant ma sœur laisse couuer  
Vn feu peu chaste & le dire à mon frere ?  
En le disant il me seroit contraire:  
Pour vn soupçon ne voudroit vn discord  
Contre celuy qui l'a saué de mort.  
Ie souffre trop sans donner cognoissance  
De mon travail : la seule patience  
„ Est le remede: vn feu souuentefois  
„ Meurt de son gré quand il n'a plus de bois:  
Pen sers & pleurs apprestent la matiere  
A mon brazier : il faut que toute entiere  
En liberté ie me redonne à moy:  
Vn amoureux sur luy n'a point de loy!  
Plus fil à fil ses lieux il desjerre,  
Et plus Amour à la chaine l'enferre.

A tous venans diray-ie mon malheur?

„ Dire son mal allége la douleur.

Non: ny mon sang, mon honneur ny ma race

Ne veulent point que fable ie me face,

Et que chacun d'un cœur dissimulant

Flatte mon mal, & puis en s'en allant

Me deshonoré, & tantant sa famille

Par mon malheur face sage sa fille.

Pour le meilleur, Clymene, il faut mourir,

Et par la mort ton amour secourir.

Comme en son cœur elle pensoit la sorte

De se tuer, ou d'une sangle forte

Pendre son col au bout d'un foliveau,

Ou se percer l'estomach d'un couteau,

Ou s'estoufer au plus profond des ondes,

Ou s'en-aller par les forests profondes,

Par les deserts de rochers enfermez

Servir de proye aux Lions affamez:

Vne poison luy sembla la meilleure

Pour destacher son ame tout à l'heure

Loin de son corps, Et/ du corps le souci.

D'un pesant pas Et/ d'un pesant souci

Melancholique; en passions outrée,

Elle est pleurante au cabinet entrée,

Où tout le bien que plus cher elle auoit,

D'un soin de femme en garde reseruoit.

Sur ses genoux elle mist une quesse,

Puis mist la clef en la serrure espesse,

La clef tourna, la serrure s'ouvrit.

Là, choisissant entre mille elle prit

Vne poison qu'on dit que Promethée

A de son sang autrefois enfantée,

Quand le Vantour tout herissé de fain  
 A coups de bec luy deschiroit le sein:  
 Rouge est sa fleur, sa feuille vn peu noirastre,  
 Que la sorcière Et la fausse marastre  
 Sçauent cueillir de leurs ongles tranchans,  
 Disant dessus des mots qui sont meschans:  
 Et n'est poison qui si prompte deliure  
 Loïn de son ame vn corps fasché de viure.

Quand elle vit telle forte poison,  
 S'esuanouyt de langue pamoison,  
 Roüant les yeux, Et horriblant la face,  
 Et de ses pieds trepigna sur la place:  
 Vn spasme auoit tous ses nerfs estendus,  
 Elle cria : ses cris sont entendus  
 De sa nourrice, à qui de son enfance  
 Elle portoit honneur Et reuerence.

Or de fortune à l'huis elle escontoit:  
 Car la pucelle vn peu deuant s'estoit  
 A sa nourrice en segret descouuerte.  
 Ceste nourrice en doute de sa perte,  
 Tonsiours en peur de sa fille viuoit,  
 Et pas à pas soigneuse la suiuoit.  
 D'un coup de pied la porte elle a poussée,  
 Puis en voyant la pucelle pressée  
 Des traits de mort, d'un parler redouté  
 Luy a l'esper dans le cœur rebouté  
 La conseillant: O Princesse bien-née,  
 En quel malheur ta vie as-tu toumée?  
 Suy la raison: le Destin ne peut rien  
 Sur l'homme auteur de son mal Et son bien.  
 Je ne dy pas que le Sort n'ait puissance  
 Sur tout cela qui çà bas prend naissance.

Mais on le peut corriger par conseil,  
Et à la playe apposer l'appareil:  
Chacun y sert à soy-mesme de guide,  
Amour ressemble au Scorpion homicide,  
Qui blesse, & puis à l'ulcere qu'il fait  
Luy-mesme sert de remede parfait.

D'un cœur hardy fay ton malheur entendre  
Au beau Troyen bien facile à surprendre,  
Et qui de race à l'amour est appris,  
Comme neveu de l'amoureux Paris,  
Juge courtois, qui vuidant la querelle  
Donna la pomme à Venus la plus belle.  
Tous ses ayeux grands Princes genereux  
Furent iadis des beaultez amoureux,  
Troë, Dardan, & le beau Ganymede.  
Contre l'amour on trouue assez remede,  
Quand la raison se veut esuertuer,  
Et non ainsi laschement se tuer.

» Robbes, maisons, & bagues bien ouvrées  
» A force d'or sont tousiours recourées:  
» Par la fortune on perd le bien mondain,  
» Par elle mesme on le r'acquiert soudain,  
» Mais nos thresors ne rachetent la vie  
» Quand vne fois la Parque l'a ranie.  
Quand elle dort en vn Tombeau reclus,  
C'est fait, les Sœurs ne la resillent plus:  
Donq sans descendre en l'abyssme profonde  
Demeure vsue hostesse de ce Monde.  
Tu es Clymene, encore en ton printemps  
Tu n'as d'amour senty les passetemps  
Ny les plaisirs du chaste mariage.  
Garde toy donq pour vn meillieur usage:

Tente Francus & fay luy par escrit  
Sçauoir le mal qui lime ton esprit.

De tels propos la fille elle admoneste.  
Prompte au conseil la pucelle fut preste:  
Trois fois la plume elle prist en ses dois,  
Et de la main luy tomba par trois fois:  
Trois fois elle eut la bouche ouuerte & close,  
Puis soupirant ceste lettre compose,  
Et la voulut de tels mots ordonner.

Salut à toy qui me le peux donner:  
L'auengle Archer m'a tellement blessée  
De ton amour le cœur & la pensée,  
Que ie mourray si guérir tu ne veux  
D'un prompt secours le mal dont ie me deffay  
Ce Dieu m'a faict en ce papier t'escrire  
Ce que l'honneur me desendoit de dire,  
Et j'ay ma bouche ouuerte mille fois,  
Mais la vergongne a reserré ma vois.

A cet escrit vaeilles donques permettre  
Ta blanche main: l'ennemy list la lettre  
De l'ennemy, la mienne vient d'aimer.  
Qui de pitié te deuroit enflamer.  
Ie ne vy plus tant mon ame affollée  
Laisant mon corps en la tienne est allée:  
Ie suis perdue, & ne me puis trouuer:  
J'ay beau les sorts des sorciers esprouuer,  
Rien ne me sert ny herbe ny racine:  
Tu es mon mal, tu es ma medecine,  
Tu es mon Roy, de toy seul ie depens,  
Ie meurs pour toy & si ne m'en repens.

Aye pitié d'une fille amoureuse:  
La volupté sur toutes doucereuse



C'est en amour cueillir la prime fleur,  
Non un bouton qui n'a plus de couleur.  
Tu me diras que ie suis indiscrete  
Comme nourrie en ceste isle de Crète,  
Où Iupiter de tant d'amours espris  
Le premier laiçt de sa nourrice a pris.  
Certes ce n'est ma terre ny ma race  
Qui me contraint, c'est seulement ta face,  
Et ta ieunesse, & ton œil nompareil.  
Malheureux est qui ne voit le Soleil  
Quand il esclaire, Et son œil tourne arriere  
Pour ne iouryr de si belle lumiere!  
Ie ne crains point comme les Dames font,  
De m'appeller femme d'un vagabond,  
Pauvre fuitif qui n'a maison ny Troye:  
Il ne m'en chaut te suiuant, que ie soye,  
Pourueu qu'il plaise à ton cœur de m'aimer,  
Soit que tu vueille' espouse me nommer,  
Soit ton esclau, & deussé- ie amüsée  
Tourner ton fil autour d'une fusée.  
Labeurs presens & futurs ie refoy,  
Pourueu, Troyen, que ie puisse estre à toy.  
Ie ne craindray tes perilleux voyages,  
Terres ny Mer, tempestes ny orages:  
Ou si j'ay peur, de toy seul j'auray peur,  
Et non de moy, de qui tu es le cœur.  
Si ie peris, au moins en ta presence  
Ie periray: où ta cruelle absence  
(Si tu ne veux pour tiennne m'acquérir)  
Cent fois le iour me tu'ra sans mourir.  
De tels vers fut son Epistre acheuée,  
Puis la seclla d'une Agathe engrauiée:

La mit au sein de la nourrice, & lors  
 Vne sueur iussela de son corps:  
 Avec la lettre encor' luy bailla l'ame  
 Pour luy porter & my-morte se pâme.

Tandis Cybelle auoit changé de peau,  
 Et transformé son vieil corps en un beau,  
 Prenant la face & la voix & la taille  
 De Turnien (qui depuis la muraille  
 Bastit de Tours, & la ville fonda)  
 Lors de tels mots Francion aborda.

Iusques à quand sans Poir de louange  
 Nous tiendras-tu dessus ce bord estrange  
 Acagnardez en paresseux seiour,  
 A boire à rire à demener l'amour?  
 A perdre en vain nos iours par les bocages  
 Suivant les Cerfs & les bestes sauvages?  
 Que ne fais-tu (sans le temps consommer)  
 Ce que t'a dit la Nymphé de la Mer?  
 Courtise Hyane, afin qu'elle te face  
 Voir ces grands Rois qui viendront de ta race:  
 Puis donne voile, & sans plus t'allecher  
 Va-t'en ailleurs ta fortune chercher.

Ce Turnien auoit la face belle,  
 Les yeux, le front, compagnon tres-fidelle  
 De Francion, qu'à part il escoutoit,  
 Et ses segrets en priué luy contoit.  
 Il estoit fils de la Nymphé Aristine,  
 Qu'Hector auoit sous sa masse poitrine  
 Pressée au bord du fleuve Simois:  
 Ses chers parens en furent resiois,  
 Enorgueillis de voir leur fille pleine  
 Du fruit yssu d'un si grand Capitaine.

Elle accoucha dessus le bord herbeux  
Du fleuve mesme en regardant ses bœufs  
Qui bien cornus païssoient par le riuage:  
D'un Prince tel il auoit son lignage.

Ceste Déesse en s'en-volant de là,  
Bien loin du Ciel à l'escart s'en alla  
Voir la maison toute rance Et moisie  
Où croupissoit la vieille Ialousie.

C'estoit un Antre à l'entour tapissé  
D'un gros halier d'espines herissé:  
Jamais clarté n'y flamboïoit allumée,  
Et toutefois ce n'estoit que fumée:  
Elle estoit louche & auoit le regard  
Parlant à vous tourné d'une autre part:  
Sa dent rouillée, & son visage blesme  
Monstroient assez qu'elle mugeoit soy-mesme,  
Rongeant son cœur de haine Et de souci:  
D'elle s'approche, & luy a dit ainsi.

Vieille debout: marche en Crète, Et te hastie  
Prends tes serpens, & de Clymene gaste  
Par ta poison les veines & le cœur:  
Dans l'estomac iette luy la rancœur,  
Le desespoir, la fureur, & la rage,  
Mesle son sang, Et trouble son courage:  
Tu le peux faire, Et ie veux qu'il soit fait.  
A-tant s'en-vole & laisse l'Antre infait.

Quand Ialousie eut la parole ouye  
De la Déesse elle en fut resouye  
Puis en frizant de serpens ses cheveux,  
Et s'appuyant d'un baston espineux,  
Alla trouuer en Crète la pucelle  
Que le sommeil couuoit dessous son aile,

Et dont le cueur qui de dueil se fendoit,  
Entre-dormant nouvelles attendoit.

Incontinent ceste vieille maline  
De la pucelle asiegea la poitrine,  
D'un froid venin ses lèvres elle enfla,  
Et la poison haletant luy soufla  
Aux yeux, au cueur : & en l'ame renuerse  
Un long Serpent qui en glissant luy perse  
Foye & poumons : & lors en desnoiant  
Ses cheueux tors, prompte alla secoüant  
Mille Lézars au sem de la pauvrete,  
Qui la suçoient d'une langue segrette,  
A sourdes dents les membres luy mordoient,  
Et leur venin par ses os espandoient.

Puis s'en reua : ce pendant la nourrice  
Espiant l'heure & la saison propice,  
A Francion la lettre presenta,  
Et de parole encores le tenta.  
Il la receut, & apres l'auoir leuë,  
De honte espris baissa en terre la veuë :  
Le sang vermeil sur le front luy saillit,  
Presque la voix aux poumons luy saillit :  
Puis à la fin d'une langue estonnée  
Telle responce à la vicille a donnée.

Vieille desloge, ou par le fer tranchant :  
Je te pay'ray de ton port si meschant,  
Ou ie feray que la pere Dicée  
Voirra l'escrit de sa fille insensée.  
Je ne suis pas en ceste Isle venu  
Pour tromper ceux à qui ie suis tenu.  
Le beau Paris pour Helene ranie  
De mille naut vit sa faute suivie,

Tuer son pere, Ilion embraser,  
Et iusqu'au fond ses murailles raser.  
Je crain les Dieux & la main qui n'est vuyde  
De Iupiter foudroyant, qui me guide,  
Et qui defend vn Roy qui veut loger  
Sans le cognoistre vn errant estrangr.

Or si i'auois le loisir Et l'enuie  
Soubs Hymenée assujettir ma vie,  
Crete habiter, Et la Gaule oublier,  
Et par promesse icy me marier,  
Chaut du plaisir ou Venus nous appelle,  
J'aimerois mieux sa sœur Hyante qu'elle:  
» Elle est modeste, & l'honneste amoureux  
» Est plus des mœurs que des biens desireux.

Il dit ainsi : vne froide gelée  
S'est par les os de la vieille escoulée  
Tremblant de peur : à la fin elle va  
D'un pied si prompt que Clymene trouua  
Encore au lict du sommeil assommée:

Resueille toy ma fille mieux aimée,  
Ce beau Troyen de ta sœur abusé  
A ton escrit & ton cueur refusé.

Toute en sursaut oyant telle parole  
Se resueilla: son esprit qui s'en-vole  
Vers l'estrangr emporté du penser,  
Luy fit ainsi ses plaintes commencer.

Donques ma lettre a serui de risée!  
Ha pauvre moy! i'estois mal-aisée  
Folle d'amour d'enuoyer vn escrit  
A ce banni, vn rocher sans esprit,  
Qui n'a sceu prendre aux cheveux la fortune!  
C'est vn niau que la Mer importune

Comme il merite, & qui sottement pert  
 Le bien qu'Amour luy a sans peine offert,  
 N'esant cueillir pour crainte de l'espine  
 Le beau bouton de la Rose pourprine!  
 Puis il se vante, ô le brave Empereur!  
 Que de la Gaule il sera conquereur,  
 Qui n'a sceu veindre une fille veincue!  
 J'ay de sa honte Et l'ame toute esmeue  
 Et tout le cuer: il n'est du sang des preus,  
 Mais d'un pasteur ou d'un piqueur de bœufs.  
 Son front, ses yeux, son parler, Et sa grace,  
 Son port royal qui les autres surpasse,  
 Sont ô Venus indignes de son corps,  
 Laid par dedans & beau par le dehors:  
 Ame couarde en un beau corps logée,  
 Que Ciel, que Terre, Et que la mer Egée  
 Vont tourmentant: car vray-semblable il est  
 Que ta sottise à Jupiter desplait.

Du beau Paris (dont tu mens ta lignée)  
 La beauté fut d'amour accompagnée:  
 Helene à luy de bon cuer se rendit,  
 Et par combats dix ans la defendit  
 Plein de sueur, de guerres, & de peines,  
 Cueur genereux, qui valoit cent Helcines.  
 Mais tu ne vâux ieune brigand de mer,  
 Qu'à bien ramer & non à bien aimier.  
 Puisse auenir que ma sœur soit trompée,  
 Et sans espoir en ses larmes trampée,  
 Soit delaisée au front de quelque bort,  
 Et qu'elle pleure aux vagues sans confort.

Quand ce banni par honnestre cautelle  
 Aura tiré le plaisir qu'il veut d'elle,

D'un cueur parjure oubli'ra sa beauté:  
Car l'œil fenestre en vain ne m'est sauté.

Si le Destin les Gaules luy ordonne,  
Qu'en ma faueur cent guerres il luy donne:  
Ains que bastir les rampars de Paris:  
Voye à ses yeux ses alliez peris,  
Qu'il soit chassé, & que de terre en terre  
En suppliant secours il aille querre:  
Puis par les siens surpris en trahison,  
Soit membre à membre occis en sa maison.

Disant ainsi de son chef elle arrache  
Ses longs cheueux, qu'en pleurant elle attache  
Contre son liét signe de chasteté,  
Et que son corps n'auoit encore esté  
Honni d'amour: puis sa chambre elle baise.

Chambrette adieu, que j'estois à mon aise:  
Auparauant que ce traistre incognu  
A nostre bord naufrage fust venu:

Incontinent la fureur Et la rage  
De Ialousie irritent son courage,  
Et tellement la douleur la ferut,  
Que par les champs hurlante elle court.

C'estoit le iour que les folles Euantes  
Crians Iach, Iach, alloient errantes  
(Ayans les corps environnez de peaux)  
Par les forests, collines & coupeaux,  
Rochers, deserts, campagnes, & bocages,  
Et sur le bord des sablonneux riuages:  
L'air respondoit sous le bruis enroué,  
D'Euan, de Iach, de Bassar, d'Euoé.

Ce puissant Dieu qui blesse les pensées  
D'un traitt selon, les auoit insensées:

En ses liens captiues les auoit,  
Et de raison la Verue leur seruoit.

Ceste enragée, à qui l'erreur commande,  
S'alla ietter au milieu de la bande  
Eschenelée, & d'un bras despoillé  
Branloit vn dard de pampre entortillé.

Qui la premiere en me suiuant, dit-elle,  
De ce Sangler respandra la ceruelle?  
Et d'un espieu la premiere en son flanc  
Fera la playe & s'yura de son sang?  
Marchon, couron, suiuous comme tempeste  
Les pas fourchus de ceste noire beste  
Monstre hideux, qui s'enfuit deuant nous,  
Armon nos mains & l'assommon de coups.

Son faux Démon auoit pour conuerture  
Pris d'un Sangler la menteuse figure.

Elle pensant par fausse impression

Que le Sangler fust le vnay Francion,

Pour le tuer la premiere est courue,

Branlant au poing vne faulche cornue.

Et le Sangler sans qu'on le peust toucher

Alla gaigner le feste d'un rocher,

Qui sous ses pieds tenoit la mer suiette.

Là ce Démon à corps perdu se iuste

Dedans le gouffre: elle qui s'anança

Pour l'enfermer en la mer se lança

Le poursuivant trois fois sous l'eau profonde

Son corps alla, trois fois noüa sur l'onde,

Trois fois le flot le reuint abysmer.

Elle mouroit sans les Dieux de la mer


Qui souleuant la ialouse tombée,

Luy ont du corps la Parque destrôlée,



Et luy perdant sa figure & son nom  
 L'ont enrollée à la troupe d'Inon  
 Et du vieil Glaucque à la double naissance:  
 Dessus les eaux luy ont donné puissance  
 De faire enfler les vagues & le vent,  
 Nymphes de mer, qui depuis a souvent  
 Contre Francus poussé sa frenesie,  
 Dedans la mer gardant sa ialousie.

Fin du troisieme liure.





ARGUMENT DV QVATRIESME LIVRE, PAR  
Amadis Iamin.

**D**Icee se courrouce, sçachât la mort de sa fille Clymene, & pense comme il doit punir Francion, qu'il soupçonnoit en estre cause. Ce Prince Phrygien fait entendre à Hyante l'amour qu'il luy porte. Hyante & Frâcus vont le lendemain au temple: vne Corneille parle, & aduertit Amblois de n'accompagner Francion. Ce Prince supplie Hyante de luy monstrier les Roys qui sortiront de son estoc. Hyante discourt si elle doit aimer ou non. Elle commande à Francion d'apprestier vn sacrifice aux esprits des enfers, & se parfumer d'encens malle, & autres semblables suffumigations. Il obéit à ce commandement. Le Poëte décrit vne fosse & horrible descente aux enfers. Apres que Francus a immolé la victime, & invoqué toutes les puissances de l'Empire de Pluton, Hyante vient toute tremblante & folle de fureur, laquelle prophetise audit Francus son voyage és Gaules. Elle predit le songe du fantauime qui doit apparostre à Marcomire, & ce que fera Marcomire ayant en son armée trois cens Capitaines. Apres

elle discourt comme les ames viennent & re-  
 uont en nouueaux corps, & dequoy tout ce  
 qui est viuant en ce mode, prend sa naissance.  
 Que deuiennent les ames les corps mourans,  
 quelle punition elles enouër aux enfers pour  
 leurs pechez. & comment elles s'en purgent, &  
 par quel espace de temps. Francion sacrifie de  
 rechef aux Deitez infernales, & les ames sor-  
 tent incontinent pour boire du sang de la vi-  
 ctime. Lors il demande à Hyante, qui sont  
 ceux qu'il voit: & par ce moyen apprend som-  
 mairement quelques noms des Rois de Fran-  
 ce, les actes infames des vicieux, & les gestes  
 magnanimes des vertueux. Bref, ce livre est  
 des plus beaux, pour estre diuisé en quatre  
 parties. La premiere est d'Amour, la seconde  
 de Magie, la troisiéme de la Philosophie Py-  
 thagorique, dite *μετεμψυχωσις*. L'auteur se  
 sert expres de ceste vieille opinion, à fin que  
 cela luy soit comme vn chemin & argument  
 plus facile pour faire venir les esprits de nos  
 Roys en nouueaux corps: car sans telle inuen-  
 tion, il eust fallu se môstrer plustost Historio-  
 graphe que Poëte. La quatrième partie consi-  
 ste au narré de la premiere origine des Mo-  
 narques de France iusques à Pepin, duquel  
 commence la seconde generation.



# LE QVATRIESME

## LIVRE DE LA

### Franciade.



*Vand la nouvelle au pere fut venuë,  
D'ardeur Et/ d'ire vne bouillante nuë  
Pressa son cœur qui menu sanglotoit:  
A poings fermez l'estomac se battoit:  
Et discourroit en luy-mesmes la sorte*

*Comment sa fille en la mer estoit morte,  
Il souspiroit, & d'un borbier fangeux  
Des-honoroit sa barbe & ses cheveux:  
Il rompt sa robe, Et/ tout priné de ioye,  
Son fils Orée aux oracles enuoye:  
Auquel (cherchant d'un cœur deuotieux  
Trois iours entiers la volonté des Dieux  
Par mainte offrande en victime immolée)  
Telle voix fut du Trepie reuelée:  
Que le vieillard esteigne le tizon,  
Et l'Arondelle oste de sa maison.*

*Telle parole en doute responduë  
Fut aisément de ce Prince entenduë:  
C'est de l'amour esteindre le tizon,  
Et l'estranger chasser de sa maison,  
Qu'il cuidoit traistre, infidelle Et/ sans ame,*

Et du trespas de sa fille le blasme.

» En nul pays la foy n'a plus de lieu,  
Disoit ce Prince, & Iupin le grand Dieu  
N'a plus de soin de l'humaine malice,  
Et le peché ne craint plus la iustice.  
Cest estranger pauvre, chetif, & nu,  
Vn vif naufrage à marin venu,  
Couuert d'escume, & de bourbe, & de sable,  
Ah ! que j'ay fait compagnon de ma table,  
Que j'ay voulu pour mon gendre choisir,  
Et luy partir ma terre à son plaisir,  
Mogue mon Sceptre, & masqué de saintise,  
Ma vieille barbe & mes cheveux mesprise ?  
Et sous couleur d'un Destin ne veut point  
Par foy promise aux femmes estre ioint,  
Second Pâris, pirate qui consomme  
Ses ans sur l'eau : toutefois ce preud'homme  
Fin artisan de cauteleux moyens,  
Comme heritier du malheur des Troyens,  
En toute terre à l'impourueu se rue,  
Seduit des Rois les filles & les tue :  
Puis en faisant ses Galeres ramer,  
Laue le meurdre ex vagues de la mer,  
Met voile au vent : le vent qui luy ressemble,  
Pousse sa voile & sa foy tout ensemble :  
Et tu le vois Iupiter ! sans sonci  
Ny de bien-faict ny de mal-faict aussi.

Or pour souler de vengeance mon ire,  
Je le veux pendre au mast de son Nauires  
Couuert de soufre & de salpestre ardent,  
Afin qu'en l'air tournoyant & pendant  
Vestu de flamme, il sente consumée.

Sa triste vie esteinte de fumée.

Que dis-je ? où suis-je ? en quelle folle erreur  
Troublé d'esprit, me pousse la fureur ?

- » Il ne faut pas qu'un Prince debonnaire
- » Du premier coup s'enflame de colere:
- » Il ne doit croire aux flateurs de léger,
- » Le commun bruit est tousiours mensonger:
- » Il doit attendre Et sagement cognoistre
- » La verité que le temps fait paroistre:
- » L'attendray donq: un Roy ne doit sentir
- » D'un prompt courroux un tardif repentir.

Tandis Francus qui la saison espie,  
Aborde Hyante, & de tels mots la prie:  
Vierge sans pair, dont la grace, & les yeux  
Pourroient tenter les hommes & les Dieux,  
Qui sous tes pieds presses serue ma teste,  
Qui de mon cœur remportes pour conquête  
L'orgueil premier qui n'auoit point esté  
D'un autre amour que du tien surmonté:  
Si la pitié, si l'humble courtoisie  
Peut des humains gagner la fantaisie,  
Soit par mes pleurs ton courage adoucy,  
Guary ma playe & me prens à mercy.  
Quand la fortune à mes desirs senestre  
Poussa ma Nef, ce ne fut pas pour estre,  
Comme ie suis, en ton isle amoureux,  
Ains pour chasser le peril dangereux  
Qui menassoit ma teste du naufrage:  
Mourir deuoy-je au plus fort de l'orage,  
Puis que sur terre Amour m'est plus amer  
Que n'est Neptune au milieu de la mer !  
» L'homme seroit heureux en toute chose,

» S'il ne cachoit au fond de l'ame enclose  
 » La passion que nous engendre Amour,  
 » Qui de la vie embrunit le beau iour,  
 » Et verse au cœur par mauuaise coustume  
 » Bien peu de miel & beaucoup d'amertume.  
 Heureux trois fois, voire quatre un rocher,  
 Qui sans tendons, sans muscles, & sans chair  
 Vit insensible; Et qui n'a l'ame atteinte  
 Ny de douleur ny d'amour, ny de crainte:  
 Je voudrois estre en quelque riuë ainsi!  
 Je viurois dur, sans ame, & sans souci,  
 Où maintenant par trop de cognoissance  
 Je sens mon mal, & si ie n'ay puissance  
 De voir mon cœur remis en liberté,  
 Tant ie me suis à tes yeux endeté.

Il dist ainsi: mainte larme roplée  
 Dessus la iouë en son sein est coulée.

Hyante alors sousspirant d'autre part  
 Contre-respond: Troyen il est trop tard.  
 Pour deuïser, Et la nuit sommeïlense  
 De nos propos est cë semble enuïense,  
 Chacun nous voit & iette l'œil sur nous:  
 » Du faict d'autrui le vulgaire est ialous;  
 Allon dormir, la nuit nous le conseille.  
 Si le matin dex l'Aurore vermeille  
 Te plaist venir au bocage sacré  
 Où mes ayeux à costé d'un beau pré  
 Ont fait bastir d'Hecate le grand temple,  
 Plus priuément en inuitant l'exemple  
 Des amoureux, tu me diras ton soïn,  
 Le lieu sacré nous seruant de tesmoin.

Ainsi disant, les yeux ils abaissèrent,

Et tous honteux à regret se laisserent:  
 Mais le souci ne laissa sans gemir  
 Les deux amans toute la nuit dormir.  
 Quand le Soleil perruqué de lumiere  
 Eut de Tethys sa vieille nourriciere  
 En se levant abandonné les eaux,  
 Et fait grimper contre-mont ses cheuaux,  
 Et que l'Aurore à la main safranée  
 Eut annoncé la clarté retournée,  
 Le soin d'amour qui poignant travailla  
 La belle Hyante au matin esueillla,  
 Et pour aller au lieu de la promesse  
 Se reuestit d'un habit de Princesse.

En cent façons son chef elle peigna,  
 D'eau de senteurs son visage baigna,  
 Prist un collet ouuert à rare voye  
 Entre-broché de fils d'or & de soye,  
 Rare, subtil, à replis bien tissus:  
 Puis un beau guimple affubla par dessus  
 Prime, douce, filé de main sçauante,  
 Qui la couuroit du chef jusqu'à la plante.

Son col d'ynoire enrichit d'un carquan  
 Fait en Serpent (ouurage de Vulcain)  
 D'or & d'esmail; merueille elaborée!  
 Qu'il fit tadis pour la Déesse Rhée,  
 Et Rhée à Nede en present le bailla.  
 De ce Serpent tout le dos escailla  
 En arc en-ciel, si bien que la facture  
 De l'artizan surmontoit la nature.  
 De Nede apres un Corybante l'ent,  
 Puis à Dicée en partage il escheut,  
 Qui pour garder tel bien à sa famille,



L'auoit donné dès long temps à sa fille.

Hyante adoncq fit son coche atteler,  
D'ardeur de femme enuieuse d'aller  
Au lieu promis : & lors douze pucelles  
De ses segrets ministres plus fidelles,  
Qui seules part en ses graces auoient,  
Et dex enfance en tous lieux la suiuoient,  
D'un pas leger dedans l'estable allerent,  
Hastent leurs mains, & le coche attelcrent.

A chaque rouë ils entent un moyeu,  
Douze rayons font passer au milieu  
Insq' à la gente, & autour de la gente  
Mettent d'airain vne bande pesante,  
Espaisse & large, où maints cloux argentex  
A grosse teste en ordre estoient plantex.

Au limon d'or, couple à couple, ils attachent  
Quatre iumens souple-sarrets qui marchent  
D'un braue train, qui fist tourbillonneux  
En-nubler l'air d'un pondrier sablonneux.  
Elle monta : vne main tient la bride,  
L'autre le foët : par la campagne vuide  
A bonds legers s'eslançoient en auant.  
Le char rouloit plus vifte que le vent.

Quand les iumens au temple l'ont rendue,  
Soudain à bas du coche est descendue,  
Osta leur bride : elles non guiere loin  
En hanniſſant vont paistre le Sain-foin,  
Trefles & Thym : puis de manger faschées  
Se sont sur l'herbe au frais de l'eau couchées.

Le temple estoit au milieu d'un taillis,  
Dont les cheueux par le fer assaillis  
N'estoient tombez comme chose sacrée,

Entourné d'eaux d'une prochaine prée,  
Riche de fleurs que la faulx ne tranchoit,  
Ny le bestail de sa dent ne touchoit.

Là l'amoureuse apres le sacrifice  
D'un art subtil controuue vne malice:  
Ce fut s'asseoir, & faire d'un grand tour  
Comme elle asseoir ses filles à l'entour.

Il n'est pas temps cher troupeau que l'honneur,  
De retourner à la maison encore.

Sur l'herbe tendre il vaut mieux se iourner,  
Au frais du soir nous pourrons retourner:

Chanton, dāson, que chacune s'auance,  
Et la carole elle mesme commence.

Mais n'y le bal, ny autres passe-temps  
Ne luy plaisoient: ses beaux yeux inconstans

Toujours au guet s'escartoient en arriere  
Sur les chemins, pour voir si la poussiere

Dessous Francus iroit point s'esleuant.

A chasque bruit, à chasque flair de vent  
Elle trembloit, & sans estre asseurée

D'yeux & d'esprit erroit toute esgarée.

De bon matin Francus qui s'esneilla,  
De ses habits luy-mesme s'habilla:

Prist son espée à la gaine esmaillée,

Qu' Hector auoit à son frere baillée

Par amitié: car sur tous il l'aimoit,

Et sa vaillance & son art estimoit.

Or Helenin luy donna ceste espée,

Quand il partit, laquelle fut trempée

Dans les fourneaux du febure Lemnien:

Luy donne encore un poignard Norien

Au pommeau d'or, à houpes bien perlées,

Que de ses doigts Helené auoit filées.

Iamais enfant, iamais neveu des Dieux

N'eut le maintien, la bouche, ny les yeux

Si beaux qu'auoit Francus ceste journée:

Telle beauté du Ciel luy fut donnée,

L'œil pour gagner, la bouche pour sçauoir

En discourant sa maistresse esmonuoir.

A son costé menoit pour compagnie

Le vieil Amblou, dont l'ame estoit garnie

De prophetie, & outre il auoit soin

De conseiller ses amis au besoin.

Pres le chemin sur le bord d'une plaine

Vn Orme fut, dont la cyme estoit pleine

De mainte branche, où les Corbeaux au soir

Prenoient leur perche & se sonnoient assour.

Là de fortune importun aux oreilles

Iaxoit sous l'ombre vn troupeau de Corneilles:

L'une se hausse, & comme en se iouant

Coup dessus coup ses ailes secoüant,

Et herissant le noir de son plumage,

En voix humaine eschangea son ramage.

Ah! où vas-tu vieil prophete insensé,

Faux deuineur, qui n'as n'as pensé

(Bien que tu sois prudent en toute chose)

Que la pucelle aura la bouche close,

Et tout le cœur reuesche & réchigné,

Si elle voit l'amant accompagné?

Maudit deuin tourne le pas arriere,

Laisse le seul user de sa priere,

Et leur deuis compaignon ne defens:

Tu ne sçais pas cela que les enfans

N'ignorent point? un, iamais, Cytherée

De sa

De sa faueur n'a ton ame inspirée,  
 Le vieil Amblois qui telle voix ouit,  
 Dedans le cœur soudain s'en resioit,  
 Et cognat bien que la \*Noire esuantée \*La cor-  
 Auoit d'un Dieu la parole empruntée, neille.

Pource en tournant sur le trac de ses pas  
 Dist à Francus: Prince amoureux tu n'as  
 Besoin de guide: vn Dieu qui te supporte,  
 En lieu de moy te sert d'heureuse escorte:  
 De tes souhaits ton cœur sera content:  
 Sans nul refus la pucelle t'attend  
 Obeysante & prestee à tecomplaire,  
 Par doux propos commence ton affaire:  
 » Sois doux en tout: le desdain genereux  
 » D'une fille aime vn courtois amoureux.

Francus luisant d'une splendeur diuine  
 Luy apparut du haut d'une colline  
 Beau comme Amour: les rayons de ses yeux  
 Estojent pareils à cest astre des Cieux,  
 Qui bien nourry de l'humour marinier  
 Respand au Ciel vne rousse lumiere  
 Et de rayons redoutables & crains  
 Verse la soif & la fièvre aux humains,  
 De sa splendeur effaçant chascue estoile.

Elle qui tint dessus sa face vn voile,  
 Par le traners du crespel appercent:  
 Adonq vn trait en l'ame elle recent.  
 Le cœur luy bat au fond de la poitrine:  
 Ses pieds tenus comme d'une racine  
 Ne remuoient ny deçà ny delà:  
 Dessus sa iouë vne rougeur alla,  
 Et tout le corps comme feuille luy tremble.

Ils sont long temps sans deuiser ensemble  
 Tous deux muets l'un deuant l'autre assis.  
 Ainsi qu'on voit quand l'air est bien rassis,  
 Deux pins plantez aux deux bords du riuage  
 Ne remuer ny cyme ny fueillage  
 Cou & sans bruit en attendant le vent:  
 Mais quand il soufle & les pousse en auant,  
 L'un pres de l'autre en murmurant se iettent  
 Cyme sur cyme, & ensemble caquetent:  
 Ainsi deuoient babiller à leur tour  
 Les deux amans dessous le vent d'amour.

Francus venu la compagnie attainte  
 De prompt effroy se recula de crainte,  
 Et se cachant sous le bocage ombreux  
 En leur deui les laisserent tous deux.  
 L'amant cognut de la premiere œillade  
 Que l'amoureuse au cœur estoit malade:  
 Que son esprit cherchoit de s'en-voler:  
 Pource il la flate, & commence à parler.

Chasse la peur & la rougeur qui monte  
 Dessus ton front, tu ne dois auoir honte  
 De parler seule à moy seul estrange:  
 Je ne vien pas vierge, pour t'outrager,  
 Mais pour t'aimer: & mon humble courage  
 Ne semble point à ceux du premier âge.  
 Ces rauisseurs Hercules & Iason,  
 Qui desfroboient les filles de maison:  
 Telle insolence au cœur n'est point entrée  
 D'un qui n'a lieu, ny terre, ny contrée,  
 A qui le Ciel sa faueur va niant.  
 Humble ie suis, estrange, & priant:  
 Le grand Iupin à telles gens preside,

Et sous sa main les conserve Et les guide,  
 Pere commun les defend contre tous:  
 Pource au besoin s'embrasse tes genoux:  
 Imitant Dieu, sois vierge secourable  
 A moy fuitif, priant, Et miserable.

Iadis Ariadne en ce royaume icy  
 Prise d'amour prist Thesée à mercy:  
 Victorieux sans danger le renuoye  
 Par un filet qui conduisoit sa voye.  
 » Un gentil cœur aide tousiours autrui?  
 Pour tel bienfait elle encore aujour d'huy  
 Est un bel Astre, & ses feux manifestes  
 Roulent de nuict par les voûtes celestes.  
 Je ne requiers richesses ny thresors,  
 Ny grand Empire enflé de larges bors:  
 Je veux sans plus que ton bel art me face  
 Voir ces grands Rois qui naistront de ma race,  
 Et par sur tous un CHARLES DE VALOIS  
 Qui l'Vniuers enuoirra sous ses loix.

Je bastiray pour telle recompense  
 Maint temple fait de royale despense  
 En ton honneur: & si ie puis iamais  
 Aborder Seine, icy ie te promets  
 Par ton Hecate Et par ses triples testes,  
 Que tous les ans en solennelles festes  
 A iours certains ie te feray des ieux,  
 Où sur la Lyre à iamais nos neuueux  
 Par vers chantez diront ta renommée:  
 Et s'il te plaist espouse estre nommée  
 D'un estranger, ie te donne la foy  
 De n'espouser autre femme que toy.  
 Je te supplie par ta belle lumiere,

Qui dans mon cœur flamboye la premiere,  
Par ton regard par ta ienne beauté,  
Par ton beau port tout plein de royanté,  
Par ton Orée, & par la vieille teste  
Du pere tien, d'accorder ma requeste.

Ainsi disoit Francus en la louant:  
D'aïse qu'ell'eust, son cœur s'alloit ionant.  
» Car volont:ers toute femme douée  
» De grand' beauté, desire estre louée.  
Tel qu'un Soleil Francus luy paroïssoit:  
Mais rien au cœur si fort ne la pressoit  
Que le saint nom du promis mariage.  
S'en souuenant, elle ardoit d'auantage,  
Et consumoit sa vigueur peu à peu  
Comme la cire à la chaleur du feu.

Elle vouloit, tant le plaisir l'affole,  
Tout à la fois desgorger sa parole,  
Et ne pouuoit sa langue démesler,  
Tant tout d'un coup elle vouloit parler.  
Aucunesfois comme un homme qui erre  
D'esprit troublé, deuant ses pieds à terre  
Fichoit les yeux demy-clos & honteux,  
Aucunesfois de larmes tous moultueux  
Les re-haüssoit leuant un peu la face,  
Et rabaissoit soudain contre la place:  
Puis d'un soufrire & d'un parlant sourcey  
Sans dire mot tesmoignoït son soucy:  
Mais à la fin en telle peine extreme,  
Honte la fit consulter à soy mesme.

Un mal au mien ne se trouue pareil,  
En mon malheur ay perdu le conseil:  
Un nouveau soin tient mon ame engourdie:

„ Rien n'est si fort que ceste maladie  
 „ Qu'on nomme aimer: ie me travaille en vain  
 Et si ne puis l'arracher de mon sein.  
 D'un puissant trait ma raison est forcée:  
 Oste du cœur la flame commencée  
 Si tu le peux, & constante defens  
 Que les braziers ne s'allument plus grans!  
 Je guarirois si ie le pouvois faire!  
 Vn Dieu plus fort me repousse au contraire!  
 Du Ciel me vient ce desastre fatal.  
 „ Ie voy le bien, & ie choisis le mal!

Pour mon espoux vn banni dois-ie suivre?  
 Et par les vents par les tempestes viure  
 Loin de mon pere avecq' vn estrange,  
 Qui n'a rien seur sinon que le danger?  
 Non, ceste terre où i'ay mon parentage,  
 Me peut donner vn riche mariage:  
 Et sans me perdre au gré de mon plaisir  
 Ie puis en Crète autre mari choisir,  
 Riche de biens de race antique, & forte.  
 Ah! ie me trompe, & mon isle ne porte  
 Des fils d'Hector, & quand elle en auroit,  
 Nul esgaler sa vertu ne pourroit  
 Ny sa beauté ny sa ieunesse tendre,  
 Armes d'amour qui prise me font rendre.

Ie fremis toute & ne suis plus en moy!  
 Ia par esprit prophete i'apperçoy  
 Qu'en tous endroits ira ma renommée  
 De bouche en bouche en vergongne semée.  
 Ie n'oseray par les danses baler:  
 Honte & despit retiendront mon parler,  
 Et par les lieux où sera l'assemblée



Des iouuenceaux i'auray l'ame troublée,  
Fa ble de tous, des tables le propos:  
Et lors la terre engloutisse mes os!  
Que dis-se hélas ! il n'a pas la nature  
D'homme meschant, Et si la coniecture  
En regardant son front ne me deçoit,  
Vn si beau corps meschant cœur ne reçoit:  
Au fond de l'ame vn rocher il ne porte,  
Et ce penser mon travail reconforte:  
» Au pis aller, c'est vn plaisant malheur  
» De secourir quelcun en sa douleur!

Ainsi pensoit d'amour toute affolée  
Francus vit bien qu'elle estoit esbranlée.  
Pource en touchant son menton de rechef  
Et ses genoux, l'adiura par le chef  
De son Hecate, hostesse familiere  
Des bas Enfers, d'accorder sa priere.

Hyante songe à par-soy longuement  
Comme vn qui resue & qui n'a sentiment,  
Puis en sursaut de son Destin pressée  
Se resueilla d'une longue pensée:  
Lors de son front la honte s'en alla,  
Et prenant cœur ainfin elle parla  
Chaude d'amour qui au sang luy commande.

Non seulement, ie seray ta demande  
Nouueau Pâris, Et cognoistras par moy  
Ces puissans Rois qui sortiront de toy:  
Mais qui plus est, si tu auois enue  
D'auoir mon sang, mes poumons, & ma vie,  
Mon estomac en deux ie t'ouuerois,  
Et pour present ie te les offrirois,  
Or il te faut pour chose necessaire

Sçavoir deuant cela que tu dois faire,  
 Afin, Troyen, que les esprits d'embas  
 Fantaumes vains, ne t'espouuantent pas,  
 Et que ton ame en rien ne soit atteinte  
 En les voyant de frayeur ny de crainte.  
 Sorton d'ici à fin de te monstrier  
 Où les esprits te viendront rencontrer.

Lewe les yeux, & regarde à main dextre,  
 Voy ce vallon tout desert Et champêtre:  
 Là tu viendras apres trois iours au soir  
 Quand le Soleil en l'eau se laisse choir:  
 Je m'en iray par monts, Et par valées,  
 Par les forests, par les eaux reculées  
 Trois iours entiers loin du regard humain  
 Couper à ieu d'une serpe d'airain  
 Herbes, & fleurs, bois, racines, & plantes:  
 Puis inuoquant les Deitez puissantes  
 Pluton, Cerbere, Hecate Et tous les Dieux  
 Qui sont seigneurs des manoirs Stygiens,  
 Trois iours finis au soir sur la vesprée  
 Dans le vallon en la place monstree  
 L'apparoistray: sois diligent & caute  
 A preparer de ta part ce qu'il faut.

Premierement arreste en ta memoire  
 De ne venir sans mainte brebis noire  
 Qui soit sterile: amaine à noire peau  
 Vaches & porcs les plus gras du troupeau:  
 Ta robe soit d'une personne veue:  
 Lave ton corps dans le courant d'un fleuve  
 Par trois matins, & trois fois en priant  
 Et l'Occident regarde & l'Orient.

De masle encens & de soufre qui fume

Puant au nex, tout le corps te parfume:  
Aye le chef de panot couronné,  
Et tout le corps de veruene-entourné:  
Masche du sel, & pour quelque lumiere,  
Qui s'obscurcisse espaisse de fumiere,  
Ny pour les feux de saipestre fumeux,  
Ny pour l'aboy des mastins escumeux,  
Ny pour le bruit des idoles menues  
Qui sortiront comme petites nues,  
Ne sois peureux, & sans trembler d'effroy  
Ne tourne point les yeux derriere toy:  
Car si craintif tu retournes la face,  
Tout est perdu: au milieu de la place  
Fais une fosse assez large, où dedans  
Le sang verse des victimes respans  
Tiede, & fumeux, & tout ensemble mesle  
Du vin, du laiët & du miel pesle-mesle.

Quand tu verras que les esprits voudront  
Boire le sang, & qu'espaïse tiendront  
Pres de la fosse au sang toute trompée,  
Hors du fourreau tire ta large espée,  
Et fay semblant de les vouloir trancher,  
Si pres de toy s'efforçoient d'approcher.  
Adonc ayant l'ame toute grossie  
De la fureur qui vient de prophetie,  
Ie te monstr'ay quelque nombre de ceux  
Qui sortiront enfans de tes neuveux.  
Ie te diray quelque peu de leurs gestes  
Et non pas tout: les puissances celestes  
Ne veulent point qu'une mortelle vois  
Les faicts futurs chante tout à la fois.  
Ie sçay, Troyen, qu'apres t'auoir monstrée

Ta race hélas! tu fuiras ma contrée,  
Comme Thésée abandonnant ta foy:  
A tout le moins Francus sauuienne toy  
De ton Hyante & de ta foy promise.  
Ne permets point qu'en ton histoire on lise  
Des faictz malins qui noircissent ton nom:  
Par la candeur achete vn beau renom,  
Et fils de Roy ne seduis en cantelle  
Le cœur royal d'une amante pucelle.

L'auray tousiours mangré toute rigueur,  
Mangré la Mort, ton portraict en mon cœur,  
Bien que la terre en béant departie  
M'anallast morte aux Enfers engloutie,  
Amour cent fois plus puissant que la Mort,  
L'Enfer trauerse & vole outre son bort.

Ainsi disant bras à bras s'accolerent,  
Puis au logis par deux chemins allerent:  
Elle en son char monte sans y monter,  
Son foible esprit se laissoit emporter  
Après Francus, Et toute froide & blesmée  
En son logis retourna sans soy-mesme.  
Au iour promis Francus ne faillit pas:  
Il a choisi du troupeau le plus gras  
Et le plus grand trois genices vestues  
De noire peau aux cornes bien tortues,  
Au large front, à l'œil grand & ardent,  
Et dont la queue auoit le bout pendant  
Iusques à terre, & sans coups les ameines  
Puis neuf brebis grosses de noire laine,  
A langue blanche, à qui l'œil tressailloit,  
Offrande entiere où rien ne defailloit,  
Que le belier n'auoit iamais cognues,

Grasses brebis bien noires & pelues:  
 Prist vn suzil & frayant à maints coups  
 Le dos du fer encontre les caillous,  
 Fait rei aillir sur les estoups: s. seiches  
 A poincte-vue vn milier de flammeches,  
 Que l'alumette au bec de soufre adonq  
 Prompte receut: la flame vole en long,  
 Puis eslargie \* auina sa pasture. \* auina,  
 Des Prns gommeux qui sont secs de nature. rendit  
 L'air d'alentour d'Encens il parfuma, viue.  
 D'Ache & Pauot: en trois lieux alluma  
 Trois feux en rond faisant loin de leurs braises.  
 Sortir vn flair dont les Esprits sont aises:  
 Car ils ne vont ny mangeant ny beuuant,  
 Nourris en l'air de vapeur & de vent.  
 Sous le vallon s'éleuoit vn bocage:  
 Branche sur branche espoissi de fueillage,  
 Dont les cheueux par le fer non tondus  
 S'entr'ombrageoient l'un sur l'autre espendus:  
 Percez n'estoient ny de l'Aube premiere  
 Ny du midi: vne chiche lumiere  
 D'un iour blasard au dedans pallissoit,  
 Et d'ombre triste affreux se herissoit.  
 Pres ce bocage vne fosse cauee  
 Estoit profonde en abysme crenée,  
 Béante au Ciel d'un grand & large tour,  
 Qui corrompoit la lumiere du iour  
 D'une vapeur noire, grasse, & puante,  
 Que nul oiseau de son aile volante  
 N'eust scen passer, tant le Ciel ombrageux  
 S'espoississoit d'un air marescageux,  
 Et de vapeurs peste mesle allumées.

A gros bouillons ondoyans de fumées.  
De là maints cris, maints trainemens de fers  
Estoient ouys, soupirail des Enfers.

Loignant l'abyssme en horreur desbordée,  
Creusa le lieu profond d'une coudée,  
De quatre pieds l'eslargissant en rond :  
Puis la victime attira par le front  
Les yeux tourne vers l'Occident, & poussa  
Les noirs toreaux sur le bord de la fosse  
De la main gauche, & le poil qui vestoit  
Le front cornu des bestes, il iettoit  
Dedans le creux de la fosse, & respanche  
Auecq' du lait de la farine blanche,  
Du vin, du miel, appellant par grans cris  
Hyante, Hecate, & tous les bas Espris.

Lors en tirant de sa gaine yuoirine  
Un long couteau, le fourre en la poitrine  
De la victime & le cœur luy trencha.  
Dessus sa playe à terre elle broncha  
En tremblotant, le sang rouge il amasse  
Dedans le creux d'une profonde tasse:  
Puis le renuerse: & s'inclinant le chef  
Contre la fosse inuoca de rechef  
La Roynne Hecate & toutes les familles  
Du bas Enfer qui de la Nuit sont filles:  
Styx odieux, Cocyt & Phlegeton,  
Le Chien testu, Proserpine & Pluton,  
L'Horreur, la Peur, les Ombres, le Silence,  
Et le Chaos qui fait sa demeurance  
Dessous la terre en la profonde nuit,  
Voisin d'Erebe où le Soleil ne luit.

Il achenoit, quand un effroy luy serre

Tout l'estomac: un tremblement de terre  
Se creuassant par les champs se fendit:  
Vn long aboy des mastins s'entendit  
Par le bocage, & Hyante est venue  
Comme un esprit affublé d'une nue.

Voici, disoit, la Déesse venir:

Je sens Hecate horrible me tenir,  
Je tremble toute, & sa verue puissante  
Tout le cerueau me restrappe & tourmente.  
Plus ie m'efforce alenter son ardeur,  
Plus d'aiguillons elle me lance au cœur  
Me transportant, si bien que ie n'ay veine  
Ny nerf sur moy, ny part qui ne soit pleine  
De cet esprit estrangier qui reçoit  
Le mien pour hoste, & ma raison deçoit.

Plus que deuant vne rage l'allume,  
Elle apparut plus grand' que de costume:  
De teste en pied le corps luy frissonnoit,  
Et rien d'humain sa langue ne sonnoit.  
Lors en roüant ses yeux à demi-morte  
Deuers Francus luy dist en telle sorte.

Prince Troyen anobli de travaux,  
Qui sur la mer as souffert mille maux,  
Et qui en dois par longue & longue guerre  
Souffrir encor' de plus grans sur la terre,  
En Gaule iras, mais tu ne voudrois pas  
Y estre allé: mille & mille trespas,  
Mille perils plus aigus que tempeste  
Desia tous prests te pendent sur la teste.  
Comme ton pere en defendant son Fort  
Sentit d'Aiax & d'Achille l'effort,  
L'un germe d'homme, & l'autre de Déesse

Ainsi couuert d'une estrangere presse  
Tu dois un iour sentir à ton malheur  
Mille ennemi renommex de valeur:  
Si que le cours de la Gauoise Seine  
Du sang Troyen ondoyra toute pleine,  
Et dans ses eaux l'un sur l'autre tombez,  
Vorra cheuaux & bouclairs embourbez,  
Toy paruenü vers la froide partie  
Où la Hongrie est iointe à la Scythie,  
Tu bastiras pres le bord Istrien.  
Seiour des tiens, le mur Sicambrien,  
Que tes enfans par long succès de race  
Tiendront apres pour leur royale place.

Le grand Soleil qui voit tout de ses yeux,  
Vorra tes fils les uns malicieux,  
Les autres bons : la Nature n'assemble  
Toutes vertus en vne race ensemble:  
Mais en meslant le bien avecq' le mal,  
Tient la balance en contre-poids egal:  
Tous neantmoins honorez de trofées  
Auront de Mars les ames eschaufées.  
Par mainte guerre en maints lieux donteront  
Huns, Gots, Alains, & au chef porteront  
Mille Layriers en signe de victoire,  
Que leurs voisins feront place à leur gloire.

Ia deux mil ans auront fini leur tour,  
Quand ta Sicambre & les champs d'alentour  
Seront quittez de ta race Germaine  
Conduite en sort par un grand Capitaine,  
Qui par Morfée en sommeillant instruit  
Verra, miracle! un fantauime de nuit:  
( De Dieu certain ça bas viennent les songes,



» Et Dieu n'est pas artizan de mensonges.)  
Ce grand fantauime aura trois chefs diuers,  
L'un de Choïan aux yeux ardans & pers,  
L'autre d'un Aigle, & l'autre la figure  
D'un grand Lion à la maschoire dure:  
Puis tous ces trois en un s'assembleront;  
Et ces trois corps un homme sembleront;  
Qui murmurant se vouldra faire entendre:  
Mais Marcomir ne le pourra comprendre.

Lors amassant son peuple & le rangeant  
Sous trois cens Ducs, pratique ira chargeant  
Le corps des siens de fer & de cuiraces,  
Et leurs regards de fiertez & d'audaces:  
Mars en leurs cœurs sera si bien entré,  
Qu'ils laisseront leurs maisons de bon gré,  
Prenans congé des vieux Dieux de leur terre:  
Loin deuant eux courra la triste guerre!

Des laboureurs les champs abandonnez  
Dessous leurs pieds trembleront estonnez,  
Et des ruisseaux les courses azurrées  
N'estancheront leurs gorges alterées  
Presque espuisées iusqu'au profond des eaux  
Ou soit par eux, ou soit par leurs cheuaux,  
Peuple inuincible en toutes sortes d'armes,  
Vaillans pietons, cheualeureux gendarmes,  
Fiers, courageux, au cœur gros & ardent,  
Qui d'Orient iusques à l'Occident  
Victorieux espandront leurs armées.  
Les champs de Tyr, les terres Idumées  
Les cognoistront, & toy fleuve qui fuis  
Dedans la Mer desgorgé par sept huis:  
Et d'Apollon la roche inaccessible.

Cognoistra d'eux la puissance invincible:  
 Voire tous Rois se verront surmonter,  
 Si les Gaulois ne sont de leurs costez.

Or à la fin de troupe plus espaisse  
 Que n'est là neige, ou la gresle que presse  
 Le vent d'huyver, qui bond à bond se suit,  
 Et sur le toict d's maisons fait grand bruit:  
 Et plus espais que feuilles d'un bocage  
 Du Rhin venteux gagneront le rivage:  
 Puis surmontant par l'effort du harnois  
 Phrysons, Gueldrois, Zelandois, Holandois,  
 Verront la Meuse, & par viue puissance  
 De leurs voisins prendront obeysance,  
 De toutes parts aimez & redoutex;  
 Comme guerriers aux armes indontex,  
 Terreur des Rois, & des fortes murailles.  
 Sous Marcomire auront longues batailles  
 A leurs voisins: & de ce Duc ie veux  
 Comme en passant te monstrier les ñcueux,  
 Et quelques Rois yssus de ta lignée,  
 Par qui la Gaule un iour sera gaignée,  
 Et qui tiendront (sang Troyen & Germain)  
 Le Sceptre entier laissé de main en main.

A-tant la vierge un petit se repose,  
 Et Francion luy demande autre chose.

Vierge l'honneur des Dames & de moy,  
 Toute diuine, heureux germe de Roy,  
 Ie te suppli- Prophete veritable,  
 Sage en conseil, dy moy s'il est croyable  
 Que les esprits qui sont sortis dehors  
 De leurs logis r'entrent en nouveaux corps?  
 Quelle fureur? quelle mandite enuie

Les tient seduits de retourner en vie?  
Et d'où leur vient ce furieux amour  
Que de reuoir encore vn coup le iour,  
Se reuestant de muscles & de veines  
Pour re-souffrir tant de nouvelles peines?  
Et quand doit l'homme esperer vn repos,  
Si desponillé de chair, de nerfs, & d'os,  
Mesme au tombeau le repos il ne treuue,  
Et d'une peau en recherche vne neuue?  
Donques la mort n'est la fin de nos maux!  
Puisqu'en mourant de travaux en travaux  
Nous reuiuons pour mourir à toute heure  
Errans sans fin, sans repos, ny demeure!

A-tant se tent. Elle qui l'entendit,  
Haute en discours luy contre-respondit  
D'une voix sage. Apollon qui la laisse  
En son bon sens pour vn temps ne la presse,  
A fin de mieux par raison discourir  
Des hants segrets qu'elle vouloit ouurir.

Prince estrangier, tout ce qui vit au Mondo  
Est composé de la terre & de l'onde,  
D'air, & de feu (membres de l'Vniuers)  
Et bien qu'ils soient quatre elemens diuers  
Ils sont entre-eux liex de telle sorte,  
Que l'un à l'autre enchainé se rapporte,  
Et s'empruntant d'un accord se refont,  
Et changeant d'un en l'autre s'en-reuont.

Or tout ainsi que le corps sans vne ame  
(Ameurgeon de la diuine flame)  
Ne pourroit viure, ains mourroit sans auoir  
Vn esprit vif qui le corps fait mouuoir,  
Et chaud & prompt par les membres a place;

Ainsi la grande vniuerselle masse  
 Verroit mourir ses membres discordans,  
 S'elle n'auoit un esprit au dedans  
 Infus par tout qui l'agite & remue,  
 Par qui sa course en vie est maintenue,  
 Esprit actif meslé dans le grand Tout,  
 Qui n'a milieu, commencement, ny bout.

Des elemens, corruptible matiere,  
 Et du grand Dieu dont l'essence est entiere,  
 Incorruptible, immortelle & qui fait  
 Viure par luy tout ce Monde parfait,  
 Vient nostre genre, & les poissons qui noüent  
 Et les oiseaux qui parmi l'air se ioüent,  
 Les habitans des bocages ramez,  
 Et les metaux sous la terre enfermez,  
 Voire du Ciel les diuerses puissances,  
 Tous les Démons, & les Intelligences  
 Vont de ces deux comme nous se formant,  
 De Dieu l'esprit, le corps de l'element.  
 De là nous vient la tristesse, & la crainte,  
 De là la ioye en nos cœurs est emprainte,  
 L'amour, la haine, & les ambitions:  
 De là se font toutes nos passions.

Or de nos corps la qualité diuerse  
 Empesche & nuit que nostre ame n'exerce  
 Sa viue force enclose en la maison  
 De terre, ainçois la bourbeuse prison  
 Des membres lourds, qui la chargent & pressent,  
 Et vers le Ciel retourner ne la laissent,  
 Tant le fardeau terrestre & ocieux  
 Ne luy permet de reuoler aux Cieux.  
 Elle d'en haut nostre hostesse venue

Est par contrainte ici bas detenue,  
Où n'employant sa premiere vigueur,  
Par habitude & par trait de longueur  
Consent au corps, Et faut qu'en despit d'elle  
S'estant infuse en la chair corporelle  
Elle se souille & honnisse aux pechez  
Dont les humains ont les corps entachez.

Or quand la Mort aux hommes familiere  
Disipe au vent nostre douce lumiere,  
L'ame pourtant apres le froid trespas  
Laisant son corps son taq ne laisse pas  
Ny sa souilleure : elle emporte l'ordure  
Empreinte en soy qui longuement luy dure:  
Pource aux Enfers comme un songe leger  
Elle deualle à fin de se purger  
Et nettoyer la macule imprimée  
Qu'elle receut dans le corps enfermée.

En l'air, en l'eau, par le feu, dans le vent  
Vont expiant Et purgeant & lavant.  
Les vieux delits de leurs fautes commises  
A l'examen de Rhadamant' soumises.  
En ces tourmens ardans & violans  
L'une est mille ans, & l'autre deux mil ans,  
L'autre trois mil, & ne sont soulagées  
Qu'elles ne soient parfaitement purgées,  
Et que la tache adherante ne soit  
Nette au souffrir du mal qu'elle recoit.

Quand un long tour de siecles Et d'années  
A pieds glissans pas à pas retournées  
Ont nettoyé la macule, Et ont fait  
L'esprit diuin estre pur & parfait,  
Et que le feu de tres-simple nature

N'estient plus rien de la terrestre ordure,  
 Tout aussi pur comme il estoit alors  
 Que pur & simple il vint en nostre corps:  
 Adonc Mercure à la verge d'yuoire  
 Les assemblant au fleuve les fait boire,  
 Fleuve qui fait toute chose oublier:  
 Car autrement ne se voudroient lier  
 A nouveaux corps, & ne voudroient plus estre  
 Pour r'acquérir des maux par tant renaistre.

Ainsi qu'aigineaux en troupes amassez  
 Par le baston de Mercure poussez  
 Les ames vont sur la rive guidées.  
 Boire le fleuve à friandes ondées:  
 Puis à l'instant perdent tout souvenir,  
 Après l'eau beuë ils sentent reuenir  
 Nouveaux desirs de reuoir la lumiere,  
 Pour leur reioindre à leur masse premiere.

A-tant se teut : Francion tout soudain  
 Prend vn couteau au manche fait d'airain,  
 Et d'une truie infertile & brehaigne  
 Ouure la gorge: en tombant elle saigne  
 A gros bouillons, dont le sang renuersé  
 Tiede fuma dans le creux du fossé,  
 Priant Mercure & les Sœurs Eumenides,  
 Noms crains là bas, vouloir servir de guides  
 A ces esprits qui denoient quelquefois  
 Venir aux corps des Monarques François.

Comme il disoit, entre soufres & flammes  
 Voici venir de l'abysme les ames:  
 Vn tourbillon tournoyant & fumeux,  
 Vn feu de poix resineux & gonimieux  
 Alloit deuant qui de puante haleine

Infestoit l'air le taillis & la plaine  
Avec grand son, comme un tonnerre bruit  
Qui rompt grondant l'espeſſeur d'une nuit.  
Ce iour Hecate aux Enfers redoutée  
Les reueſtit d'une forme empruntée,  
D'un corps fantaſque, esblouyſſant les yeux  
Faiſt d'air eſpau pour les cognoiſtre mieux.

Adonc Frantus ayant l'ante frappée  
De froide peur, au poing ſaque l'eſpée  
Les menagant: puis ſe tirant à part,  
Sur un terreau qui pendoit à l'eſcart  
Pour mieux pouuoir leurs viſages cogneſtre,  
ſçauoir leurs noms, leurs forces & leur eſtre;  
Les contemplant, & comme tout tranſi  
Appelle Hyante & luy demande ainſi.

Quel eſt celui de royale apparence  
Qui d'un grand pas tous les autres deuance,  
Et d'Olinier ſe couronne le front?  
Elle luy diſt; C'eſt le bon Pharamond,  
Qui ralentant la hardieſſe & l'ire  
Des vieux Germains nourris ſoubs Marcomire,  
Et le boullon d'endoffier le harnois,  
Adoucira les armes par les loix,  
Et la fierté Sicambroiſe & Seythique  
Prendra ſoubs luy l'ordonnance Salique,  
Pour refroidir du chant meſtier de Mars  
Le cœur ſelon de ſes braues ſoudars.

Quel eſt ce Prince appuyé d'une hache  
Qui tout ſon cheſ ombrage d'un panache,  
Au front ſeuere, aux yeux gros, & ardans,  
A longue barbe, à longs cheueux pendans,  
Qui rien qu'horreur ne monſtre en ſon viſage?

C'est Clodion, qui l'ocieux courage  
Des peuples siens reschauffera d'ardeur,  
Les emplissant de force & de vigueur,  
Deuant courage à leurs masles poitrines  
Pour surmonter les Prouinces voisines.

Luy tout bouillant du feu de guerroyer,  
Enfant de Mats, doit vn iour foudroyer  
L'orgueil Romain: puis d'une vertu vine  
Du Rhin Gaulois outrepasser la riuë,  
Et la forest Charbonniere percer.

A forte main doit vn iour renuerser  
Les Turingeons, & la muraille ancienne  
De Mont, Cambray, & de Valenciennë,  
Et de Tournay, & doit rougir les bors  
De Somme chaude au carnage des morts:  
Doit bien auant en Gaule faire entrée:  
Nulle puissance en armes rencontrée  
Luy ny son camp supporter ne pourra:  
Comme vne foudre en Bourgogne courra,  
Vaincra Tholoze, Et les \* Gots d'Aquaine  
Comme sapins estendra sur la plaine:  
Puis en donnant exemple à ses neueux  
De liberté, portera longs cheneux,  
S'esioüissant pour remarque immortelle.  
Que Cheuclü toute Gaule l'appelle.

\* Les  
Gots  
qui ai  
uoiet  
con  
quis  
l'Aqui  
taine.

Quel est celuy qui marche le premier  
Après ces deux, au visage guerrier,  
Qui tient la face aux Astres elenée?  
C'est le vaillant & iuste Merouée,  
Aspre ennemy des Huns, qui descendront  
Plus dru que gresle, & par force prendront  
Pillant brulant à flammes cufumées.



(Mars tout sanglant conduira leurs armées)  
 Tréves, Coulougne, & mille forts chasteaux  
 Que le grand Rhin abreuue de ses eaux,  
 Et ru'ront Mets à l'egal de la terre:  
 Cruelle engeance indontable à la guerre.  
 La mer ne tette aux bords tant de sablons,  
 Que de Germains hideux en cheveux blons  
 S'amasseront trope venant sur trope  
 Pour mettre à sac l'Occidentale Europe  
 Sous Attila cruel Prince inhumain,  
 Extreme fleau de l'Empire Romain.

Contre un tel peuple espoisonné de rage,  
 Tout acharné de meurdre & de courage,  
 Craint comme foudre à trois pointes tortu,  
 Ce Mérouée opposant sa vertu  
 Aupres Chalons doit atterrer l'audace  
 De ces felons : menu dessus la place  
 L'un dessus l'autre adentex tomberont,  
 Les vieux corbeaux leurs corps en-tom bcront,  
 Et des mastins les gorges affamées  
 Qui vont fleurant le meurtre des armées.

Luy le premier suivi de ses Troyens,  
 Regagnera les bords Parisiens,  
 Sens, Orleans & la coste de Loire.

Puis de ton nom, Francus, ayant memoire,  
 Le nom de Gaule en France changera:  
 Ton sang trahy par armes vangerà,  
 Et nul des tiens chargé de tant de proye  
 Ne doit pousser si hant le nom de Troye,  
 Vaillant Monarque, invincible, invaincu,  
 Victorieux : autour de son escu  
 (Frayeur, horreur des guerres eschaufées)

Naiſtront Lauriers, & Palmes, & troſées,  
 Et le premier fera voir aux François  
 Que vaut l'honneur acquis par le harnois,  
 » Puis il mourra : car toute choſe née  
 » Eſt en naiſſant à la mort deſtinée.

De ſon grand nom les vieux Sicambriens  
 Seront long temps nommez Merouecns,  
 Et ſes vertus auront tant de louanges,  
 Qu'aimé des ſiens, redouté des eſtranges  
 Apres ſa mort d'inuiolable loy  
 Nul tant ſoit preux n'aura l'honneur de Roy  
 Portant au chef la couronne éléuée,  
 S'il n'eſt yſſu de la gent Merouée.

L'autre qui vient baiſſant un peu les yeux  
 Enſemble triſte & enſemble ioyeux  
 Eſt-il des miens ? dy le moy ie te prie.  
 C'eſt Childeric Roy de mauuaiſe vie:  
 Ord de luxure, infet de volupté,  
 Au cœur paillard des vices ſurmonté,  
 Prince prodigue execrable en deſpenſes,  
 Qui pour fournir à ſes folles boubances  
 Dedans ſa gorge engloutira les os  
 De ſes ſuiets, doublera les impos,  
 Tailles, tributs, & de ſi orde iniure  
 Faſte aux François nourrira ſa luxure  
 Il raura des pucelles la fleur,  
 (Honte aux parens, des peres la douleur!)  
 Et ſera plein de telle nonchalance,  
 Que deniant aux peuples audience  
 Perdra en vain\* les filles du Soleil,  
 Sans voir iamais ny Palais ny conſeil.  
 Pource la France à l'enui comurée

\*Les  
 heures.

Contre sa vie ainsi de finesurée;  
 Le chassera de son throne royal:  
 Fuira banni vers son ami loyal  
 Roy d'Austrasie; où suivant son usage  
 Sans réuerer le saint droit d'hostelage  
 Et Iupiter protecteur d'amitié;  
 Opiniastre en toute mauuaistié,  
 (Dieux destournez un acte tant infame  
 Du cœur des Rois!) luy honnira sa femme  
 Pour le loyer de l'auoir bien recen.  
 L'homme courtois aisément est deceu!

Il doit apres par entreprises hautes  
 Se corriger, & amender ses fautes  
 Pour effacer de ses pechez le nom:  
 Braue au combat, ne taschera sinon  
 Que la vertu par les armes sumie  
 Perde le bruit de sa premiere vie.

Son bras armé du Rhin se saisira:  
 Les fiers Saxons en bataille occra;  
 Il tu'ra Paul de nation Romaine;  
 Et d'Orleans tirant iusqu'au domaine  
 Du riche Aniou, hazardeux aux dangers  
 Se fera Roy victorieux d'Angers,  
 Et des Romains les armes estoufées  
 Au Dieu de Loire appendra pour trofées.

Vois-tu Clouis grand honneur des Troyens?  
 Qui le premiet abhorrant les Payens  
 Et des Gentils les menteuses escoles,  
 Pour suiure Christ laissera ses idoles,  
 Donnant baptesme aux François desuoyez?  
 Et lors du Ciel luy seront enuoyez  
 Vn Oriflame, estendart pour la crainte.

De ses haineux, Et l'Amouille tressainte  
Huile sacrée onction de tes Rois.

Ses estendars deshonnorez de trois

Crapaux, prendront pour merques honorées

En champ d'azur des Fleurs de Lis dorées,

Present du Ciel: Dieu qui le choisira,

De cœur, de force, Et d'honneur l'emplira.

Luy conduisant une gaillarde armée

(Sans voir que peut la Fortune emplumée)

Outre le Rhin contre les Alemans

Peuples hardis, aux guerres vehemens,

Sera pressé d'une si grande suite,

Que tout honteux de penser en la suite

En son peril aura recours à Dieu:

Lors s'eslançant furieux au milieu

Du camp haineux, de sa Françoisse espée

Rendra de sang la campagne trempée,

Tu'ra leur Roy, Et des peuples dontex

Tributs chaque an luy seront appartex.

Lors enrichi des despoilles conquises

Au nom de Christ bastira des Eglises.

Puis se chargeant (comme Prince invaincu).

Le front de Palme Et le bras de l'Escu,

Ira de Vienne aborder le rivage.

Vn Cerf chassé monstrela le passage

Au camp François grand miracle divin!

Pres de Poitiers fera trembler le Ciel

Dessous ses pieds, ahurrant de furie

Alaric Roy des peuples de Gothie.

Desia le vent branle les estendars,

Pied contre pied se fient les soudars

Ioyeux de sang: tout le cœur leur bouillonne,

Vne pouſſiere en rond les environne,  
Et ſans relasche au milieu des travaux  
Sont renuerſez cheualiers Et cheuaux.

Le Roy Clouis ardent à la conqueſte  
Perçant ſon camp oppoſera ſa teſte  
Contre A'aric : là d'un cœur hazardeux  
Ces puiſſans Rois s'affronteront tous deux.  
Comme Lions, ou pluſtoſt comme ſouſſrés.  
Sous leurs cheuaux deux tourbillons de poudres  
Noirciront l'air, & ſans auoir repos  
Ici Clouis, ici le Roy des Gots  
Pouſſez, tournez de fortune diuerſe,  
Seront portez tous deux à la renuerſe.  
Le mol ſablon imprimera leurs corps:  
Haleine priſe, Et releuez plus forts  
Se martellant eſpandront ſur la place  
Gréues, cuiſſôts, morions, & cuirace,  
Suans tous deux de colere Et de coups:  
Mais Clouis plein d'un genereux courroux  
Fera du Gots une victime à Proſerpine,  
D'une grand' playe enfonçant ſa poitrine.  
Ainſi Clouis Alaric occira:  
L'ame Gothique aux enfers s'en ira.  
Son corps tombé bruira ſur la pouſſiere  
Comme un Belier, qui ſur une riuere  
Congne des pourceux, le fondement d'un pont.  
Le ſleuue en bruit, tout le Ciel luy reſpond.  
De ce grand Roy l'acquiſe renommée  
Sera ſi large & ſi au loing ſemée,  
Que ſes enfans ne ſeront maintenus  
En leur grandeur, que pour eſtre venus  
D'un pere ſel, lequel durant ſa vie

Ne vaincra pas tant seulement l'enuie  
 Des Rois vassaux à son glaiue pointu,  
 Mais si fameuse estendra sa vertu,  
 Qu'en seueli dessous la terre sombre  
 Fera trembler les Princes de son ombre:  
 Et plus pourrônt en la tombe enfermez  
 Ses os, qu'un camp de grands Princes armez.  
 Voy Childebert & Clotaire son frere,  
 Qui tous ardans d'une iuste colere  
 Que Gondébaud, comme Prince cruel  
 Aye meurdry leur oncle maternel,  
 Dessus son fils Sigismond de Bourgongne  
 De telle mort vengeront la vergongne.  
 Les Rois unis & leurs camps compagnons  
 Feront la guerre ensemble aux Bourguignons,  
 Les accablans d'une serue misere,  
 Gratifiens aux larmes de leur mere,  
 Qui sousspiroit de ne voir point vengé  
 Le corps Royal de son pere outragé.

Ce Childebert & Clotaire grands Princes  
 Pour augmenter les bords de leurs prouinces,  
 Rompant apres la nature & la loy,  
 » (Entre les Rois iamaïs ne vit la foy,  
 » Tant le desir de regner leur commande)  
 Freres germains, suivis d'une grand' bande  
 D'hommes armez, partiaux, & meschians,  
 Voudront helas! de leurs glaiues trenchans  
 S'entre tuer, & rougir les batailles  
 Du sang tiré de leurs propres enrailles.  
 Mais sur le point qu'ils voudront s'assuillir,  
 Voicy du iour la lumiere faillir:  
 Neiges, & vents, & tourbillons, & gresle

Du Ciel creué tomberont peste-meste  
 Entre-semez de foudres & d'esclairs:  
 Hommes, cheuaux, morions & bouclairs  
 Seront frappez d'un orageux tonnerre.  
 Un tel miracle appaisera la guerre  
 De ces germains: le bon Dieu l'a permis:  
 Puis de haineux deuenus bons amis,  
 Freres de sang & de cœur sans rancune  
 Ramasseront leurs puissances en vne,  
 Fiers aux combats, inuaincus cheualiers:  
 Puis en poussant milliers dessus milliers  
 D'hommes armex, par hautes destinées  
 Iront gaigner les cymes Pyrenées,  
 Princes hardis, mespriseurs de trauaux.  
 Les môtz d'Espaigne au bruit de leurs cheuaux  
 Retentriront, Et le cours des riuieres  
 Sera humé de leurs troupez guerrieres.

Lors Alaric Roy des Gots qui uendra  
 Sous luy l'Espaigne, arduant les assandra  
 (Nouveau fuzil de l'ancienne noise).  
 Mais pour neant: car la vertu François  
 Se bandant toute Et de venes & d'os  
 Fera broncher sur la poudre les Gots.  
 Leur Roy voyant sa puissance coupée  
 Du fer Gaulois, sçaura que vaut l'espée  
 De Childebert, qui luy persant la peau,  
 Costes, Et cœur, ira usqu'au pommeau  
 D'une grand' playe en la poitrine ouuverte  
 Auec le sang fuira l'ame deserte  
 Du corps: Gothiq, qui grinceant maudira  
 De quoy si tost son printemps s'en ira.  
 Eux annoblis d'une gloire eternelle,

Viendront reuoir leur terre paternelle:  
 Puis sans enfans des viellards le confort,  
 Comme tous Rois serout pris de la Mort.

L'autre d'après qui tout morne se füsche,  
 Qui tient sa gorge Et qui marchant remasche  
 Mainte menace & resue tout à soy,  
 C'est Childeric indigne d'estre Roy,  
 Mange-suiet tout romlé d'un arice,  
 Cruel tyran, seruiteur de tout vice,  
 Lequel d'impôts son peuple destraira:  
 Ses citoyens en exil bannira

Affamé d'or, & par armes contraires  
 Voudra rair la terre de ses freres,  
 N'aimant personne Et de personne aimé:  
 Qui de putains vn ferrail affamé:  
 Fera mener en quelque part qu'il aille,  
 Soit temps de paix ou soit temps de bataille:  
 En voluptez consommera le iour,  
 Et n'aura Dieu que le ventre & l'amour.  
 Tel Prince semble au pourceau qui se veautre  
 En vn boubrier: vn plaisir tire l'autre.  
 De ça le Ciel par signes le prestchoit  
 Que d'un tel Roy la vie le füschoit.

Les escoliers n'auront les benefices,  
 Les gens de bien ny honneurs ny offices  
 Tout se fera par flatteurs eshontez,  
 Et les vertus seront les voluptez:  
 Iamais les vents la terre ne creueront  
 En plus de lieux: iamais ne s'eleueront  
 Plus long s cheueux de Cometes aux Cieux,  
 De son malheur monstres presageux.

Et toutes fois poir des menaces hautes



Du Ciel creusé tomberont peste-meste  
 Entre-semez de foudres & d'esclairs:  
 Hommes, chevaux, morions & bouclairs.  
 Seront frappez d'un orageux tonnerre.  
 Un tel miracle appaisera la guerre  
 De ces germains: le bon Dieu l'a permis:  
 Puis de haineux deuenus bons amis,  
 Freres de sang & de cœur sans rancune  
 Ramasseront leurs puissances en vne,  
 Fiers aux combats, inuaincus cheualiers:  
 Puis en poussant milliers dessus milliers  
 D'hommes armex, par hautes destinées  
 Iront gagner les cymes Pyrenées,  
 Princes hardis, mespriseurs de trauaux.  
 Les môtz d'Espaigne au bruit de leurs cheuaux  
 Retentiront, & le cours des ruiexes  
 Sera humé de leurs troupez guerrieres.

Lors Alaric Roy des Gots qui tiendra  
 Sous luy l'Espaigne, ardent les assandra  
 (Nouveau fuzil de l'ancienne poise).  
 Mais pour neant: car la vertu François  
 Se bandant toute & de venes & d'os  
 Fera broncher sur la poudre les Gots.  
 Leur Roy voyant sa puissance coupée  
 Du fer Gaulois, sçaura que vaut l'espée  
 De Childebert, qui luy persant la peau,  
 Costes, & cœur, ira usqu'au pommecail  
 D'une grand' playe en la poitrine ouuverte:  
 Avec le sang fuira l'ame deserte  
 Du corps: Gochiq, qui grinceant maudira  
 De quoy si tost son printemps s'en ira  
 Eux annoblis d'une gloire eternelle,

Viendront reuoir leur terre paternelle:  
 Puis sans enfans des viellards le confort,  
 Comme tous Rois seront pris de la Mort.

L'autre d'après qui tout morne se fâsche,  
 Qui tient sa gorge Et qui marchant remâsche  
 Mainte menace & resue tout à soy,  
 C'est Childeric indigne d'estre Roy,  
 Mange-suiet tout romillé d'un arice,  
 Cruel tyran, seruiteur de tout vice,  
 Lequel d'impôts son peuple destruira:  
 Ses citoyens en exil bannira

Affamé d'or, & par armes contraires  
 Voudra rair la terre de ses freres,  
 N'aimant personne Et de personne aimé:

Qui de putains un ferrail diffamé:  
 Fera mener en quelque part qu'il aille,  
 Soit temps de paix ou soit temps de bataille:  
 En voluptez consommera le iour,  
 Et n'aura Dieu que le ventre & l'amour.

Tel Prince semble au pourceau qui se veautre  
 En un boubrier: un plaisir tire l'autre.

Desjà le Ciel par signes le preschoit  
 Que d'un tel Roy la vie le fâchoit.

Les escoliers n'auront les benefices,  
 Les gens de bien ny honneurs ny offices  
 Tout se fera par flatteurs eshontez,  
 Et les vertus seront les voluptez.

Iamais les vents la terre ne creueront  
 En plus de lieux: iamais ne s'eleueront  
 Plus longs cheueux de Cometes aux Cieux,  
 De son malheur monstres presageux.

Et toutes fois pour ces menaces hautes

Ce meschant Roy n'amendera ses fautes:  
 Mais tout superbe en vices endurci,  
 Contre le Ciel élevant le sourci,  
 (O cœur brulé d'infame paillardise!)

Estantiffra. contre sa foy promise,  
 (En honnissant le saint liét nuptial)  
 Sa propre espouse & sponx tresdesloyal.

Ny liét ny foy ny la nuit amoureuse  
 Ne défendront Galfond malheureuse,  
 Qu'en luy pressant le gosier de sa main  
 Ne la suffoque, homicide inhumain:

Acte d'un Scythe & non d'un Roy de France,  
 Lequel devoit s'opposer en defense  
 Pour la sauver, Et luy-mesmes s'offrir  
 Plustost cent fois à la mort, que souffrir

De voir sa femme ou captine ou touchée:  
 Et toutesfoi& auprès de luy couchée,  
 Jointe à son flanc, le baisant en son liét,  
 Seure en ses bras, l'estranglera de nuit.

Cruel tyran! à qui dessus la teste  
 L'ire de Dieu pend desja toute preste:  
 Son propre sang son crime lavera,  
 Et sa putain sa femme vengera:

Ah! apprenant aux despens de sa vie  
 Que l'homme est fol qui aux putains se fie.

Or elle ayant assoté son mari  
 Pour mieux iouir de son ribaud Landri  
 Qui du Royaume avoit toute la charge,  
 Folle d'amour, à deux meurdriers en charge  
 A son retour de la chasse bien tard  
 De luy percer la gorge d'un poignard.  
 Ainsi mourra par les mains de sa femme

Ce Chilperic des Princes le diffame.

Elle sans peur ny de Dieu ny de lois,  
Toute effrontée, ayant encor les dois  
Rouges du sang de son mari, pour taire  
Par un bras fait le meurdre Et l'adultere,  
Ira guerrière au milieu des combas,  
Tiendra son fils de trois mois en ses bras,  
Traistre pitié pendant à sa mammelle,  
Dont son paillard aura pris la tutelle.  
Puis ceste Roine abominable, ainçois  
Ceste Furie execrable aux François,  
De qui la teste attendoit le supplice,  
Comme si Dieu fauorissoit le vice,  
Viura sept ans en pompes Et honneur  
Avec Landri, des François gouverneur:  
Et qui pis est, morte on la fera Sainte.  
» Ainsi tout va par fraudes Et par sainte.

L'autre qui suit est Clotaire son fils,  
Par qui seront les Saxons desconfis,  
Ne souffrant viure en leur terre occupée  
Masle debout plus grand que son espée,  
Sage guerrier, victorieux Et fort,  
Qui pour l'honneur mesprisera la mort.

De Brunehaut Princesse misérable  
Doit chastier la malice execrable.  
Iambes Et bras à deux cheneaux tirez  
Ses vieux cheucux des ronces deschirez  
Seront espars, comme flocons de laine  
Que la Brebis a laissé sur la plaine  
Par les chardons aux poignans hameçons,  
Et de son sang rougiront les buissons.  
» Rien si malin qu'une femme peut naistre,

Ny rien si bon, quand bonne elle veut estre.

Ce gentil Prince entre ses nobles faits  
 Voyant ses gens en bataille desfaits,  
 Et Dagobert son fils iusqu'à la taye  
 Couure-cœur en, atteint d'une grand' playe  
 Perdre le sang en longue pasmaison,  
 Reuestira son chaue poil grison  
 D'un morion armes de la ieunesse,  
 Et tout son corps refroidi de vieillesse  
 Reschaufiera d'un cœur ieune Et gaillard:  
 Puis en brossant les flancs de son Bayard,  
 Chaud de colere Et de vengeance fiere,  
 Passant à nou le fil d'une riuere  
 Ira trouuer le Roy sur l'autre bord  
 Qui se mocquoit de son fils demi-mort.

Alors ces Rois d'un valeureux courage  
 Front contre front sur le premier riuage  
 S'acharneront comme lions au combat.  
 Le bon Coloaire à la rennerse abat  
 Son ennemi, Et sa teste coupée  
 Embroche droite au bout de son espée  
 Auec grans cris repassant vers les siens:  
 Aste Gaulois Et digne des Troyens,  
 De siecle en siecle à iamais memorable,  
 Tant vaut un pere à son fils pitoyable!

L'autre qui vient en magnifique arroy,  
 Qui de main tien represente un grand Roy,  
 Est-il des miens? dy-le moy ie te prie.  
 C'est Dagobert fleur de Cheualerie:  
 En sa ieunesse aura le cœur hautain,  
 Reu'sche en mœurs, coupera de sa main  
 (Aste impiteux) la barbe de son maistre.

Puis par le temps venant son âge à croistre,  
 De Prince fier demendra gracieux,  
 Tant seulement en deux poincts vicieux,  
 L'un de nourrir par trop de concubines,  
 L'autre de faire excessives rapines  
 Sur mainte Eglise, à fin d'enrichir un  
 Monstier à part du reuenu commun:  
 Au reste grand, qui sera sans contrainte  
 L'amour des siens, de ses voisins la crainte:  
 Qui les Lombars par guerres destruira:  
 Qui les Gascons rudement punira,  
 Et qui rendra la nation seruite  
 Des Poiteuins, & qui Poitiers leur ville  
 Saccagera par glaines. Et par feux,  
 Et la fera labourer par des bœufs,  
 Semant du sel où furent ses murailles:  
 Qui destruira les Hongres par batailles  
 Tranchant au fer tant de peuples armex,  
 Des os des morts les champs feront semex,  
 Et les cheuaux nageront jusqu'au ventre  
 Souillez de sang: la riuiere qui entre  
 Dedans la mer, à peine par ses bords  
 Pourra couler, tant elle aura de morts.

Luy tout enflé de gloire militaire  
 Rendra sous luy Bretaigne tributaire,  
 Et leur Royanme en Duché changera.  
 Tout au contraire ami deschargera  
 (Aux vns hautain, aux autres de bonnaire)  
 Les siers Saxons surmontex par son pere,  
 De trois cens bœufs qu'ils deuoient tous les ans:  
 Puis destiant de ses membres pesans  
 L'ame legere, après mainte victoire

Rendra son nom d'eternelle memoire,

L'autre qui suit d'honneur environné,

Qui a le front de palme couronné,

Qui ja les Turcs menace de la guerre,

Sera Clouis lequel ira conquerre

Hierusalem & les Sceptres voisins

D'Egypte iointe aux peuples Sarrazins:

Puis retourné victorieux en France,

De ses enfans punira l'arrogance,

Qui par flatteurs par ieunes gens deceus

Vers celle ingrats, qui les auoit conceus,

De tout honneur degraderont leur mere,

Et donneront la bataille à leur pere.

Leur mere adonc, ah! mere sans merci,

Fera boüillir leurs iambes, & ainsi

Tous mehaignex les doit ietter en Seina

Sans guide vont où le fleuve les meine

A l'abandon des vagues & des vens,

Grane supplice! afin que les enfans

Par tel exemple apprennent à ne faire

Chose qui puisse à leurs parens desplaire.

Bien que ce Roy soit magnaime & fort,

Soit aumosnier, des pauures le support

Pourtant son ame aux vices inclinée,

De trop de vin se verra dominée.

L'amour la guele & les plaisirs qui font

Rougir de honte vn Prince, le feront

Esclaue Roy de vilaine luxure,

Trompant son nom, soy mesme & la nature.

Voyez en ceux-ci qui abaissent les yeux

Honteux de voir la lumiere des Cieux,

Qui ne deuroient au Monde iamaïs naistre,

Ny moins auoir Hector pour leur ancestre?  
 Clotaire est l'un, & l'autre est Childeri,  
 Theodoric l'autre en delices nourri,  
 Trois fai-neants, grosses masses de terre,  
 Ny bons en paix, ny bons en temps de guerre,  
 La mandisson du peuple despité,

L'un pour souiller son corps d'oisiueté,  
 Pour n aller point au conseil, ny pour faire  
 Chose qui soit au Prince necessaire,  
 Pour ne donner audience à chacun,  
 Pour n auoir soin de soy ny du commun,  
 Pour ne voir point ny Palais ny Iustice,  
 Mais pour roüiller sa vie entre le vice,  
 Traistre à son peuple & à soy desloyal,  
 Sans plus monter en son throne royal,  
 Ains le fraudant de son naturel guide,  
 A Esbrouin en laschera la bride,  
 Et le fera soit en guerre ou en paix  
 Chef du Conseil & Maire du Palais.

Cest Esbrouin aura soin des batailles,  
 De la finance & d'augmenter les tailles,  
 Et de respondre à tous Ambassadeurs:  
 Et son estat aura tant de grandeurs  
 Comme chargé d'une peine honorable,  
 Qu'il deuendra si craint & redoutable  
 (En ce-pendant que les Rois amusez  
 A boufonner, des femmes abusez,  
 Sans nul conseil, trahis de leur plaisance,  
 Sont Rois de nom, Esbrouin de puissance)  
 Qu'en peu de iours ces Maires approuuez  
 De tout le peuple, aux honneurs eleuez,  
 Puissans de faits, de parole & d'audace,



Des premiers Rois aboliront la race,  
 Et se feront d'autorité pourueus  
 Eux-mesmes Rois, leurs fils & leurs neueus.  
 Pource Troyen, ne commets telle faute,  
 » N'elue point en dignité trop haute  
 » Quelque vassal : ton dommage en depend.  
 » Quand vn Roy faut, trop tard il s'en repent.

L'autre second de luxure tout palle  
 Perdra long temps sa dignité royale,  
 Et sans egard à son sang descendu  
 De tant de Rois, sera Moyne tondue  
 Et r'enfermé dedans vn Monastere.

Le tiers qui vient pensif & solitaire,  
 De ses suiets comme peste liay,  
 A contre-cœur des Seigneurs obey,  
 Chaud de colere, à régner mal-habile,  
 Fera foëter le Cheualier Bodille  
 En lieu public lié contre vn posteau  
 Tout deschiré de veines & de peau.

Bodille plein d'un valeureux courage,  
 Tousiours pensif en si vilain outrage,  
 Ne remaschant que vengeance en son cœur,  
 Lairra couler quelque temps en longueur:  
 Puis sans respect de Sceptre ou de Couronne  
 (Tant le despit furieux l'espoingonne)  
 Tout allumé de honte & de fureur)  
 Fera payer à ce Roy son erreur  
 Par son sang propre, enrou gissant sa dextre  
 Dedans le cœur de son Prince & son maistre,  
 Et d'un tel fiel sa vengeance emplira,  
 Que le Roy mort, la Royne il occira  
 Et son enfant enclos en ses entrailles.

» Il faut qu'un Roy soit cruel aux batailles,  
 » Mais doux aux siens: il faut que la fierté  
 » Soit aux Lions, aux Princes la bonté  
 » Comme mieux-nex, & qui ont la nature  
 » Plus pres de Dieu que toute creature.  
 Ce Roy doit estre abusé par flatteurs  
 Peste des Rois, courtizans & menteurs,  
 Qui des plus grans assiégeans les oreilles,  
 Font les discrets & leur content merveilles.  
 Pource Francus, si le Ciel te fait Roy,  
 Sage entretiens des vieillars pres de toy,  
 Qui te diront leurs raisons sans feintise  
 En longs cheveux en longue barbe grise.

Ne vueilles point pour Conseillers choisir  
 Ces ieunes fols qui parlent à plaisir.  
 Le plus souvent les Princes s'abestissent  
 De deux ou trois que mignons ils choisissent,  
 Vrais ignorans qui sont les suffisans,  
 Qui ne seroient entre les artizans  
 Dignes d'honneur, grosses lames ferrées  
 Du peuple simple à grand tort honorées,  
 Qui vivent gras des Edits & des maux  
 Que les Rois font à leurs pauvres vassaux.  
 Tant la faueur qui les fautes efface,  
 Fait que le sot pour habile homme passe!

Quelle fureur, qu'un Roy pere commun  
 Doine chasser tous les autres pour un  
 Ou deux ou trois? Et blesser par audace  
 Un malle cœur issu de noble race,  
 Sans regarder si le flatteur dit vray?  
 Ce Childeric doit cognoistre à l'essay  
 Le mal qui vient de croire à flaterie,

Perdant d'un coup femme, enfant & la vie.

Voy Francion, ces autres Rois captifs  
De vin, d'amour, des vices les outils,  
Qui abestis en un monceau se pressent,  
Et le regard contre la terre baissent.  
Vne grand' nue esparse sur leur front  
Les obscurist : regardé comme ils vont  
Effeminez, & d'une allure lente  
Monstrent au front une ame nonchalante.  
Ah malheureux! ils seront fils des tiens,  
Germe maudit, Troyennes non Troyens:  
Qui tant s'enfant qu'ils soient en France dignes  
D'avoir au chef les couronnes insignes,  
Qu'ils ne soient pas peste du genre humain,  
Dignes d'avoir l'aiguillon en la main.

Rois sans honneur, sans cœur, sans entreprise,  
Dont la vertu sera la paillardise.  
Leur beau Royaume acquis par le harnois :  
De tant d'ayeux trefinincibles Rois,  
Par la sueur de tant de Capitaines,  
Par sang, par fer, par discours, & par peines,  
Tout en un iour par lascheté de cœur  
Perdra puissance, accroissance, & vigueur!  
Ne vois-tu pas comme Clouis en pleure?

» Tay-toy grand Roy, rien çà-bas ne demeure  
» En son entier : tant plus le Sceptre est haut,  
» Et plus il tombe à terre d'un grand saut.

Ces Rois hideux en longue barbe esparse,  
En longs cheveux ornez presse sur presse  
De chaisnes d'or & de carquans grassez,  
Hauts dans un char en triomphe eleuez  
Vne fois l'an se feront voir en pompe

Enflez d'un fard qui le vulgaire trompe,  
 Quittant leur Sceptre aux Maires du Palais,  
 Dont ils seront esclaves & valets,  
 Masques de Rais, idoles animées,  
 Et non pasteurs ny Princes des armées,  
 Qui se verront honnis de voluptez,  
 De leurs vassaux à la fin surmontez.

Appren, Troyen, comme un lasche courage  
 Perd en un jour son Sceptre & son lignage.

» Il ne faut estre aux affaires retif:

» La Royauté est un mestier actif.

Voy Chilperic le dernier de la race  
 De l'Pharamond, comme il baisse la face,  
 Moyne raze pour sa lubricité,  
 Vn fai-neant moisi d'oisiveté,  
 Qui ja ce semble aux plaisirs s'abandonne.

Cestuy perdra le Sceptre & la Couronne  
 Du grand Clouis, & son Maire Pepin.

S'en fera Roy par ne sçay quel Destin,

En transférant l'ancien Diademe

De la maison de son maistre à soy-mesme.

Bien qu'à grand'peine ait quatre pieds de corps,

Bas de stature, & de membres peu forts,

Il aura l'ame active & vigoureuse:

Et de conseil & de prudence heureuse.

Il dontera la force des plus grans.

Pource Francus par tel exemple apprens:

» Que tout Royaume augmente en accroissance

» Par la vertu, Et non par la puissance:

» Et que Dieu seul qui toute chose peut,

» Perd & maintient les Sceptres comme il veut,

» Pour les garder l'honneur en vain se trauailler.

» Car c'est luy seul qui les oste & les baille.

Qui sont ces deux qui vont marchant à part?

Qui de la troupe eslongnez à l'escart.

Discourent seuls de grans propos ensemble?

A voir leur port l'un & l'autre me semble

Sage guerrier, & nul ne s'est monstré

De tant d'honneur ny de gloire illustré.

Celuy, Troyen, qui fait braire ses armes,

Grand Capitaine & pasteur de gens d'armes,

Qui ja la main sur une lance met,

Qui d'un panache ombrage son armet

Au fier maintien, au superbe courage,

Qui rien que Mars ne monstre en son visage,

Sera Martel gouverneur des François,

Non Roy de nom, mais le maistrs des Rois.

Iusques au Ciel sera monter l'Empire

Du nom Gaulois, & nul devant son ire

N'opposera ny lance ny escu,

Qu'il ne soit pris, ou fuitif, ou vaincu.

Voy quels Lauriers marques de sa conqueste,

Vont plus sur plus environnant sa teste!

Voy son maintien combien il est gaillard,

Et de quels yeux il enfonce un regard!

Il occira par bataille cruelle

Des sorts Saxons la nation rebelle:

Ceux de Baviere à mort desconfira:

Les Allemans tributaires fera

Iusqu'au Danube, & la terre Frixonne

Rendra suiette à sa riche Couronne.

Prendra d'assaut inueincu Cheualier,

Nismas, Marseille, Arles, & Montpelier,

Bexiers, Narbonne, & toute la Provençe

Fera seruite à son obeissance:

Prendra Bordeaux & Blaye, & tous les forts  
Que la Gironde arrouse de ses bords.

Voicy comme Eude Empereur d'Aquitaine,  
Les Sarrazins, peuple innombrable, amene  
Contre Martel, à la guerre conduits  
Par Abdirame antique sang des Iuifs,  
Qui d'Abraham & de Sarra sa femme  
Se vantera: ce cruel Abdirame,  
Cruel de port, de moustache, & de cœur,  
Des puissans Dieux & des hommes moqueur,  
Tout acharné de meurdre & de furie,  
Enflé d'orgueil, enflé de vanterie,  
Doit amasser les siens de toutes pars  
Femmes, enfans, vieux, & ieunes soldars,  
Valets, bouviers, marchans, à fin que l'on de  
D'un si grand ost effroye tout le Monde.

Ces Sarrazins au travail obstinez  
Oltre-passans les cloistres Pyrenez,  
Et file à file espuisans toute Espagne,  
Se planteront au pied de la campagne  
Auec grands cris, tels que les Grues font  
Quand quene à quene en ordre s'en re-vont  
Hautes au vent, & déhachant les nuës  
Vont reloger en leurs terres cognuës  
Fuyant l'hyuer: un cry tranchant & haut  
Se fait en l'air, tout le Ciel en tressaut.

La mer ne pousse aux rines tant d'areines,  
De tant de feux les voûtes ne sont pleines  
Au Ciel la nuët, que de peuples presse  
Dessous ce Roy se verront amassez.  
Ils tariront le coulant des fontaines.

Dessous leurs pieds feront trembler les plaines,  
Grands comme pins en hauteur esleuez;  
Prendront Bordeaux & les peuples lauez  
De la Gironde, & d'ardeur violante  
Viendront puiser les eaux de la Charante,  
Ne pardonnans à temples ny montiers:  
D'auares mains saccageront Poitiers,  
Razans chasteaux & villes enfermées,  
Et pres de Tours camperont leurs armées.

Là l'invincible, indontable Martel,  
Ne s'estonnant de voir un nombre tel,  
Mais d'autant plus ayant l'ame eschaufée  
Qu'il verra grand le gain de son trofée,  
Chaud de loüange, au peril hazardeux  
Ira planter son camp au deuant d'eux  
Les menaçant: la Déesse Bellonne

Conrra deuant, & Mars qui aiguillonne  
Le cœur des Rois, pour sauuer de mechef  
Ce vaillant Duc luy pendra sur le chef.

Ce iour Martel aura tant de courage,  
Qu'apparoissant en hauteur d'auantage  
Que de coustume, on le dira vestu  
D'un corps diuin renforcé de vertu.

Le sacré saint, l'hostie estant rompue  
Et departie à la troupe repeüe  
Du vray saint pan, chacun armé de Dieu  
S'arma de fer, Et s'arrange en son lieu.

Luy tout horrible en armes flamboyantes,  
Mesciant le fi fre aux trompettes bruyantes,  
Et de tabours rompant le Ciel voisin  
Esueillera le peuple Sarrazin,  
Qui l'air d'autour emplira de hurlées.

Ainsi qu'on voit les torrens aux valées  
Du haut des monts descendre d'un grand bruit,  
En escumant la raume se suit  
A gros bouillons, & maistrisant la plaine,  
Gaste des bœufs & des bouviers la peine:  
Ainsi courra de la fureur guidé  
Avec grand bruit ce peuple desbridé.

Or comme on voit alors qu'une tempeste  
D'un grand rocher vient arracher la teste,  
Puis la poussant & luy pressant le pas  
La fait rouler du haut usques à bas:  
Tour dessus tour, bond dessus bond se roule  
Ce gros morceau qui rompt, fracasse, & foule  
Les bois tronquez, Et d'un bruit vielant  
Sans resistance à val se va boulant.

Mais quand sa chute en tournant est roulée  
Jusqu'au profond de la creuse valée  
S'arreste coy: bondissant il ne peut  
Courir plus outre, Et d'autant plus qu'il veut  
Rompre le bord & plus il se courrousse,  
Plus le rempart le chasse & le repousse:  
Ainsi leur camp en bandes diuisé  
Ayant trouvé le peuple baptisé,  
(Bien qu'acharné de meurdre & de tuer)  
Sera contraint d'arrester sa furie.

Chacun de rang en son ordre se met,  
Le pied le pied, & l'armet touche l'armet,  
La main la main, & la lance la lance,  
Contre un cheual l'autre cheual s'eslance,  
Et le pïeton l'autre pïeton assaut.  
Icy l'adresse icy la force vaut,  
Sort & vertu peste-mesles s'assemblent:



Dessous les coups les armenres qui tremblent,  
 Font un grand son : Victoire qui pendoit,  
 Douteuse au Ciel, les combats regardoit.

Au mois d'Esté quand la pauvre famille  
 Du laboureur tient en main la faucille,  
 Et se courbant abat de son seigneur  
 Les espics meurs, des campagnes l'honneur:  
 Tant de moisson tant de blonde sauelle  
 L'une sur l'autre espais ne s'amoncelle  
 De tous costez esparse sur les champs,  
 Que de corps morts par les glaines tranchans  
 Seront meurdrys de la gent Sarrazine.  
 En moins d'un iour hostes de Proserpine  
 Iront là bas trois cens mille tuez,  
 L'un dessus l'autre en carnage ruez.

Mille ans apres les Tourangelles plaines  
 Seront encor de carcasses si pleines,  
 D'ox, de harnois, de vuides morions,  
 Que les bouviers en traçant leurs sillons  
 N'oïront sonner sous la terre ferue  
 Que de grands ox huerrez de la charrue.  
 Tel au combat sera ce grand Martel:  
 Qui plein de gloire Et d'honneur immortel  
 Perdra du tout par mille beaux trofées  
 Des Sarrazins les races estouffées,  
 Et des François le nom victorieux  
 Par sa proïesse ennoyrà insqu'aux Cieux.

L'autre est Pepin héritier de son pere  
 Tant en vertu qu'en fortune prospere,  
 Qui mari'ra la Iustice au harnois,  
 Et regira les siens par bonnes loïs.  
 Luy bas de corps; de cœur grand Capitaine,

Par neuf conflits assaillant l'Aquitaine,  
De Gaïfier occira les soudars:

Il rendra serf le Prince des Lombars  
Dontant sous luy les forces d'Italie.

Rome qui fut tant de fois assaillie,  
Sera remise en son premier honneur:

Par luy le Pape en deviendra Seigneur, I  
Et des François prendra son accroissance:

Tant le bon zèle aura lors de puissance!

Par cent combats, par cent mille façons

Doit renverser le peuple des Saxons,

Peuple guerrier des François aduersaire,

Et sous sa main le rendra tributaire.

La loy pendra sur son glaine pointu

Craint de chacun: tant vandra sa vertu

De la fortune heureuse accompagnée!

Sous luy faudra de Clouis la lignée,

Si qu'en perdant le sang tres-ancien

Des premiers Rois, fera naistre le sien,

Donnant lumiere à sa race nouvelle

Par les hauts faits de sa dextre immortelle.

„ N'espere rien au Monde de certain:

„ Ainsi que vent tout coule de la main:

„ Enfant d'Hector, tout se change & rechange:

„ Le temps nous fait, le temps mesme nous mange:

„ Princes & Rois & leurs races s'en-vont,

„ De leurs trespas les autres se resont.

„ Chose ne vit d'éternelle durée:


„ La vertu seule au Monde est assurée!

Fin du quatriesme liure de la  
Franciade.

## L'AVTHEVR PARLE.

*Si le Roy Charles eust veſcu,  
 J'euffe acheué ce long ouürage:  
 Si toſt que la Mort l'eust veincu,  
 Sa mort me vainquit le courage.*

*Nil intentatum noſtri liquere Poëta,  
 Nec minimum meruere decus, veſtigia trita  
 Auſi deferere, & celebrare domeſtica facta.*



ELEGIE SVR LE LIVRE DE LA  
CHASSE DV FEV ROY CHARLES  
IX. recucilly & ram assé par la di-  
ligence de Monseigneur  
de Villeroy.



Oit que ce livre icy ne vîne qu'un  
Printemps,  
Soit qu'il force la Parque & viue  
plus long temps,  
Par maint siecle endurcy contre la  
faulx dentée

Des ans, dont toute chose à la fin est domtée,  
Iamais on ne pourroit (sans jeter larmes d'œil)  
Le lire en le voyant ainsi vestu de duel,  
Non comme un orphelin qui a perdu son pere,  
Mais comme un auorton, à qui la main contraire  
De Lucine a trenché le fil sans auoir sceu  
Ny cognoistre ny voir celuy qui l'a conceu.

Tel enfant & ce livre ont pareille naissance,  
Qui n'eurent de leur pere onques là cognoissance:  
Toutefois un chacun en contemplant le traict  
De son corps imparfaict, voit bien qu'il est extraict  
De Royale lignée & de hault parentage,  
Rapportant de sa race au front le tesmoignage.

Or son pere ne fut de ceux qui par les champs  
Renuersent les sillons de leurs contres tren chans,  
Ny de ceux qui gardans la troupe camusette

Des brebis, ont és mains la fluste & la houlette:  
 Mais Seigneur des François en vertus nompareil,  
 En la terre aussi grand qu'au Ciel est le Soleil,  
 Qui pour n'empoisonner les ans de sa ieunesse  
 D'amours, ny de festins, de ieux, ny de paresse,  
 Et pour tromper l'ennuy des ciuiles fureurs,  
 Aima chiens, & cheuaux, cognoisseurs & coureurs,  
 Et de meute & d'abbois par brusque violence,  
 Des forests & des Cerfs resneiller le silence.

Il se fait si pratique en l'air de bien chasser,  
 Qu'aux heures de loisir il en voulut tracer  
 Le projet de ce liure, auant la renommée  
 Qui s'acquiert par la plume & par l'encre animée  
 Mieux que le vain honneur de bastir des chasteaux,  
 Ouurage de sablon, de chaux & de marteaux,  
 Qui tombent piece à piece, & leurs testes superbes  
 Se couurent en cent ans de lambrunches & d'herbes.

Mais la jalouse Mort despitée d'un tel fait,  
 Ne luy permist de voir son ouurage parfait.  
 Ainsi par la tempeste à terre on voit flectrie  
 La Rose Adonienne auant qu'estre fleurie.

O Charles dont le frant est vestu de Laurier,  
 Tu te peux bien vanter que tu es le premier  
 Des Monarques François, qui rompant la cōstume  
 Des Princes ties acquis loüange par la plume,  
 Allongeant au Tombeau d'un renom esclarcy  
 Les ans victorieux de ton âge accomplcy.

Ta peine toutesfois par ton liure semée  
 Se fust en l'air perdue ainsi qu'une fumée,  
 Si le tien Villeroy, des Muses le support,  
 N'eust arraché ton fils des griffes de la Mort,  
 Et rany de ta cendre. Ainsi la main fidele

De Silene

De Silene sauua du ventre de Semele  
 Bacchus germe imparfait, par le foudre auorté.  
 Et si le sentiment là bas ne t'est osté,  
 Aggraué de la tombe Et de la froide cendre,  
 Tu dois pour recompense un grãd mercy luy rendre,  
 D'auoir forcé ta mort, ainsi qu'Hercule feit  
 Iadis celle d'Alceste: Et cela nous suffit  
 A tous deux, Villeroy, pour donner à cognoistre  
 Que les bons seruiteurs aimēt tousiours leur maistre.



VERS DV ROY CHARLES

IX. à Ronsard.



Ronsard, ie cognois bien que si tu ne  
 me vois,

Tu oublies soudain de ton grand  
 Roy la voiz:

Mais pour t'en souuenir, pense que  
 ie n'oublie

Continuer tousiours d'apprendre en Poësie:

Et pource i'ay voulu t'enuoyer cet escrit

Pour enthousiazer ton phantastique esprit:

Donc ne t'amuse plus à faire ton mesnage;

Maintenant n'est plus temps de faire iardinage:

Il faut suivre ton Roy, qui t'aime par-sui tous:

Pour les vers qui de toy coulent braues & dours:

Et croy si tu ne viens me trouuer à Amboise,

Qu'entre nous aduiendra vne bien grande noise.



## RESPONSE AUX VERS

precedents du feu Roy Charles  
neufiesme.



CHARLES en qui le ciel toutes  
graces inspire,  
Qui as le cœur plus grand que n'est  
grand ton Empire,  
Vne ame prompte & vive, un esprit  
generoux,

De vertus, de science, & d'honneur amoureux,  
Qui passes tes ayeux d'un aussi long espace  
Que l'Aigle les Autours, dont l'aile ne se lasse  
En volant outre l'air d'approcher le Soleil:

Ainsin entre les Rois tu n'as point de pareil  
Que François ton grand pere: & si l'honneste hôte  
Le vouloit, ie dirois que Charles le surmonte,  
D'autant que nostre siecle est meilleur que le sien,  
Et que le temps present vaut mieux que l'ancien,  
Et d'autant qu'il fut docte au declin de vieillesse,  
Et tu es tout sçauent en la fleur de iennesse.

Car si ta Maiesté (apres le soin commun  
Qu'elle prend du public, Et d'escouter chacun,  
Permettant à ton peuple vne facile entrée)  
Soit en prose ou en vers pour plasir se recreé,  
Doimant quelque relasche à ton diuin esprit,  
Qui se monstre soy-mesme en monstrant son escrit,  
Et rien s'il n'est parfait ne medite ou compose,

Ronsard te cede en vers, Et Amyot en prose:  
 Et suis marry d'auoir si longuement vescu  
 Au giron des neuf Sœurs, pour estre ainsi veincu.  
 N'estoit-ce pas assez de m'auoir en cent sortes  
 Monstré l'affection que maistre tu me portes,  
 Sans encor me vouloir desfier en mon art,  
 Et en vers appeller au combat ton Ronsard,  
 Desconurant contre moy la fureur de ton stile?  
 Ainsi le grand Auguste escriuoit à Virgile:  
 Virgile qui l'esprit de son maistre suinoit,  
 Pour luy donner plaisir luy contre-rescriuoit.

Tu m'as donné des vers, tres-magnanime Prince,  
 Afin qu'en imitant ton exemple, j'apprinse  
 Que peut vn cœur superbe, Et pour auoir aussi  
 Tonsiours l'esprit touché d'un vertueux souci.

Toutesfois te iouuant, grād Monarque de France,  
 Tu as plus auancé que ta plume ne pense:  
 Car tes faits quelque iour par le temps periront:  
 En mon liure à iamais tes beaux vers se liront,  
 Que ie veux engrauer entourner de gloire,  
 Sur l'autel le plus sainct du Temple de Memoire,  
 Pour mieux faire cognoistre à la posterité  
 Qu'en France j'ay vescu regnant ta Maiesté,  
 Et que ta Maiesté deffous elle a veu naistre  
 Ma Muse qui se plaist de seruir vn tel maistre.






VERS DV ROY CHARLES  
IX. à Ronfard.



Onfard, si ton vieil corps ressembloit ton  
esprit,  
Je serois bien content d'auouër par es-  
crit.

Qu'il sympathiseroit en mal avec le mien,  
Et qu'il seroit malade aussi bien que le tien.  
Mais lors que ta vieillesse en comparaison ose  
Regarder ma ieu nesse, en vain elle propose  
De se rendre pareille à mon ieune Printemps:  
Car en ton froid Hyuer rien de verd n'est dedans.  
Il ne te reste rien qu'un esprit grand & hant,  
Lequel comme immortel iamais ne te defaut.  
Or donc ie te diray que bien-heureux serois  
Si de ton bon esprit un rayon ie tirois,  
Ou bien que sans t'oster rien du tien si exquis,  
Par estude Et/labeur un tel m'estoit acquis.  
Ton esprit est, Ronfard, plus gaillard que le mien:  
Mais mon corps est plus ieune & plus fort que le tien.  
Par ainsi ie conclu, qu'en sçauoir tu me passe,  
D'autant que mon Printemps tes cheueux gris efface.



RESPONSE A V X V E R S  
precedent dudit feu Roy Charles ix.



*C* H A R L E S, tel que ie suis vous serez  
quelque iour:

L'âge vole tousiours sans espoir de re-  
tour.

Et comme hors des dets la parole sortie  
Ne retourne iamais apres qu'elle est partie:  
Ainsi l'âge qui fuit par les siecles cassé,  
Ne retourne iamais quand il nous a laissé.

Voyez au mois de May sur l'espine la Rose,  
Au matin un bouton, à vespere elle est esclose,  
Sur le soir elle meurt: ô belle fleur, ainsi  
Un iour est ta naissance Et ton trespas aussi.

Si chasteaux, si citez de marbres estofées,  
Si tant de vaillans Rois annoblis de trofées  
Vieillissent, ie puis bien en imitant le cours  
De nature décroistre, Et veoir vieillir mes iours.

Ie vous passe, mon Roy, de vingt & deux années:  
Mais les vostres seront si soudain retournées,  
Qu'au prix du long seiour que fait l'Eternité,  
Qui les siecles deuore en son infinité,  
Vingt, trente, quarâte ans, voire cent mille semblés  
Un grain pres d'un mōceau où tāt de graīs s'asēblēt:  
Et qui meurt ce iourd'huy, soit riche ou souffreteux,  
Quant à l'Eternité, meurt à l'egal de ceux  
Qu'engloutist le Deluge en l'eau desmesurée.

AV ROY CHARLES IX.

„ Tout terme qui finist, n'a pas longue durée.  
Et soit tost ou soit tard il faut veoir le trespas,  
Et descendre au parquet des Iuges de là-bas.

Heureux trois fois heureux, si vous auez mon âge,  
Vous seriez deliuré de l'importune rage  
Des chaudes passions, dont l'homme ne vit franc  
Quand son gaillard printemps luy eschauffe le sang.

De là l'ambition, de là la conuoitise,  
De là vient la chaleur que Venus nous attise,  
Et l'Ire qui abbat le Fort de la raison,  
Ennemis incognuz du bon pere grison.  
Vous verriez mô grâd Prince, en barbe venerable  
Vostre race Royale autour de vostre table,  
Comme ieunes Lauriers: & Monarque puissant,  
Vous verriez deffous vous le peuple obeyssant,  
Vostre espargne fournie, & vos villes Françoises,  
Marchez, hautes, & ports, loin de ciuiles noises,  
Riches d'honneur, de paix, & de biens plantureux,  
Et vieillard vous seriez plus qu'en ieunesse heureux.

Il ne faut estimer que la mere Nature  
Les saisons des humains ordonne à l'auanture,  
Comme vn meschant Comique en son theatre fait  
Le premier Acte bon, le dernier imparfait:  
Elle compose tout d'une meure sagesse:  
Si la ieunesse est bonne, aussi est la vieillesse.

La ieunesse est gaillarde & discourt librement,  
Vieillesse a la raison, esprit, & iugement:  
L'une a l'opinion Et l'autre la prudence:  
L'une aime les oiseaux, chies amour, cheuaux, dâces:  
L'autre aime le bon vin, le bon liét, le bon feu:  
Ainsi toute saison differe de bien peu,  
Et presque l'une à l'autre à l'egal se rapporte:

Chacune a son plaisir, mais de diuerse sorte.

Pourquoy en vous moquant me faites vous ce tort  
De m'appeller Squelete Et Laune de la mort,  
Et de me peindre aux yeux une fin si prochaine,  
Quand de mon chaud esté ie ne sors qu'à grād peine,  
Ie n'entre qu'en Autonne, Et ne peux arriuer  
De vingt ans pour le moins aux iours de mō Hyuer,  
Et vous puis (si le Ciel à ma vie est propice)  
Faire encore long temps agreable service:  
Et quand le corps seroit de trop d'âge donté,  
L'âge ne peut forcer la bonne volonté.

De force & de vigueur mal-gré moy ie vous cede:  
Vous possédez la fleur, l'escorce ie possède:  
Et ie vous cede encore en genereux esprit  
Qui m'appelle au combat par un royal escrit.

Et brefs'il vous plaisoit un peu prendre la peine  
De courtiſer la Muse, & boire en la fontaine  
Qui baigne d'Helicon les vergiers Et le mont,  
Tout seul vous porteriez les Lauriers sur le front,  
Vn second Roy François : de là viendroit ma gloire.  
» Estre veincu d'un Roy, c'est gagner la victoire.

F I N.



Deffous les coups les armenres qui tremblent,  
Font un grand son : Victoire qui pendoit,  
Douteuse au Ciel, les combats regardoit.

Au mois d'Esté quand la pauvre famille  
Du laboureur tient en main la faucille,  
Et se courbant abat de son seigneur  
Les espics meurs, des campagnes l'honneur:  
Tant de moisson tant de blonde sauelle  
L'une sur l'autre espais ne s'amoncelle  
De tous costez esparse sur les champs,  
Que de corps morts par les glaines tranchans  
Seront meurdrys de la gent Sarrazine.  
En moins d'un iour hostes de Proserpine  
Iront là bas trois cens mille tuez,  
L'un dessus l'autre en carnage ruez.

Mille ans apres les Tourangelles plaines  
Seront encor de carcasses si pleines,  
D'ox, de harnois, de vuides morions,  
Que les bouuiers en traçant leurs sillons  
N'oirront sonner sous la terre feruë  
Que de grands ox hurrez de la charruë.  
Tel au combat sera ce grand Martel:  
Qui plein de gloire Et d'honneur immortel  
Perdra du tout par mille beaux trofées  
Des Sarrazins les races estoufées,  
Et des François le nom victorieux  
Par sa proïesse enuoyra insqu'aux Cieux.

L'autre est Pepin heritier de son pere  
Tant en vertu qu'en fortune prospere,  
Qui mari'ra la Iustice au harnois,  
Et regira les siens par bonnes loïs.  
Luy bas de corps, de cœur grand Capitaine,

Par neuf consillets assaillant l'Aquitaine,  
De Gaïfier occira les soudars:

Il rendra serf le Prince des Lombars  
Dontant sous luy les forces d'Italie.

Rome qui fut tant de fois assaillie,  
Sera remise en son premier honneur:

Par luy le Pape en deulendra Seigneur, I

Et des François prendra son accroissance:

Tant le bon zèle aura lors de puissance! 12

Par cent combats, par cent mille façons

Doit renuerser le peuple des Saxons,

Peuple guerrier des François aduersaire, 12

Et sous sa main le rendra tributaire. 12

La loy pendra sur son glaine pointu

Craint de chacun: tant vaudra sa vertu 12

De la fortune heureuse accompagnée! 12

Sous luy faudra de Clouis la lignée, 12

Si qu'en perdant le sang tres-ancien

Des premiers Rois, fera naistre le sien,

Donnant lumiere à sa race nouvelle

Par les hauts faits de sa dextre immortelle.

„ N'espere rien au Monde de certain:

„ Ainsi que vent tout coule de la main:

„ Enfant d'Hector, tout se change & rechange:

„ Le temps nous fait, le temps mesme nous mange:

„ Princes & Rois & leurs races s'en-vont,

„ De leurs trespas les autres se resont.

„ Chose ne vit d'eternelle durée:

„ La vertu seule au Monde'est assurée!

Fin du quatriesme liure de la  
Franciade.

## L'AVTHEVR PARLE.

*Si le Roy Charles eust vescu,  
 J'eusse acheué ce long ouirage:  
 Si tost que la Mort l'eust veincu,  
 Sa mort me vainquit le courage.*

Nil intentatum nostri liquere Poëta,  
 Nec minimum meruere decus, vestigia trita  
 Ausi deferere, & celebrare domestica facta.



# ELEGIE SVR LE LIVRE DE LA

CHASSE DV FEV ROY CHARLES

ix. recueilly & ram asslé par la di-  
ligence de Monseigneur  
de Villeroy.



Oit que ce liure icy ne viue qu'un  
Printemps,

Soit qu'il force la Parque & viue  
plus long temps,

Par maint siecle endurcy contre la  
faulx dentée

Des ans, dont toute chose à la fin est domtée,

Iamais on ne pourroit (sans jetter larmes d'œil)

Le lire en le voyant ainsi vestu de duel,

Non comme un orphelin qui a perdu son pere,

Mais comme un avorton, à qui la main contraire

De Lucine a trenché le fil sans auoir scéu

Ny cognoistre ny voir celuy qui l'a conceu.

Tel enfant & ce liure ont pareille naissance,

Qui n'eurent de leur pere onques la cognoissance:

Toutefois un chacun en contemplant le traict

De son corps imparfaict, voit bien qu'il est extraict

De Royale lignée & de hault parentage,

Rapportant de sa race au front le tesmoignage.

Or son pere ne fut de ceux qui par les champs

Renuersent les sillons de leurs contres trenchans,

Ny de ceux qui gardans la troupe camusette



Des brebis, ont és mains la fluste & la houlette:  
 Mais Seigneur des François en vertus nompareil,  
 En la terre aussi grand qu'au Ciel est le Soleil,  
 Qui pour n'empoisonner les ans de sa jeunesse  
 D'amours, ny de festins, de ieux, ny de paresse,  
 Et pour tromper l'ennuy des ciuilles fureurs,  
 Aima chiens, & cheuaux, cognoisseurs. & coureurs,  
 Et de meute Et d'abbois par brusque violence,  
 Des forests Et des Cerfs resueiller le silence.

Il se fait si pratique en l'air de bien chasser,  
 Qu'aux heures de loisir il en voulut tracer  
 Le projet de ce liure, auant la renommée  
 Qui s'acquiert par la plume & par l'encre animée  
 Mieux que le vain honneur de bastir des chasteaux,  
 Ouurage de sablon, de chaux & de marteaux,  
 Qui tombent piece à piece, & leurs testes superbes  
 Se couurent en cent ans de lambrunches & d'herbes.

Mais la ialouse Mort despitte d'un tel fait,  
 Ne luy permist de voir son ouurage parfaict.  
 Ainsi par la tempeste à terre on voit flestrie  
 La Rose Adoninne auant qu'estre fleurie.

O Charles dont le front est vestu de Laurier,  
 Tu te peux bien vanter que tu es le premier  
 Des Monarques François, qui rompant la coustume  
 Des Princes t'es acquis loüange par la plume,  
 Allongéant au Tombeau d'un renom esclarcy.  
 Les ans victorieux de ton âge accourcy.

Ta peme toutefois par ton liure semée  
 Se fust en l'air perdue ainsi qu'une fumée,  
 Si le tien Villeroy, des Muses le support,  
 N'eust arraché ton filz des griffes de la Mort,  
 Et rany de ta cendre. Ainsi la main fidele

De Silene

De Silene sauua du ventre de Semele  
 Bacchus germe imparfait, par le foudre auorté.  
 Et si le sentiment là bas ne t'est osté,  
 Aggraué de la tombe Et/ de la froide cendre,  
 Tu dois pour recompense vn grād mercy luy rendre,  
 D'auoir forcé ta mort, ainsi qu' Hercule feit  
 Iadis celle d' Alceste: Et/ cela nous suffit  
 A tous deux, Villeroy, pour donner à cognoistre  
 Que les bons seruiteurs aimēt tousiours leur maistre.



VERS DV ROY CHARLES

ix. à Ronfard.



Ronfard, ie cognois bien que si tu ne  
 me vois,

Tu oublies soudain de ton grand  
 Roy la voi:

Mais pour t'en souuenir, pense que  
 ie n'oublie

Continuer tousiours d'apprendre en Poësie:

Et pource i'ay voulu t'enuoyer cet escrit

Pour enthousiazer ton phantastique esprit:

Donc ne t'amuse plus à faire ton mesnage;

Maintenant n'est plus temps de faire iardinage:

Il faut suivre ton Roy, qui t'aime par ses loys.



## RESPONSE AVX VERS

precedents du feu Roy Charles  
neufiesme.



CHARLES en qui le ciel toutes  
graces inspire,  
Qui as le cœur plus grand que n'est  
grand ton Empire,  
Vne ame prompte & viue, un esprit  
genereux,

De vertus, de science, & d'honneur amoureux,  
Qui passes tes ayeux d'un aussi long espace  
Que l'Aigle les Autours, dont l'aile ne se lasse  
En volant outre l'air d'approcher le Soleil:

Ainsin entre les Rois tu n'as point de pareil.  
Que François ton grand pere: & si l'honneste hôte  
Le vouloit, ie dirois que Charles le surmonte,  
D'autant que nostre siecle est meilleur que le sien,  
Et que le temps present vaut mieux que l'ancien,  
Et d'autant qu'il fut docte au declin de vieillesse,  
Et tu es tout sçauent en la fleur de ieunesse.

Car si ta Maesté (apres le soin commun  
Qu'elle prend du public, Et d'escouter chacun,  
Permettant à ton peuple vne facile entrée)  
Soit en prose ou en vers pour plaisir se recreé,  
Donnant quelque relasche à ton diuin esprit,  
Qui se monstre soy-mesme en monstrant son escrit,  
Et rien s'il n'est parfait ne medite ou compose,

Ronsard te cede en vers, Et Amyot en prose:  
Et suis marry d'auoir si longuement vescu  
Au giron des neuf Sœurs, pour estre ainsi veincu.

N'estoit-ce pas assez de m'auoir en cent sortes  
Monstré l'affection que maistre tu me portes,  
Sans encor me vouloir desfier en mon art,  
Et en vers appeller au combat ton Ronsard,  
Descomurant contre moy la fureur de ton stile?  
Ainsi le grand Auguste escriuoit à Virgile:  
Virgile qui l'esprit de son maistre suiuoit,  
Pour luy donner plaisir luy contre-rescriuoit.

Tu m'as donné des vers, tres-magnanime Prince,  
Afin qu'en imitant ton exemple, j'apprinse  
Que peut un cœur superbe, Et pour auoir aussi  
Tousiours l'esprit touché d'un vertueux souci.

Toutesfois te iouïant, grād Monarque de France,  
Tu as plus auancé que ta plume ne pense:  
Car tes faits quelque iour par le temps periront:  
En mon liure à iamais tes beaux vers se liront,  
Que ie veux engraher environnez de gloire,  
Sur l'autel le plus saint du Temple de Memoire,  
Pour mieux faire cognoistre à la posterité  
Qu'en France j'ay vescu regnant ta Maïesté,  
Et que ta Maïesté deffous elle a veu naistre  
Ma Muse qui se plaist de seruir un tel maistre.




VERS DV ROY CHARLES  
IX. à Ronsard.



*Ronsard, si ton vieil corps ressembloit ton  
esprit,  
Je serois bien content d'auouër par es-  
crit.*

*Qu'il sympathiseroit en mal avec le mien,  
Et qu'il seroit malade aussi bien que le tien.  
Mais lors que ta vieillesse en comparaison ose  
Regarder ma ieunesse, en vain elle propose  
De se rendre pareille à mon ieune Printemps:  
Car en ton froid Hyuer rien de verd n'est dedans.  
Il ne te reste rien qu'un esprit grand & haut,  
Lequel comme immortel iamaïs ne te defaut.  
Or donc ie te diray que bien-heureux serois  
Si de ton bon esprit vn rayon ie tirois,  
Ou bien que sans t'oster rien du tien si exquis,  
Par estude Et/labeur un tel m'estoit acquis.  
Ton esprit est, Ronsard, plus gaillard que le mien:  
Mais mon corps est plus ieune & plus fort que le tien.  
Par ainsi ie conclu, qu'en sçauoir tu me passe,  
D'autant que mon Printëps tes cheueux gris efface.*



RESPONSE A V X V E R S  
precedent dudit feu Roy Charles ix.



**C**H A R L E S, tel que ie suis vous serex  
quelque iour:

L'âge vole tousiours sans espoir de re-  
tour.

Et comme hors des dets la parole sortie  
Ne retourne iamais apres qu'elle est partie:  
Ainsi l'âge qui fuit par les siecles cassé,  
Ne retourne iamais quand il nous a laissé.

Voyez au mois de May sur l'espine la Rose,  
Au matin un bouton, à vespere elle est esclose,  
Sur le soir elle meurt: ô belle fleur, ainsi  
Vn iour est ta naissance Et ton trespas aussi.

Si chasteaux, si citez de marbres estoquées,  
Si tant de vaillans Rois annoblis de trofées  
Vieillissent, ie puis bien en imitant le cours  
De nature decroistre, Et veoir vieillir mes iours.

Ie vous passe, mon Roy, de vingt & deux années:  
Mais les vostres seront si soudain retournées,  
Qu'au prix du long seiour que fait l'Eternité,  
Qui les siecles deuore en son infinité,  
Vingt, trente, quarâte ans, voire cent mille semblent  
Vn grain pres d'un moceau où tât de grâis s'assemblent:

„ Tout terme qui finist, n'a pas longue durée.  
Et soit tost ou soit tard il faut veoir le trespas,  
Et descendre au parquet des Iuges de là-bas.

Heureux trois fois heureux, si vous auiez mon âge,  
Vous seriez deliuré de l'importune rage  
Des chaudes passions, dont l'homme ne vit franc  
Quand son gaillard printemps luy eschauffe le sang.

De là l'ambition, de là la conuoitise,  
De là vient la chaleur que Venus nous attise,  
Et l'Ire qui abbat le Fort de la raison,  
Ennemis incognuz du bon pere grison.  
Vous verriez mô grâd Prince, en barbe vénérable  
Vostre race Royale autour de vostre table,  
Comme ieunes Lauriers: & Monarque puissant,  
Vous verriez dessous vous le peuple obeyssant,  
Vostre espargne fournie, & vos villes Françoises,  
Marchez, haïres, & ports, loin de ciuiles noises,  
Riches d'honneur, de paix, & de biens plantureux,  
Et vieillard vous seriez plus qu'en ieunesse heureux.

Il ne faut estimer que la mere Nature  
Les saisons des humains ordonne à l'auanture,  
Comme un meschant Comique en son theatre fait  
Le premier Acte bon, le dernier imparfait:  
Elle compose tout d'une meure sagesse:  
Si la ieunesse est bonne, aussi est la vieillesse.

La ieunesse est gaillarde & discourt librement,  
Vieillesse a la raison, esprit, & iugement:  
L'une a l'opinion Et l'autre la prudence:  
L'une aime les oiseaux, chiens, amour, cheuaux, dâces:  
L'autre aime le bon vin, le bon liét, le bon feu:  
Ainsi toute saison differe de bien peu,  
Et presque l'une à l'autre à l'egal se rapporte:



Chacune a son plaisir, mais de diuerse sorte.

Pourquoy en vous moquant me faites vous ce tort  
De m'appeller Squelete Et Laune de la mort,  
Et de me peindre aux yeux une fin si prochaine,  
Quand de mon chaud esté ie ne sors qu'à grãd peine,  
Ie n'entre qu'en Autonne, Et ne peux arriuer  
De vingt ans pour le moins aux iours de mō Hyuer,  
Et vous puis (si le Ciel à ma vie est propice)  
Faire encore long temps agreable seruice:  
Et quand le corps seroit de trop d'âge donté,  
L'âge ne peut forcer la bonne volonté.


De force & de vigueur mal-gré moy ie vous cede:  
Vous possédez la fleur, l'escorce ie possède:  
Et ie vous cede encore en genereux esprit  
Qui m'appelle au combat par vn royal escrit.

Et bres'il vous plaisoit vn peu prendre la peine  
De courtiser la Muse, & boire en la fontaine  
Qui baigne d'Helicon les vergiers Et le mont,  
Tout seul vous porteriez les Lauriers sur le front,  
Vn second Roy François: de là viendroit ma gloire.  
Estre veincu d'un Roy, c'est gagner la victoire.

F I N.







De l'Imprimerie de Leger  
DE LAS.

